

OFFERYNNAU STATUDOL CYMRU

2023 Rhif 1064 (Cy. 180)

**LLYWODRAETH LEOL, CYMRU
CYNRYCHIOLAETH Y BOBL, CYMRU**

**Rheolau Etholiadau Lleol (Prif Ardaloedd)
(Pleidlais Sengl Drosglwyddadwy) (Cymru) 2023**

Gwnaed - - - - 4 Hydref 2023
Yn dod i rym - - 9 Hydref 2023

Mae Gweinidogion Cymru, drwy arfer y pwerau a roddir gan adran 36A(1), (2)(d) a (4) o Ddeddf Cynrychiolaeth y Bobl 1983(1), yn gwneud y Rheolau a ganlyn.

Yn unol ag adran 36A(7) o'r Ddeddf honno, mae Gweinidogion Cymru wedi ymgynghori â'r personau hynny yr oeddent yn ystyried eu bod yn briodol.

Yn unol ag adran 36A(10) o'r Ddeddf honno, gosodwyd drafft o'r offeryn hwn gerbron Senedd Cymru ac fe'i cymeradwywyd ganddi drwy benderfyniad.

Enwi, dod i rym a dehongli

1.—(1) Enw'r Rheolau hyn yw Rheolau Etholiadau Lleol (Prif Ardaloedd) (Pleidlais Sengl Drosglwyddadwy) (Cymru) 2023.

(2) Daw'r Rheolau hyn i rym ar 9 Hydref 2023.

(3) Yn y Rheolau hyn, ystyr "Rheolau 2021" yw Rheolau Etholiadau Lleol (Prif Ardaloedd) (Cymru) 2021(2).

Diwygio rheol 3 o Reolau 2021

2. Yn rheol 3 o Reolau 2021 (dehongli), ym mharagraff (3)—

(a) yn y geiriau mewn cromfachau, yn lle "adran 202(1)" rhodder "adrannau 202(1) a 203(1)";

(b) yn y lleoedd priodol, mewnosoder—

“system mwyafrif syml” (“*simple majority system*”);

“system pleidlais sengl drosglwyddadwy” (“*single transferable vote system*”).

(1) 1983 p. 2. Mewnosodwyd adran 36A gan adran 13(3) o Ddeddf Llywodraeth Leol ac Etholiadau (Cymru) 2021 (dsc 1).

(2) O.S. 2021/1459 (Cy. 374). Diwygiwyd y Rheolau hyn gan O.S. 2022/263 (Cy. 79).

Diwygio Rhan 3 o Atodlen 1 i Reolau 2021

- 3.—(1) Mae Rhan 3 o Atodlen 1 i Reolau 2021 wedi ei diwygio fel a ganlyn.
- (2) Yn rheol 21 (y bleidlais i'w chynnal drwy bleidlais gudd), yn lle paragraff (2) rhodder—
- “(2) Rhaid canfod y canlyniad—
- (a) pan y system mwyafrif syml yw'r system bleidleisio sy'n gymwys i'r etholiad, yn unol â Rhan 4;
- (b) pan y system pleidlais sengl drosglwyddadwy yw'r system bleidleisio sy'n gymwys i'r etholiad, yn unol â Rhan 4A.”.
- (3) Yn rheol 22 (y papurau pleidleisio)—
- (a) ym mharagraff (3), ar y dechrau mewnosoder “Pan y system mwyafrif syml yw'r system bleidleisio sy'n gymwys i'r etholiad,”;
- (b) ar ôl paragraff (3) mewnosoder—
- “(3A) Pan y system pleidlais sengl drosglwyddadwy yw'r system bleidleisio sy'n gymwys i'r etholiad, rhaid i bapur pleidleisio—
- (a) bod yn y ffurf yn Atodiad 2A, a
- (b) bod wedi ei argraffu yn unol â'r cyfarwyddydau yn yr Atodiad hwnnw.”.
- (4) Yn rheol 28 (papurau pleidleisio post)—
- (a) ym mharagraff (1)(b), yn lle “Atodiad 4” rhodder “yr Atodiad cymwys”;
- (b) ar ôl paragraff (1) mewnosoder—
- “(1A) Ym mharagraff (1)(b), ystyr “yr Atodiad cymwys” yw—
- (a) pan y system mwyafrif syml yw'r system bleidleisio sy'n gymwys i'r etholiad, Atodiad 4;
- (b) pan y system pleidlais sengl drosglwyddadwy yw'r system bleidleisio sy'n gymwys i'r etholiad, Atodiad 4A.”.
- (5) Yn rheol 31 (dyroddi cardiau pleidleisio swyddogol)—
- (a) ym mharagraff (4), yn lle “Atodiad 5” rhodder “yr Atodiad cymwys”;
- (b) ym mharagraff (6)(a), yn lle “Atodiad 5” rhodder “yr Atodiad cymwys”;
- (c) ym mharagraff (7), o flaen is-baragraff (a) mewnosoder—
- “(aa) ystyr “yr Atodiad cymwys” yw—
- (i) pan y system mwyafrif syml yw'r system bleidleisio sy'n gymwys i'r etholiad, Atodiad 5;
- (ii) pan y system pleidlais sengl drosglwyddadwy yw'r system bleidleisio sy'n gymwys i'r etholiad, Atodiad 5A.”.
- (6) Yn rheol 32 (cyfarpar gorsafoedd pleidleisio)—
- (a) ym mharagraff (9), yn lle “Atodiad 6” rhodder “yr Atodiad cymwys”;
- (b) ar ôl paragraff (9) mewnosoder—
- “(9A) Ym mharagraff (9), ystyr “yr Atodiad cymwys” yw—
- (a) pan y system mwyafrif syml yw'r system bleidleisio sy'n gymwys i'r etholiad, Atodiad 6;
- (b) pan y system pleidlais sengl drosglwyddadwy yw'r system bleidleisio sy'n gymwys i'r etholiad, Atodiad 6A.”;

- (c) ym mharagraff (11), ar y dechrau mewnosoder “Pan y system mwyafrif syml yw'r system bleidleisio sy'n gymwys i'r etholiad,”;
- (d) ar ôl paragraff (11) mewnosoder—
- “(12) Pan y system pleidlais sengl drosglwyddadwy yw'r system bleidleisio sy'n gymwys i'r etholiad, rhaid dangos hysbysiad sy'n cynnwys yr wybodaeth a ganlyn y tu mewn i bob bwth pleidleisio ym mhob gorsaf bleidleisio—
- (a) cyfarwyddyd i'r pleidleisiwr i roi'r rhif 1 yn y blwch pleidleisio gyferbyn â'i ddewis cyntaf;
- (b) esboniad i'r pleidleisiwr y caiff wneud cynifer neu gyn lleied o ddewisiadau ychwanegol ag y dymuna, ynghyd â chyfarwyddyd ynghylch sut i wneud hyn drwy roi'r rhif 2 gyferbyn â'i ail ddewis, y rhif 3 gyferbyn â'i drydydd dewis ac yn y blaen.”.

Mewnosod Rhan 4A o Atodlen 1 i Reolau 2021

4.—(1) Yn lle pennawd Rhan 4 o Atodlen 1 i Reolau 2021 rhodder—

“Cyfrif y Pleidleisiau: Etholiadau sy'n Defnyddio'r System Mwyafrif Syml ”.

(2) Ar ddiwedd Rhan 4 mewnosoder—

“Rhan 4A

Cyfrif y Pleidleisiau: Etholiadau sy'n Defnyddio'r System Pleidlais Sengl Drosglwyddadwy

PENNOD 1

Darpariaethau rhagarweiniol

Trefniadau cyfrif y pleidleisiau

60A.—(1) Rhaid i'r swyddog canlyniadau wneud trefniadau i'r pleidleisiau gael eu cyfrif ym mhresenoldeb yr asiantau cyfrif cyn gynted ag y bo'n ymarferol ar ôl i'r bleidlais gau.

(2) Rhaid i'r swyddog canlyniadau roi hysbysiad i'r asiantau cyfrif yn datgan yr amser a'r lle y bydd y swyddog canlyniadau yn dechrau cyfrif y pleidleisiau.

Presenoldeb wrth i'r pleidleisiau gael eu cyfrif

60B.—(1) Mae gan y personau a ganlyn hawl i fod yn bresennol wrth i'r pleidleisiau gael eu cyfrif—

- (a) y swyddog canlyniadau ac aelodau staff y swyddog canlyniadau;
- (b) pob ymgeisydd a gwestai i bob ymgeisydd;
- (c) yr asiantau etholiadol;
- (d) yr asiantau cyfrif;
- (e) unrhyw berson sydd â hawl i fod yn bresennol yn rhinwedd adrannau 6A i 6D o Ddeddf Pleidiau Gwleidyddol, Etholiadau a Refferenda 2000(3) (cynrychiolwyr y Comisiwn Etholiadol a sylwedyddion achrededig);

(f) y cwnstabiliaid ar ddyletswydd.

(2) Caiff y swyddog canlyniadau ganiatáu i unrhyw berson arall fod yn bresennol wrth i'r pleidleisiau gael eu cyfrif.

(3) Ni chaniateir rhoi caniatâd o dan baragraff (2) oni bai bod y swyddog canlyniadau—

(a) wedi ei fodloni na fydd presenoldeb y person yn rhwystro'r pleidleisiau rhag cael eu cyfrif yn effeithlon, a

(b) naill ai wedi ymgynghori â'r asiantau etholiadol ynghylch a ddylid rhoi caniatâd neu wedi penderfynu nad yw'n ymarferol ymgynghori â hwy.

(4) Rhaid i'r swyddog canlyniadau roi pob cyfleuster rhesymol i'r asiantau cyfrif ar gyfer goruchwyllo'r trafodion, a'r holl wybodaeth amdanynt, y gall y swyddog canlyniadau eu rhoi yn gyson â chynnal y trafodion yn drefnus a chyflawni dyletswyddau'r swyddog canlyniadau.

(5) Yn benodol, pan fo'r pleidleisiau'n cael eu cyfrif drwy ddioli'r papurau pleidleisio yn ôl yr ymgeisydd y rhoddwyd y dewis cyntaf o'i ran ac yna cyfrif nifer y papurau pleidleisio ar gyfer pob ymgeisydd, mae gan yr asiantau cyfrif hawl i'w bodloni eu hunain fod y papurau pleidleisio wedi eu didoli'n gywir.

(6) Rhaid i'r swyddog canlyniadau wneud trefniadau i sicrhau bod pawb sy'n bresennol wrth i'r pleidleisiau gael eu cyfrif (ac eithrio'r cwnstabiliaid ar ddyletswydd) wedi cael hysbysiad yn nodi darpariaethau adran 66(2) a (6) o Ddeddf 1983(4) (hysbysiad o ofyniad cyfrinachedd).

(7) Yn y rheol hon, mae cyfeiriad at gwnstabl yn cynnwys cyfeiriad at berson a ddynodwyd yn swyddog cymorth cymunedol neu'n wirfoddolwr cymorth cymunedol o dan adran 38 o Ddeddf Diwygio'r Heddlu 2002(5) (pwerau'r heddlu i staff sy'n sifiliaid a gwirfoddolwyr).

Y cyfrif: camau

60C.—(1) Rhaid i'r swyddog canlyniadau gymryd y camau a ganlyn.

(2) Rhaid i'r swyddog canlyniadau, ym mhresenoldeb yr asiantau cyfrif, agor pob bocs pleidleisio, tynnu'r papurau pleidleisio, eu cyfrif a chofnodi nifer y papurau pleidleisio.

(3) Ni chaiff y swyddog canlyniadau gyfrif unrhyw bapur pleidleisio a dendrwyd.

(4) Rhaid i'r swyddog canlyniadau, ym mhresenoldeb yr asiantau etholiadol, ddilysu pob cyfriflen papurau pleidleisio drwy ei chymharu â nifer y papurau pleidleisio a gofnodwyd, y papurau pleidleisio heb eu defnyddio a'r papurau pleidleisio a ddifethwyd sydd ym meddiant y swyddog canlyniadau a'r rhestr pleidleisiau a dendrwyd (gan agor ac ailseilio'r pecynnau sy'n cynnwys y papurau pleidleisio heb eu defnyddio, y papurau pleidleisio a ddifethwyd a'r rhestr pleidleisiau a dendrwyd).

(5) Rhaid i'r swyddog canlyniadau baratoi datganiad ynglŷn â chanlyniad y dilysiad a rhoi copi o'r datganiad i unrhyw asiant etholiadol sy'n gofyn amdano.

(6) Rhaid hefyd i'r swyddog canlyniadau—

(a) cyfrif y papurau pleidleisio post sydd wedi eu dychwelyd yn briodol (gweler paragraff (7)), a

(b) cofnodi'r nifer a gyfrifwyd.

(4) Diwygiwyd adran 66 o Ddeddf 1983 gan baragraffau 82 a 86 o Atodlen 1 i Ddeddf Gweinyddu Etholiadol 2006 a pharagraff 3 o Atodlen 3 i Ddeddf Cynrychiolaeth y Bobl 1985 (p. 50); mae diwygiadau eraill ond nid yw'r un ohonynt yn berthnasol i'r Rheolau hyn.

(5) 2002 p. 30. Diwygiwyd adran 38 gan adran 38 o Ddeddf Plismona a Throseddau 2017 (p. 3); mae diwygiadau eraill ond nid yw'r un ohonynt yn berthnasol i'r Rheolau hyn.

- (7) Mae papur pleidleisio post i'w drin fel pe bai wedi ei ddychwelyd yn briodol os yw'r papur pleidleisio a'r datganiad pleidleisio post sy'n cyd-fynd ag ef sydd wedi ei gwblhau'n briodol—
- (a) wedi eu cyflwyno mewn gorsaf bleidleisio yn y ward etholiadol cyn i'r bleidlais gau,
 - (b) wedi eu rhoi â llaw i'r swyddog canlyniadau cyn i'r bleidlais gau, neu
 - (c) wedi dod i law'r swyddog canlyniadau drwy'r post cyn i'r bleidlais gau.
- (8) Mae datganiad pleidleisio post wedi ei gwblhau'n briodol—
- (a) os yw wedi ei lofnodi gan yr etholwr neu (yn ôl y digwydd) y dirprwy, oni bai bod y swyddog cofrestru wedi hepgor y gofyniad ynglŷn â llofnod,
 - (b) os yw'n datgan dyddiad geni'r etholwr neu (yn ôl y digwydd) dyddiad geni'r dirprwy, ac
 - (c) mewn achos lle mae camau i ddilysu dyddiad geni a llofnod etholwr neu ddirprwy wedi eu rhagnodi gan reoliadau o dan Ddeddf 1983(6), os yw'r swyddog canlyniadau wedi cymryd y camau hynny ac wedi dilysu'r dyddiad geni ac (ac eithrio mewn achos lle mae'r gofyniad ynglŷn â llofnod wedi ei hepgor) y llofnod.
- (9) Pan fo person, wrth i'r bleidlais gau, yn yr orsaf bleidleisio, neu mewn ciw y tu allan i'r orsaf bleidleisio, er mwyn cyflwyno papur pleidleisio post a datganiad pleidleisio post—
- (a) rhaid caniatáu i'r person gyflwyno'r papur pleidleisio a'r datganiad yn yr orsaf bleidleisio, a
 - (b) pan fônt wedi eu cyflwyno, maent i'w trin fel pe baent wedi eu cyflwyno cyn i'r bleidlais gau at ddibenion y rheol hon.
- (10) Ni chaiff y swyddog canlyniadau gyfrif y pleidleisiau a roddwyd ar unrhyw bapur pleidleisio—
- (a) yn achos papurau pleidleisio post, nes eu bod wedi eu cymysgu â'r papurau pleidleisio o un bocs pleidleisio o leiaf, a
 - (b) yn achos papurau pleidleisio o focs pleidleisio, nes eu bod wedi eu cymysgu â'r papurau pleidleisio o un bocs pleidleisio arall o leiaf.
- (11) Wrth gyfrif a chofnodi nifer y papurau pleidleisio a chyfrif y pleidleisiau, rhaid i'r swyddog canlyniadau—
- (a) cadw'r papurau pleidleisio â'u hwynebaw i fyny, a
 - (b) cymryd unrhyw ragofalon eraill sy'n briodol i atal unrhyw berson rhag gweld y rhifau neu'r marciau adnabod unigryw eraill a argraffwyd ar gefn y papurau.

Y cyfrif: cyffredinol

60D.—(1) Yn ddarostyngedig i baragraff (2), rhaid i'r swyddog canlyniadau, i'r graddau y bo'n ymarferol, fwrw ymlaen yn ddi-dor â'r gwaith cyfrif pleidleisiau hyd nes y bydd pob swydd wag wedi ei llenwi, gan ganiatáu amser ar gyfer lluniaeth yn unig.

- (2) Caiff y swyddog canlyniadau eithrio unrhyw oriau rhwng 7 p.m. a 9 a.m. fore trannoeth.
- (3) Yn ystod unrhyw amser sydd wedi ei eithrio, rhaid i'r swyddog canlyniadau—
- (a) gosod y papurau pleidleisio a'r dogfennau eraill sy'n ymwneud â'r etholiad o dan sêl y swyddog canlyniadau a seliau unrhyw asiantau cyfrif sy'n dymuno gosod eu sêl, a
 - (b) cymryd rhagofalon priodol fel arall ar gyfer diogelwch y papurau pleidleisio a'r dogfennau eraill.

(6) Gweler Rheoliadau Cynrychiolaeth y Bobl (Cymru a Lloegr) 2001 (O.S. 2001/341); yr offerynnau diwygio perthnasol yw O.S. 2002/1871, O.S. 2006/752, O.S. 2006/2910 ac O.S. 2013/3198.

Y cyfrif: papurau pleidleisio a wrthodwyd

60E.—(1) Yn ddarostyngedig i baragraff (2), mae'r papurau pleidleisio a ganlyn yn ddi-rym ac ni chaniateir eu cyfrif—

- (a) papur pleidleisio nad oes arno farc swyddogol;
- (b) papur pleidleisio nad yw'r rhif "1" ar ei ben ei hun wedi ei nodi arno er mwyn dangos dewis cyntaf o ran ymgeisydd penodol;
- (c) papur pleidleisio y mae'r rhif "1" ar ei ben ei hun i ddangos dewis cyntaf wedi ei nodi arno gyferbyn ag enw mwy nag un ymgeisydd;
- (d) papur pleidleisio y mae unrhyw beth wedi ei ysgrifennu neu wedi ei farcio arno y gellir adnabod y pleidleisiwr drwyddo ac eithrio'r rhif printiedig a'r marc adnabod unigryw arall ar y cefn;
- (e) papur pleidleisio sydd heb ei farcio neu'n ddi-rym oherwydd ansicrwydd.

(2) Mae paragraff (3) yn gymwys i bapur pleidleisio y marciwyd pleidlais arno—

- (a) mewn man heblaw'r man priodol, neu
- (b) heblaw drwy ddefnyddio geiriau neu unrhyw farc arall yn lle ffigur.

(3) Nid yw'r papur pleidleisio i'w drin fel pe bai'n ddi-rym, oherwydd y modd y mae'r bleidlais wedi ei marcio yn unig, os yw'n glir o'r papur pleidleisio, ym marn y swyddog canlyniadau, fod y pleidleisiwr wedi nodi'n glir ddewis neu ddewisiadau.

(4) Rhaid i'r swyddog canlyniadau arnodi'r gair "gwrthodwyd" ar unrhyw bapur pleidleisio nad yw, yn unol â'r rheol hon, i'w gyfrif.

(5) Os bydd asiant cyfrif yn gwrthwynebu penderfyniad y swyddog canlyniadau, rhaid i'r swyddog canlyniadau ychwanegu'r geiriau "gwrthwynebwyd y gwrthodiad" at yr arnodiad.

(6) Rhaid i'r swyddog canlyniadau baratoi datganiad yn dangos nifer y papurau pleidleisio a wrthodwyd.

(7) Rhaid i'r datganiad nodi'r nifer a wrthodwyd o dan bob un o is-baragraffau (a) i (e) o baragraff (1).

PENNOD 2

Canfod y Canlyniad

Dehongli

60F. Yn y Bennod hon—

ystyr "cam o'r cyfrif" ("*stage of the count*") yw—

- (a) pennu'r pleidleisiau dewis cyntaf ar gyfer pob ymgeisydd;
- (b) trosglwyddo papurau trosglwyddadwy ymgeisydd a drinnir fel pe bai wedi ei ethol ac sydd â phleidleisiau dros ben (gweler rheolau 60J a 60K);
- (c) eithrio un ymgeisydd neu ragor ar unrhyw adeg benodol (gweler rheol 60O);

ystyr "cwota" ("*quota*") yw'r nifer a gyfrifir yn unol â rheol 60H;

ystyr "cyfrif" ("*count*") yw'r holl weithrediadau sy'n ymwneud â chyfrif dewisiadau cyntaf a gofnodwyd o ran ymgeiswyr, trosglwyddo papurau trosglwyddadwy oddi wrth ymgeiswyr a drinnir fel pe baent wedi eu hethol ac y mae ganddynt bleidleisiau dros ben, a throsglwyddo papurau trosglwyddadwy oddi wrth ymgeiswyr sydd wedi eu heithrio o dan reol 60O;

ystyr "dewis nesaf sydd ar gael" ("*next available preference*") yw dewis sy'n ail ddewis neu'n ddewis pellach mewn trefn olynol o ran ymgeisydd sy'n parhau (ac felly nid

yw'n cynnwys dewis o ran ymgeisydd a drinnir fel pe bai wedi ei ethol na dewis o ran ymgeisydd a eithriwyd o dan reol 60O);

ystyr "pleidleisiau dros ben" ("*surplus*") yw nifer y pleidleisiau sydd uwchlaw'r cwota o blith cyfanswm nifer y pleidleisiau dros unrhyw ymgeisydd;

ystyr "ymgeisydd sy'n parhau" ("*continuing candidate*") yw unrhyw ymgeisydd nad yw eisoes yn cael ei drin fel pe bai wedi ei ethol ac nad yw wedi ei eithrio o dan reol 60O.

Cyfrif pleidleisiau dewis cyntaf

60G.—(1) Rhaid i'r swyddog canlyniadau ddidoli'r papurau pleidleisio dilys yn grwpiau yn ôl yr ymgeiswyr y rhoddwyd y pleidleisiau dewis cyntaf iddynt.

(2) Yna rhaid i'r swyddog canlyniadau—

(a) cyfrif nifer y papurau pleidleisio ym mhob grŵp, a

(b) cofnodi'r niferoedd hynny.

(3) Rhaid i'r swyddog canlyniadau hefyd ganfod a chofnodi cyfanswm nifer y papurau pleidleisio dilys.

Pennu'r cwota

60H. Rhaid i'r swyddog canlyniadau gymryd y camau a ganlyn i bennu nifer y pleidleisiau sy'n ddigon i sicrhau y dychwelir ymgeisydd fel cynghorydd ("y cwota").

Cam 1

Cymryd cyfanswm nifer y papurau pleidleisio dilys a gofnodwyd ar gyfer y ward etholiadol o dan reol 60G(3).

Cam 2

Cymryd nifer y cynghorwyr sydd i'w hethol ar gyfer y ward etholiadol ac ychwanegu un.

Cam 3

Rhannu'r nifer a gymerwyd yng ngham 1 â'r nifer a gymerwyd yng ngham 2. Os yw canlyniad y rhannu yn cynnwys lleoedd degol, eu hanwybyddu.

Cam 4

Ychwanegu un at ganlyniad y rhannu yng ngham 3 (gan anwybyddu unrhyw ddegolion). Y nifer hwn yw'r cwota.

Dychwelyd cynghorwyr

60I.—(1) Pan fo nifer y pleidleisiau dros ymgeisydd, ar unrhyw gam o'r cyfrif, yn cyfateb i'r cwota neu uwchlaw'r cwota, trinnir yr ymgeisydd fel pe bai wedi ei ethol.

(2) At ddiben pennu a yw nifer y pleidleisiau dewis cyntaf dros unrhyw ymgeisydd yn cyfateb i'r cwota neu uwchlaw'r cwota, mae'r ymgeisydd i'w gredydu ag un bleidlais ar gyfer pob papur pleidleisio y rhoddwyd pleidlais dewis cyntaf i'r ymgeisydd arno.

(3) Mae rheolau 60J, 60K, 60O a 60P yn gwneud darpariaeth ynghylch nifer y pleidleisiau sydd i'w credydu i ymgeisydd pan fo papur pleidleisio y rhoddir ail ddewis neu ddewis pellach o ran yr ymgeisydd arno yn cael ei drosglwyddo i'r ymgeisydd yn unol â'r rheolau hynny.

(4) Caiff ymgeisydd a drinnir fel pe bai wedi ei ethol ei dychwelyd fel cynghorydd pan fydd y swyddog canlyniadau'n datgan bod yr ymgeisydd wedi ei ethol yn unol â rheol 60W.

(5) Ar gyfer ystyr "cwota", gweler rheol 60F.

Trosglwyddiadau pan fo'r pleidleisiau dewis cyntaf uwchlaw'r cwota

60J.—(1) Mae'r rheol hon yn gymwys pan fo nifer y pleidleisiau dewis cyntaf dros ymgeisydd uwchlaw'r cwota.

(2) Rhaid i'r swyddog canlyniadau ddioli'r holl bapurau pleidleisio y rhoddir pleidleisiau dewis cyntaf i'r ymgeisydd arnynt fel eu bod wedi eu grwpio—

- (a) yn ôl yr ymgeisydd sy'n parhau y rhoddir y dewis nesaf sydd ar gael o'i ran ar y papurau hynny, neu
- (b) pan nad oes dewis nesaf sydd ar gael wedi ei roi, fel grŵp ar wahân.

Mae'r papurau pleidleisio yn y grwpiau a ffurfiwyd o dan baragraff (a) (“papurau trosglwyddadwy”) i'w trosglwyddo yn unol â pharagraffau (4) a (5) o'r rheol hon. Nid yw'r papurau pleidleisio yn y grŵp a ffurfiwyd o dan baragraff (b) (“papurau anhrosglwyddadwy”) i'w trosglwyddo.

(3) Rhaid i'r swyddog canlyniadau gyfrif nifer y papurau pleidleisio ym mhob grŵp o bapurau trosglwyddadwy ac yn y grŵp o bapurau anhrosglwyddadwy.

(4) Yna rhaid i'r swyddog canlyniadau drosglwyddo pob grŵp o bapurau trosglwyddadwy i'r ymgeisydd sy'n parhau y rhodddwyd y dewis nesaf sydd ar gael o'i ran ar y papurau hynny.

(5) Trosglwyddir y bleidlais ar bob papur trosglwyddadwy yn ôl gwerth (“y gwerth trosglwyddo”) a gyfrifir drwy gymryd y camau a ganlyn.

Cam 1

Cymryd pleidleisiau dros ben yr ymgeisydd y trosglwyddir papurau pleidleisio oddi wrtho.

Cam 2

Rhannu'r pleidleisiau dros ben â chyfanswm nifer y papurau pleidleisio a drosglwyddir. Gwneud y cyfrifiad i ddau le degol ac anwybyddu'r gweddill. Dyma'r gwerth trosglwyddo.

(6) Ar gyfer ystyr “ymgeisydd sy'n parhau”, “dewis nesaf sydd ar gael”, “cwota” a “pleidleisiau dros ben”, gweler rheol 60F.

(7) Gweler hefyd—

rheol 60L (sy'n nodi'r amgylchiadau pan nad yw pleidleisiau i'w trosglwyddo o dan y rheol hon);

rheol 60M (sy'n nodi'r drefn y mae pleidleisiau dros ben i'w trosglwyddo ynddi pan fo gan ddau ymgeisydd neu ragor bleidleisiau dros ben);

rheol 60N (sy'n gwneud darpariaeth atodol).

Trosglwyddiadau eraill pan fo'r pleidleisiau uwchlaw'r cwota

60K.—(1) Mae'r rheol hon yn gymwys pan fo nifer y pleidleisiau dros ymgeisydd uwchlaw'r cwota ar ddiwedd unrhyw gam o'r cyfrif sy'n cynnwys trosglwyddo papurau pleidleisio.

(2) Rhaid i'r swyddog canlyniadau ddioli'r holl bapurau pleidleisio yn y grŵp o bapurau a drosglwyddwyd a gafwyd ddiwethaf gan yr ymgeisydd hwnnw fel eu bod wedi eu grwpio—

- (a) yn ôl yr ymgeisydd sy'n parhau y rhodddwyd y dewis nesaf sydd ar gael o'i ran ar y papurau hynny, neu
- (b) pan nad oes dewis nesaf sydd ar gael wedi ei roi, fel grŵp ar wahân.

Mae'r papurau pleidleisio yn y grwpiau a ffurfiwyd o dan baragraff (a) (“papurau trosglwyddadwy”) i'w trosglwyddo yn unol â pharagraffau (4) a (5) o'r rheol hon. Nid yw'r

papurau pleidleisio yn y grŵp a ffurfiwyd o dan baragraff (b) (“papurau anhrosglwyddadwy”) i’w trosglwyddo.

(3) Rhaid i’r swyddog canlyniadau gyfrif nifer y papurau pleidleisio ym mhob grŵp o bapurau trosglwyddadwy ac yn y grŵp o bapurau anhrosglwyddadwy.

(4) Yna rhaid i’r swyddog canlyniadau drosglwyddo pob grŵp o bapurau trosglwyddadwy i’r ymgeisydd sy’n parhau y rhoddwyd y dewis nesaf sydd ar gael o’i ran ar y papurau hynny.

(5) Trosglwyddir y bleidlais ar bob papur trosglwyddadwy yn ôl gwerth (“y gwerth trosglwyddo”) a gyfrifir drwy gymryd y camau a ganlyn.

Cam 1

Cymryd pleidleisiau dros ben yr ymgeisydd y trosglwyddir papurau pleidleisio oddi wrtho.

Cam 2

Rhannu’r pleidleisiau dros ben â chyfanswm nifer y papurau pleidleisio a drosglwyddir. Gwneud y cyfrifiad i ddau le degol ac anwybyddu’r gweddill.

Cam 3

Cymharu’r nifer a geir ar ôl cam 2 â gwerth y bleidlais ar y papur pleidleisio pan gafwyd hi gan yr ymgeisydd y mae’r papurau pleidleisio yn awr yn cael eu trosglwyddo oddi wrtho.

Os yw’r nifer a geir ar ôl cam 2 yn llai na gwerth y bleidlais ar y papur pleidleisio pan gafwyd hi gan yr ymgeisydd hwnnw, neu’n gyfwerth â’r bleidlais honno, y nifer hwnnw yw’r gwerth trosglwyddo.

Os yw’r nifer a geir ar ôl cam 2 yn fwy na gwerth y bleidlais ar y papur pleidleisio pan gafwyd hi gan yr ymgeisydd hwnnw, gwerth y bleidlais pan gafwyd hi gan yr ymgeisydd hwnnw yw’r gwerth trosglwyddo.

(6) Ar gyfer ystyr “ymgeisydd sy’n parhau”, “dewis nesaf sydd ar gael”, “cwota” a “pleidleisiau dros ben”, gweler rheol 60F.

(7) Gweler hefyd—

reol 60L (sy’n nodi’r amgylchiadau pan nad yw pleidleisiau i’w trosglwyddo o dan y rheol hon);

rheol 60M (sy’n nodi’r drefn y mae pleidleisiau dros ben i’w trosglwyddo ynddi pan fo gan ddau ymgeisydd neu ragor bleidleisiau dros ben);

rheol 60N (sy’n gwneud darpariaeth atodol).

Amgylchiadau pan na throsglwyddir pleidleisiau o dan reol 60J neu 60K

60L.—(1) Yn ddarostyngedig i baragraffau (2) a (3), rhaid i’r swyddog canlyniadau barhau i wneud trosglwyddiadau o dan reolau 60J a 60K hyd nes—

- (a) nad oes ymgeisydd a drinnir fel pe bai wedi ei ethol sydd â phleidleisiau dros ben, neu
- (b) bod pob swydd wag wedi ei llenwi (ar ôl cymhwyso rheol 60S, pan fo hynny’n berthnasol).

(2) Nid yw papurau trosglwyddadwy i’w trosglwyddo pan fo’r pleidleisiau dros ben (neu, pan fo gan ddau ymgeisydd neu ragor bleidleisiau dros ben, gyfanswm y pleidleisiau dros ben hynny), ar unrhyw gam o’r cyfrif, yn llai na’r gwahaniaeth rhwng—

- (a) nifer y pleidleisiau sydd wedi eu credydu bryd hynny i’r ymgeisydd sy’n parhau sydd â’r nifer lleiaf o bleidleisiau, a
- (b) nifer y pleidleisiau sydd wedi eu credydu bryd hynny i’r ymgeisydd sy’n parhau sydd nesaf uwchben yr ymgeisydd hwnnw.

(3) Nid yw papurau trosglwyddadwy i'w trosglwyddo pan fo'r pleidleisiau dros ben (neu, pan fo gan ddau ymgeisydd neu ragor bleidleisiau dros ben, gyfanswm y pleidleisiau dros ben hynny), ar unrhyw gam o'r cyfrif, yn llai na'r gwahaniaeth rhwng—

- (a) cyfanswm nifer y pleidleisiau sydd wedi eu credydu bryd hynny i'r ddau ymgeisydd sy'n parhau neu ragor sydd â'r nifer lleiaf o bleidleisiau, a
- (b) nifer y pleidleisiau sydd wedi eu credydu bryd hynny i'r ymgeisydd sy'n parhau sydd nesaf uwchben yr ymgeiswyr hynny.

(4) Nid yw rheolau 60J a 60K yn gymwys i etholiad pan nad oes ond un swydd wag.

(5) Ar gyfer ystyr “ymgeisydd sy'n parhau” a “pleidleisiau dros ben”, gweler rheol 60F.

Trefn trosglwyddiadau o dan reolau 60J a 60K

60M.—(1) Os oes gan ddau ymgeisydd neu ragor, ar unrhyw gam o'r cyfrif, bleidleisiau dros ben yr ymdrinnir â hwy o dan reol 60J neu 60K, rhaid i bapurau trosglwyddadwy'r ymgeisydd sydd â'r nifer mwyaf o bleidleisiau dros ben gael eu trosglwyddo gyntaf.

(2) Os yw'r pleidleisiau dros ben mewn cysylltiad â dau ymgeisydd neu ragor yn gyfartal, rhaid i bapurau trosglwyddadwy yr ymgeisydd a oedd â'r nifer uchaf o bleidleisiau ar y cam cynharaf o'r cyfrif pan oedd eu pleidleisiau'n anghyfartal gael eu trosglwyddo gyntaf.

(3) Os oedd y pleidleisiau a oedd wedi eu credydu i ddau ymgeisydd neu ragor yn gyfartal ar bob cam o'r cyfrif—

- (a) rhaid i'r swyddog canlyniadau benderfynu rhwng yr ymgeiswyr hynny drwy fwrw coelbren, a
- (b) rhaid i bapurau trosglwyddadwy'r ymgeisydd y mae'r coelbren yn mynd o'i blaid gael eu trosglwyddo gyntaf.

(4) Ar gyfer ystyr “pleidleisiau dros ben”, gweler rheol 60F.

Trosglwyddiadau o dan reolau 60J a 60K: darpariaeth atodol

60N.—(1) Mae pob trosglwyddiad o dan reol 60J neu 60K o ran yr holl bapurau trosglwyddadwy oddi wrth ymgeisydd sydd â phleidleisiau dros ben yn ffurfio cam yn y cyfrif.

(2) Rhaid i'r swyddog canlyniadau, ar ôl cwblhau'r cam hwnnw—

- (a) cofnodi cyfanswm gwerth trosglwyddo'r pleidleisiau a drosglwyddwyd i bob ymgeisydd,
- (b) ychwanegu'r gwerth hwnnw at gyfanswm blaenorol y pleidleisiau a gofnodwyd ar gyfer pob ymgeisydd a chofnodi'r cyfanswm newydd,
- (c) cofnodi fel pleidleisiau anhrosglwyddadwy y gwahaniaeth rhwng y pleidleisiau dros ben a chyfanswm gwerth trosglwyddo'r pleidleisiau a drosglwyddwyd, a
- (d) ychwanegu'r gwahaniaeth hwnnw at y cyfanswm a gofnodwyd yn flaenorol o ran pleidleisiau anhrosglwyddadwy.

(3) Yna rhaid i'r swyddog canlyniadau gymharu—

- (a) cyfanswm nifer y pleidleisiau a gofnodwyd bryd hynny ar gyfer yr holl ymgeiswyr, ynghyd â chyfanswm nifer y pleidleisiau anhrosglwyddadwy, â
- (b) y cyfanswm a gofnodwyd o ran pleidleisiau dewis cyntaf dilys.

(4) Rhaid i'r holl bapurau pleidleisio a drosglwyddwyd o dan reol 60J neu 60K fod wedi eu marcio'n glir, naill ai'n unigol neu fel grŵp, er mwyn dangos y gwerth trosglwyddo y trosglwyddwyd y bleidlais ar y papur yn ei ôl neu, yn ôl y digwydd, werth trosglwyddo'r holl bleidleisiau ar y papurau yn y grŵp hwnnw.

- (5) Rhaid i'r swyddog canlyniadau gynnwys papur pleidleisio yn y grŵp o bapurau anhrosglwyddadwy a ffurfiwyd o dan reol 60J neu 60K(2)—
- (a) os yw'r swyddog canlyniadau o'r farn bod y papur pleidleisio'n dangos bod y dewis nesaf yn nhrefn y dewisiadau wedi ei roi o ran dau ymgeisydd neu ragor (p'un a ydynt yn ymgeiswyr olynol ai peidio),
 - (b) os yw'r swyddog canlyniadau o'r farn nad yw'r dewis nesaf ar y papur pleidleisio (p'un a yw dros ymgeisydd sy'n parhau ai peidio) yn dilyn yn olynol ar ôl y dewis sy'n dod yn union o'i flaen, neu
 - (c) os nad yw'n glir i'r swyddog canlyniadau am unrhyw reswm arall pa ymgeisydd sydd nesaf yn nhrefn y dewisiadau.
- (6) Ar gyfer ystyr "pleidleisiau dros ben", gweler rheol 60F.

Eithrio ymgeiswyr a throsglwyddo papurau pleidleisio dewis cyntaf

60O.—(1) Mae'r rheol hon yn gymwys—

- (a) pan fo'r swyddog canlyniadau wedi trosglwyddo'r holl bapurau trosglwyddadwy y mae'n ofynnol i'r swyddog canlyniadau eu trosglwyddo o dan unrhyw ddarpariaeth yn y Bennod hon, a
- (b) pan fo un swydd wag neu ragor i'w llenwi o hyd (ar ôl cymhwyso rheol 60S, pan fo hynny'n berthnasol).

(2) Yn ddarostyngedig i baragraff (3), rhaid i'r swyddog canlyniadau eithrio o'r etholiad, ar y cam hwnnw, yr ymgeisydd sydd â'r nifer lleiaf o bleidleisiau bryd hynny.

(3) Rhaid i'r swyddog canlyniadau eithrio dau ymgeisydd neu ragor sydd â'r nifer lleiaf o bleidleisiau pan fo cyfanswm nifer pleidleisiau'r ymgeiswyr hynny, ynghyd ag unrhyw bleidleisiau dros ben nad ydynt wedi eu trosglwyddo, yn llai na nifer y pleidleisiau sydd wedi eu credydu bryd hynny i'r ymgeisydd sydd nesaf uwchben yr ymgeiswyr hynny.

(4) Rhaid i'r swyddog canlyniadau ddiolli'r holl bapurau pleidleisio y rhoddir arnynt bleidleisiau dewis cyntaf i'r ymgeisydd neu'r ymgeiswyr a eithriwyd fel eu bod wedi eu grwpio—

- (a) yn ôl yr ymgeisydd sy'n parhau y rhoddwyd y dewis nesaf sydd ar gael o'i ran ar y papurau hynny, neu
- (b) pan nad oes dewis nesaf sydd ar gael wedi ei roi, fel grŵp ar wahân.

Mae'r papurau pleidleisio yn y grwpiau a ffurfiwyd o dan baragraff (a) ("papurau trosglwyddadwy") i'w trosglwyddo yn unol â'r rheol hon. Nid yw'r papurau pleidleisio yn y grŵp a ffurfiwyd o dan baragraff (b) ("papurau anhrosglwyddadwy") i'w trosglwyddo.

(5) Rhaid i'r swyddog canlyniadau drosglwyddo pob grŵp o bapurau trosglwyddadwy i'r ymgeisydd sy'n parhau y rhoddwyd y dewis nesaf sydd ar gael o'i ran ar y papurau hynny.

(6) Trosglwyddir y bleidlais ar bob papur trosglwyddadwy yn ôl gwerth trosglwyddo, a'r gwerth hwnnw fydd l.

(7) Pan fo'r swyddog canlyniadau wedi cwblhau'r trosglwyddiadau sy'n ofynnol gan baragraff (5) a bo un swydd wag neu ragor i'w llenwi o hyd (ar ôl cymhwyso rheol 60S, pan fo hynny'n berthnasol), rhaid i'r swyddog canlyniadau weithredu nesaf yn unol â rheol 60P.

(8) Mae paragraff (7) yn gymwys p'un a drinnir unrhyw ymgeisydd fel pe bai wedi ei ethol ar ôl y trosglwyddiadau ai peidio a ph'un a oes ganddo bleidleisiau dros ben ai peidio.

(9) Ar gyfer ystyr "ymgeisydd sy'n parhau", "dewis nesaf sydd ar gael" a "pleidleisiau dros ben", gweler rheol 60F.

(10) Gweler hefyd—

reol 60Q (sy'n ymdrin â'r drefn eithrio pan fo gan fwy nag un ymgeisydd y nifer lleiaf o bleidleisiau);

rheol 60R (sy'n gwneud darpariaeth atodol).

Trosglwyddo papurau pleidleisio eraill ymgeiswyr a eithriwyd

60P.—(1) Mae'r rheol hon yn gymwys—

- (a) pan fo'r swyddog canlyniadau wedi trosglwyddo holl bapurau trosglwyddadwy ymgeisydd neu ymgeiswyr a eithriwyd y mae'n ofynnol i'r swyddog canlyniadau eu trosglwyddo o dan reol 60O, a
- (b) pan fo un swydd wag neu ragor i'w llenwi o hyd (ar ôl cymhwyso rheol 60S, pan fo hynny'n berthnasol).

(2) Rhaid i'r swyddog canlyniadau ddidoli'n grwpiau yr holl bapurau pleidleisio, os oes rhai, a drosglwyddwyd i'r ymgeisydd a eithriwyd (neu i unrhyw un neu ragor o'r ymgeiswyr a eithriwyd) ar gam cynharach o'r cyfrif yn ôl y gwerth trosglwyddo a oedd i'r pleidleisiau ar y papurau pleidleisio pan gafodd yr ymgeisydd hwnnw hwy.

(3) Yna rhaid i'r swyddog canlyniadau ddidoli'r papurau pleidleisio yn y grŵp o bapurau pleidleisio sydd â'r pleidleisiau â'r gwerth trosglwyddo uchaf yn grwpiau pellach fel a ganlyn—

- (a) yn ôl yr ymgeisydd sy'n parhau y rhoddwyd y dewis nesaf sydd ar gael o'i ran ar y papurau hynny, neu
- (b) pan nad oes dewis nesaf sydd ar gael wedi ei roi, fel grŵp ar wahân.

Mae'r papurau pleidleisio yn y grwpiau a ffurfiwyd o dan baragraff (a) ("papurau trosglwyddadwy") i'w trosglwyddo yn unol â'r rheol hon. Nid yw'r papurau pleidleisio yn y grŵp a ffurfiwyd o dan baragraff (b) ("papurau anhrosglwyddadwy") i'w trosglwyddo.

(4) Rhaid i'r swyddog canlyniadau drosglwyddo pob grŵp o bapurau trosglwyddadwy i'r ymgeisydd sy'n parhau y rhoddwyd y dewis nesaf sydd ar gael o'i ran ar y papurau hynny.

(5) Trosglwyddir y bleidlais ar bob papur trosglwyddadwy yn ôl gwerth trosglwyddo, sef y gwerth a oedd i'r bleidlais ar y papur pleidleisio pan gafwyd hi gan yr ymgeisydd a eithriwyd y mae'r papur yn cael ei drosglwyddo oddi wrtho.

(6) Pan fo'r swyddog canlyniadau wedi cwblhau'r trosglwyddiadau sy'n ofynnol gan baragraff (4) a bo un swydd wag neu ragor i'w llenwi o hyd (ar ôl cymhwyso rheol 60S, pan fo hynny'n berthnasol), rhaid i'r swyddog canlyniadau ailadrodd y camau ym mharagraffau (3) i (5) mewn perthynas â'r grwpiau sy'n weddill o bapurau pleidleisio a ffurfiwyd o dan baragraff (2), gan ymdrin â phob grŵp mewn trefn ddisgynnol yn ôl gwerth y pleidleisiau hyd nes—

- (a) naill ai nad oes swyddi gwag ar ôl i'w llenwi (ar ôl cymhwyso rheol 60S, pan fo hynny'n berthnasol), neu
- (b) yr ymdriniwyd â phob grŵp.

(7) Mae paragraff (6) yn gymwys p'un a drinnir unrhyw ymgeisydd fel pe bai wedi ei ethol ai peidio a ph'un a oes ganddo bleidleisiau dros ben ai peidio ar ôl cwblhau'r camau ym mharagraffau (3) i (5) mewn perthynas â'r grŵp o bapurau pleidleisio sydd â'r pleidleisiau sydd â'r gwerth trosglwyddo uchaf neu mewn perthynas ag unrhyw un neu ragor o'r grwpiau sy'n weddill.

(8) Mewn achos pan ymdriniwyd â phob grŵp o bapurau pleidleisio a ffurfiwyd o dan baragraff (2) ond bod un swydd wag neu ragor i'w llenwi o hyd (ar ôl cymhwyso rheol 60S, pan fo hynny'n berthnasol), rhaid i'r swyddog canlyniadau fwrw ymlaen fel a ganlyn—

- (a) yn unol â rheol 60K os oes gan un ymgeisydd neu ragor a drinnir fel pe bai wedi ei ethol neu fel pe baent wedi eu hethol ar ôl trosglwyddo'r papurau pleidleisio o dan reol 60O neu'r rheol hon bleidleisiau dros ben, neu
 - (b) fel arall yn unol â rheol 60O.
- (9) Ar gyfer ystyr “ymgeisydd sy'n parhau”, “dewis nesaf sydd ar gael” a “pleidleisiau dros ben”, gweler rheol 60F.
- (10) Gweler hefyd reol 60R (sy'n gwneud darpariaeth atodol).

Y drefn eithrio

60Q.—(1) Mae'r rheol hon yn gymwys—

- (a) pan fo'r swyddog canlyniadau yn penderfynu pa ymgeisydd i'w eithrio o dan reol 60O(2),
 - (b) pan fo gan ddau ymgeisydd neu ragor yr un nifer o bleidleisiau, ac
 - (c) pan na fo gan yr un ymgeisydd arall lai o bleidleisiau.
- (2) Rhaid i'r swyddog canlyniadau eithrio p'un bynnag o'r ymgeiswyr a oedd â'r nifer lleiaf o bleidleisiau ar y cam cynharaf o'r cyfrif pan oedd ganddynt nifer anghyfartal o bleidleisiau.
- (3) Pan oedd nifer y pleidleisiau a oedd wedi eu credydu i'r ymgeiswyr yn gyfartal ar bob cam, rhaid i'r swyddog canlyniadau—
- (a) penderfynu rhwng yr ymgeiswyr drwy fwrw coelbren, a
 - (b) eithrio'r ymgeisydd yr aeth y coelbren o'i blaid.

Eithrio ymgeiswyr: darpariaeth atodol

60R.—(1) Mae eithrio ymgeisydd, neu ddau ymgeisydd neu ragor gyda'i gilydd, o dan reol 60O yn ffurfio cam pellach o'r cyfrif.

(2) Rhaid i'r swyddog canlyniadau gymryd y camau a ganlyn ar ôl gorffen trosglwyddo papurau trosglwyddadwy o dan reol 60O(5) neu ar ôl ymdrin â grŵp o bapurau pleidleisio a ffurfiwyd o dan reol 60P(2) yn unol â rheol 60P(3) i (5)—

- (a) cofnodi cyfanswm gwerth y pleidleisiau a drosglwyddwyd i bob ymgeisydd o dan reol 60O(5) neu 60P(4);
 - (b) ychwanegu'r cyfanswm hwnnw at gyfanswm blaenorol y pleidleisiau a gofnodwyd ar gyfer pob ymgeisydd a chofnodi'r cyfanswm newydd,
 - (c) cofnodi gwerth y pleidleisiau yn y grwpiau o bapurau anhrosglwyddadwy a ffurfiwyd o dan reol 60O(4) neu 60P(3), a
 - (d) ychwanegu'r gwerth hwnnw at y cyfanswm a gofnodwyd yn flaenorol o ran pleidleisiau anhrosglwyddadwy.
- (3) Yna rhaid i'r swyddog canlyniadau gymharu—
- (a) cyfanswm nifer y pleidleisiau a gofnodwyd bryd hynny ar gyfer pob ymgeisydd, ynghyd â chyfanswm nifer y pleidleisiau anhrosglwyddadwy, â
 - (b) y cyfanswm a gofnodwyd o ran pleidleisiau dewis cyntaf dilys.

(4) Rhaid i'r holl bapurau pleidleisio a drosglwyddwyd o dan reol 60O(5) neu 60P(4) fod wedi eu marcio'n glir, naill ai'n unigol neu fel grŵp, er mwyn dangos y gwerth y trosglwyddwyd y bleidlais ar y papur yn ei ôl neu, yn ôl y digwydd, werth trosglwyddo'r holl bleidleisiau ar y papurau yn y grŵp hwnnw.

(5) Rhaid i'r swyddog canlyniadau gynnwys papur pleidleisio yn y grŵp o bapurau anhrosglwyddadwy a ffurfiwyd o dan reol 60O(4) neu 60P(3)—

- (a) os yw'r swyddog canlyniadau o'r farn bod y papur pleidleisio'n dangos bod y dewis nesaf yn nhrefn y dewisiadau wedi ei roi o ran dau ymgeisydd neu ragor (p'un a ydynt yn ymgeiswyr olynol ai peidio),
- (b) os yw'r swyddog canlyniadau o'r farn nad yw'r dewis nesaf ar y papur pleidleisio (p'un a yw dros ymgeisydd sy'n parhau ai peidio) yn dilyn yn olynol ar ôl y dewis sy'n dod yn union o'i flaen, neu
- (c) os nad yw'n glir i'r swyddog canlyniadau am unrhyw reswm arall pa ymgeisydd sydd nesaf yn nhrefn y dewisiadau.

Llenwi swyddi gwag olaf

60S.—(1) Pan fo nifer yr ymgeiswyr sy'n parhau yn cyfateb i nifer y swyddi gwag sy'n dal heb eu llenwi, trinnir yr ymgeiswyr sy'n parhau fel pe baent wedi eu hethol.

(2) Pan nad oes ond un swydd yn dal heb ei llenwi, rhaid trin yr ymgeisydd sy'n parhau sydd wedi ei gredu bryd hynny â'r nifer uchaf o bleidleisiau fel pe bai wedi ei ethol os yw'r nifer hwnnw o bleidleisiau yn cyfateb i gyfanswm nifer y pleidleisiau sydd wedi eu credu bryd hynny i'r ymgeiswyr eraill sy'n parhau ynghyd ag unrhyw bleidleisiau dros ben nas trosglwyddwyd, neu os yw'n fwy na hynny.

(3) Pan ellir llenwi'r swyddi olaf o dan y rheol hon, ni chaniateir trosglwyddo pleidleisiau ymhellach.

(4) Ar gyfer ystyr “ymgeisydd sy'n parhau” a “pleidleisiau dros ben”, gweler rheol 60F.

Ailgyfrif

60T.—(1) Rhaid i'r swyddog canlyniadau, ar ôl cwblhau pob cam o'r cyfrif, hysbysu'r holl ymgeiswyr a'u hasiantau etholiadol sy'n bresennol bryd hynny o'i fwriad, yn ddarostyngedig i gais am ailgyfrif, i fwrw ymlaen i'r cam nesaf.

(2) Cyn i'r swyddog canlyniadau fwrw ymlaen, caiff unrhyw ymgeisydd neu asiant etholiadol sy'n bresennol yn y cyfrif ofyn i'r cam diwethaf a gwblhawyd gael ei ailgyfrif.

(3) Rhaid i'r swyddog canlyniadau gydymffurfio â'r cais oni bai bod y swyddog canlyniadau o'r farn bod y cais yn afresymol.

(4) Os na cheir cais rhaid i'r swyddog canlyniadau fwrw ymlaen â cham nesaf y cyfrif.

(5) Pan ddeuir o hyd i gamgymeriad o ganlyniad i ailgyfrif, rhaid i'r swyddog canlyniadau, pan fo hynny'n angenrheidiol, ddiwygio unrhyw ganlyniadau sydd eisoes wedi eu cyhoeddi.

Trefn ethol yr ymgeiswyr

60U.—(1) Y drefn y trinnir ymgeiswyr y mae eu pleidlais uwchlaw'r cwota fel pe baent wedi eu hethol ynddi yw'r drefn y trosglwyddwyd eu priod bleidleisiau dros ben ynddi neu'r drefn y byddai'r pleidleisiau dros ben hynny wedi eu trosglwyddo ynddi oni bai am reol 60L(2) neu (3).

(2) Mae ymgeisydd a greddwyd â nifer o bleidleisiau sy'n cyfateb i'r cwota i'w roi (yn nhrefn y rheini a drinnir fel pe baent wedi eu hethol) ar ôl unrhyw ymgeiswyr eraill a drinnir fel pe baent wedi eu hethol ar yr un pryd ac yr oedd ganddynt bleidleisiau dros ben.

(3) Ar gyfer ystyr “cwota” a “pleidleisiau dros ben”, gweler rheol 60F.

Penderfyniadau ar bapurau pleidleisio

60V. Mae penderfyniad y swyddog canlyniadau ar unrhyw gwestiwn sy'n codi mewn cysylltiad â phapur pleidleisio, trosglwyddo papurau pleidleisio neu eithrio ymgeiswyr yn derfynol, ond caniateir ei adolygu ar ddeiseb etholiad.

Datgan y canlyniad mewn etholiad lle ceir gornest

60W.—(1) Pan fo pob cam o'r cyfrif wedi ei gwblhau, rhaid i'r swyddog canlyniadau ddatgan bod yr ymgeiswyr sydd wedi eu trin fel pe baent wedi eu hethol o dan y Bennod hon wedi eu hethol.

(2) Rhaid i'r swyddog canlyniadau roi hysbysiad yn nodi enwau a chyfeiriadau'r ymgeiswyr a etholwyd i swyddog priodol y cyngor y cynhaliwyd yr etholiad ar ei gyfer.

(3) Rhaid i'r swyddog canlyniadau gyhoeddi hysbysiad hefyd—

- (a) o enwau'r ymgeiswyr a etholwyd;
- (b) o nifer y dewisiadau cyntaf a'r dewisiadau pellach o ran pob ymgeisydd (p'un a'i hetholwyd ai peidio);
- (c) o nifer y papurau pleidleisio a drosglwyddwyd a'u gwerth trosglwyddo ar bob cam o'r cyfrif;
- (d) o nifer y pleidleisiau a gredydwyd i bob ymgeisydd ar bob cam o'r cyfrif;
- (e) o nifer y papurau pleidleisio anhrosglwyddadwy a nifer y pleidleisiau anhrosglwyddadwy ar bob cam o'r cyfrif;
- (f) o nifer y papurau pleidleisio a wrthodwyd o dan bob pennawd a ddangosir yn y datganiad o'r papurau pleidleisio a wrthodwyd."

Diwygio Rhan 5 o Atodlen 1 i Reolau 2021

5. Yn rheol 62 (danfon dogfennau i'r swyddog cofrestru mewn etholiadau lle ceir gornest) o Atodlen 1 i Reolau 2021—

- (a) ym mharagraff (2)(c), ar ôl "reol 56(7)" mewnosoder "neu reol 60E(6)";
- (b) ym mharagraff (2)(d), ar ôl "reol 54(5)" mewnosoder "neu reol 60C(5)".

Diwygio'r Atodiadau i Atodlen 1 i Reolau 2021

6.—(1) Mae'r Atodiadau i Atodlen 1 i Reolau 2021 wedi eu diwygio fel a ganlyn.

- (2) Ar ôl Atodiad 2 mewnosoder Atodiad 2A fel y'i nodir yn Atodlen 1.
- (3) Ar ôl Atodiad 4 mewnosoder Atodiad 4A fel y'i nodir yn Atodlen 2.
- (4) Ar ôl Atodiad 5 mewnosoder Atodiad 5A fel y'i nodir yn Atodlen 3.
- (5) Ar ôl Atodiad 6 mewnosoder Atodiad 6A fel y'i nodir yn Atodlen 4.

Diwygio Rhan 3 o Atodlen 2 i Reolau 2021

7.—(1) Mae Rhan 3 o Atodlen 2 i Reolau 2021 wedi ei diwygio fel a ganlyn.

(2) Yn rheol 21 (y bleidlais i'w chynnal drwy bleidlais gudd), yn lle paragraff (2), rhodder—

“(2) Rhaid canfod y canlyniad—

- (a) pan y system mwyafrif syml yw'r system bleidleisio sy'n gymwys i'r etholiad, yn unol â Rhan 4;

- (b) pan y system pleidlais sengl drosglwyddadwy yw'r system bleidleisio sy'n gymwys i'r etholiad, yn unol â Rhan 4A.”.
- (3) Yn rheol 22 (y papurau pleidleisio)—
- (a) ym mharagraff (3), ar y dechrau mewnosoder “Pan y system mwyafrif syml yw'r system bleidleisio sy'n gymwys i'r etholiad,”;
- (b) ar ôl paragraff (3) mewnosoder—
- “(3A) Pan y system pleidlais sengl drosglwyddadwy yw'r system bleidleisio sy'n gymwys i'r etholiad, rhaid i bapur pleidleisio—
- (a) bod yn y ffurf yn Atodiad 2A, a
- (b) bod wedi ei argraffu yn unol â'r cyfarwyddydau yn yr Atodiad hwnnw.”.
- (4) Yn rheol 28 (papurau pleidleisio post)—
- (a) ym mharagraff (1)(b), yn lle “Atodiad 4” rhodder “yr Atodiad cymwys”;
- (b) ar ôl paragraff (1) mewnosoder—
- “(1A) Ym mharagraff (1)(b), ystyr “yr Atodiad cymwys” yw—
- (a) pan y system mwyafrif syml yw'r system bleidleisio sy'n gymwys i'r etholiad, Atodiad 4;
- (b) pan y system pleidlais sengl drosglwyddadwy yw'r system bleidleisio sy'n gymwys i'r etholiad, Atodiad 4A.”.
- (5) Yn rheol 31 (dyroddi cardiau pleidleisio swyddogol)—
- (a) ym mharagraff (4), yn lle “Atodiad 5” rhodder “yr Atodiad cymwys”;
- (b) ym mharagraff (6)(a), yn lle “Atodiad 5” rhodder “yr Atodiad cymwys”;
- (c) ym mharagraff (8), o flaen is-baragraff (a) mewnosoder—
- “(aa) ystyr “yr Atodiad cymwys” yw—
- (i) pan y system mwyafrif syml yw'r system bleidleisio sy'n gymwys i'r etholiad, Atodiad 5;
- (ii) pan y system pleidlais sengl drosglwyddadwy yw'r system bleidleisio sy'n gymwys i'r etholiad, Atodiad 5A.”.
- (6) Yn rheol 32 (cyfarpar gorsafoedd pleidleisio)—
- (a) ym mharagraff (11), yn lle “Atodiad 6” rhodder “yr Atodiad cymwys”;
- (b) ar ôl paragraff (11) mewnosoder—
- “(11A) Ym mharagraff (11), ystyr “yr Atodiad cymwys” yw—
- (a) pan y system mwyafrif syml yw'r system bleidleisio sy'n gymwys i'r etholiad, Atodiad 6;
- (b) pan y system pleidlais sengl drosglwyddadwy yw'r system bleidleisio sy'n gymwys i'r etholiad, Atodiad 6A.”;
- (c) ym mharagraff (13), ar y dechrau mewnosoder “Pan y system mwyafrif syml yw'r system bleidleisio sy'n gymwys i'r etholiad,”;
- (d) ar ôl paragraff (13) mewnosoder—
- “(13A) Pan y system pleidlais sengl drosglwyddadwy yw'r system bleidleisio sy'n gymwys i'r etholiad, rhaid dangos hysbysiad sy'n cynnwys cyfarwyddiadau ynghylch marcio'r papur pleidleisio yn etholiad y brif ardal ac ym mhob etholiad perthnasol y tu mewn i bob bwth pleidleisio ym mhob gorsaf bleidleisio ac, mewn perthynas ag etholiad y brif ardal, rhaid i'r wybodaeth honno gynnwys y canlynol—

- (a) cyfarwyddyd i'r pleidleisiwr i roi'r rhif 1 yn y blwch pleidleisio gyferbyn â'i ddewis cyntaf;
- (b) esboniad i'r pleidleisiwr y caiff wneud cynifer neu gyn lleied o ddewisiadau ychwanegol ag y dymuna, ynghyd â chyfarwyddyd ynghylch sut i wneud hyn drwy roi'r rhif 2 gyferbyn â'i ail ddewis, y rhif 3 gyferbyn â'i drydydd dewis ac yn y blaen.”.

Mewnosod Rhan 4A o Atodlen 2 i Reolau 2021

8.—(1) Yn lle pennawd Rhan 4 o Atodlen 2 i Reolau 2021 rhodder—

“Cyfrif y Pleidleisiau: Etholiadau sy'n Defnyddio'r System Mwyafrif Syml ”.

(2) Ar ddiwedd Rhan 4 mewnosoder—

“Rhan 4A

Cyfrif y Pleidleisiau: Etholiadau sy'n Defnyddio'r System Pleidlais Sengl Drosglwyddadwy

PENNOD 1

Darpariaethau rhagarweiniol

Trosolwg o'r rheolau a dehongli

64A.—(1) Mae'r rheol hon yn rhoi trosolwg o sut y cymhwysir y Rhan hon.

(2) Pan y swyddog canlyniadau cydlynol yw'r swyddog canlyniadau, mae'r rheolau a ganlyn yn gymwys—

- (a) rheol 64B (presenoldeb mewn trafodion);
- (b) rheol 64C (dyletswyddau rhagarweiniol a chyffredinol);
- (c) rheol 64D (gwahanu papurau pleidleisio etc.);
- (d) y rheolau ym Mhennod 2 (canfod y canlyniad).

(3) Pan nad y swyddog canlyniadau cydlynol yw'r swyddog canlyniadau, mae'r rheolau a ganlyn yn gymwys—

- (a) rheol 64B(1) a (3) i (8) (presenoldeb mewn trafodion);
- (b) rheol 64E (dyletswyddau rhagarweiniol a chyffredinol);
- (c) rheol 64F (agor cynwysyddion etc.);
- (d) y rheolau ym Mhennod 2 (canfod y canlyniad).

(4) Yn y Rhan hon—

- (a) mae cyfeiriadau at asiantau cyfrif y brif ardal yn gyfeiriadau at yr asiantau cyfrif a benodwyd at ddibenion etholiad y brif ardal;
- (b) mae cyfeiriadau at asiantau cyfrif eraill yn gyfeiriadau at yr asiantau cyfrif a benodwyd at ddibenion unrhyw etholiad perthnasol;
- (c) mae cyfeiriadau at asiantau etholiadol y brif ardal yn gyfeiriadau at yr asiantau etholiadol a benodwyd at ddibenion etholiad y brif ardal;

- (d) mae cyfeiriadau at asiantau etholiadol eraill yn gyfeiriadau at yr asiantau etholiadol a benodwyd at ddibenion unrhyw etholiad perthnasol.

Presenoldeb mewn trafodion o dan y Rhan hon

64B.—(1) Mae gan y personau a ganlyn hawl i fod yn bresennol mewn trafodion o dan reolau 64D(2) i (10) a 64F ac o dan y rheolau ym Mhennod 2—

- (a) y swyddog canlyniadau ac aelodau staff y swyddog canlyniadau;
- (b) pob ymgeisydd a gwestai i bob ymgeisydd;
- (c) asiantau etholiadol y brif ardal;
- (d) asiantau cyfrif y brif ardal;
- (e) unrhyw berson sydd â hawl i fod yn bresennol yn rhinwedd adrannau 6A i 6D o Ddeddf Pleidiau Gwleidyddol, Etholiadau a Refferenda 2000 (cynrychiolwyr y Comisiwn Etholiadol a sylwedyddion achrededig);
- (f) y cwnstabiliaid ar ddyletswydd.

(2) Yn ychwanegol, mae gan unrhyw berson sydd â hawl i fod yn bresennol wrth i'r pleidleisiau gael eu cyfrif mewn etholiad perthnasol hawl i fod yn bresennol mewn trafodion o dan reol 64D(2) i (10).

(3) Caiff y swyddog canlyniadau ganiatáu i unrhyw berson arall fod yn bresennol mewn trafodion o dan unrhyw un neu ragor o reolau 64D(2) i (10) neu 64F neu o dan unrhyw un neu ragor o'r rheolau ym Mhennod 2.

(4) Ni chaniateir rhoi caniatâd o dan baragraff (3) oni bai bod y swyddog canlyniadau—

- (a) wedi ei fodloni na fydd presenoldeb y person yn rhwystro swyddogaethau'r swyddog canlyniadau rhag cael eu cyflawni'n effeithlon, a
- (b) naill ai wedi ymgynghori â'r personau priodol ynghylch a ddylid rhoi caniatâd neu wedi penderfynu nad yw'n ymarferol ymgynghori â hwy.

(5) At ddibenion paragraff (4)(b), “y personau priodol” yw—

- (a) yn achos trafodion o dan reol 64D(2) i (10), asiantau etholiadol y brif ardal a'r asiantau etholiadol eraill;
- (b) yn achos unrhyw drafodion eraill, asiantau etholiadol y brif ardal.

(6) Rhaid i'r swyddog canlyniadau roi pob cyfleuster rhesymol i unrhyw asiantau cyfrif sydd â hawl i fod yn bresennol ar gyfer goruchwyllo'r trafodion, a'r holl wybodaeth amdanynt, y gall y swyddog canlyniadau eu rhoi yn gyson â chynnal y trafodion yn drefnus a chyflawni dyletswyddau'r swyddog canlyniadau.

(7) Yn benodol, pan fo'r pleidleisiau'n cael eu cyfrif drwy ddioli'r papurau pleidleisio yn ôl yr ymgeisydd y rhoddwyd y dewis cyntaf o'i ran ac yna cyfrif nifer y papurau pleidleisio ar gyfer pob ymgeisydd, mae gan asiantau cyfrif y brif ardal hawl i'w bodloni eu hunain fod y papurau pleidleisio wedi eu didoli'n gywir.

(8) Rhaid i'r swyddog canlyniadau wneud trefniadau i sicrhau bod pawb sy'n bresennol wrth i'r pleidleisiau gael eu cyfrif (ac eithrio'r cwnstabiliaid ar ddyletswydd) wedi cael hysbysiad yn nodi darpariaethau adran 66(2) a (6) o Ddeddf 1983 (hysbysiad o ofyniad cyfrinachedd).

(9) Yn y rheol hon, mae cyfeiriad at gwnstabl yn cynnwys cyfeiriad at berson a ddynodwyd yn swyddog cymorth cymunedol neu'n wirfoddolwr cymorth cymunedol o dan adran 38 o Ddeddf Diwygio'r Heddlu 2002 (pwerau'r heddlu i staff sy'n sifiliaid a gwirfoddolwyr).

Dyletswyddau rhagarweiniol a chyffredinol pan y swyddog canlyniadau cydlynol yw'r swyddog canlyniadau

64C.—(1) Mae'r rheol hon yn gymwys pan y swyddog canlyniadau cydlynol yw'r swyddog canlyniadau.

(2) Rhaid i'r swyddog canlyniadau wneud trefniadau ar gyfer cyflawni'r swyddogaethau o dan reol 64D cyn gynted ag y bo'n ymarferol ar ôl i'r bleidlais gau.

(3) Rhaid i'r swyddog canlyniadau roi hysbysiad i asiantau cyfrif y brif ardal a'r asiantau cyfrif eraill yn datgan yr amser a'r lle y bydd y swyddog canlyniadau yn dechrau cyflawni'r swyddogaethau o dan reol 64D.

(4) Wrth gyfrif a chofnodi nifer y papurau pleidleisio a chyfrif y pleidleisiau, rhaid i'r swyddog canlyniadau—

- (a) cadw'r papurau pleidleisio â'u hwynebaw i fyny, a
- (b) cymryd unrhyw ragofalon eraill sy'n briodol at ddiben atal unrhyw berson rhag gweld y rhifau neu'r marciau adnabod unigryw eraill a argraffwyd ar gefn y papurau.

Gwahanu papurau pleidleisio etc. pan y swyddog canlyniadau cydlynol yw'r swyddog canlyniadau

64D.—(1) Mae'r rheol hon yn gymwys pan y swyddog canlyniadau cydlynol yw'r swyddog canlyniadau.

(2) Rhaid i'r swyddog canlyniadau, ym mhresenoldeb asiantau cyfrif y brif ardal a'r asiantau cyfrif eraill—

- (a) agor pob bocs pleidleisio a thynnu'r papurau pleidleisio,
- (b) gwahanu'r papurau pleidleisio yn ôl yr etholiad y'u defnyddiwyd ynddo,
- (c) cyfrif y papurau pleidleisio a ddefnyddiwyd ym mhob etholiad, a
- (d) cofnodi ar wahân nifer y papurau pleidleisio a ddefnyddiwyd ym mhob etholiad.

(3) Ni chaiff y swyddog canlyniadau gyfrif unrhyw bapur pleidleisio a dendrwyd.

(4) Pan ddefnyddiwyd bocsys pleidleisio ar wahân yn y bleidlais, nid yw unrhyw bleidlais dros ymgeisydd yn etholiad y brif ardal i'w thrin fel pleidlais annilys am ei bod wedi ei gosod yn y bocs pleidleisio y bwriadwyd ei ddefnyddio mewn etholiad perthnasol.

(5) Rhaid i'r swyddog canlyniadau, ym mhresenoldeb asiantau etholiadol y brif ardal a'r asiantau etholiadol eraill, ddilysu pob cyfriflen papurau pleidleisio drwy ei chymharu â nifer y papurau pleidleisio a gofnodwyd, y papurau pleidleisio heb eu defnyddio a'r papurau pleidleisio a ddifethwyd sydd ym meddiant y swyddog canlyniadau a'r rhestr pleidleisiau a dendrwyd (gan agor ac ailseilio'r pecynnau sy'n cynnwys y papurau pleidleisio heb eu defnyddio a'r papurau pleidleisio a ddifethwyd, a'r rhestr pleidleisiau a dendrwyd).

(6) Rhaid i'r swyddog canlyniadau baratoi datganiad ynglŷn â chanlyniad y dilysiad a rhoi copi o'r datganiad i unrhyw asiant etholiadol prif ardal, ac i unrhyw asiant etholiadol arall, sy'n gofyn amdano.

(7) Rhaid hefyd i'r swyddog canlyniadau—

- (a) cyfrif y papurau pleidleisio post sydd wedi eu dychwelyd yn briodol (ynglŷn â hynny gweler rheol 64G), a
- (b) cofnodi ar wahân y nifer a gyfrifwyd yn y bleidlais yn etholiad y brif ardal ac ym mhob etholiad perthnasol.

(8) Yna rhaid i'r swyddog canlyniadau—

- (a) trefnu'r papurau pleidleisio ar gyfer pob etholiad perthnasol yn becynnau, a

- (b) selio'r pecynnau mewn cynwysyddion ar wahân gan arnodi ar bob un ddisgrifiad o'r ardal y mae'r papurau pleidleisio yn ymwneud â hi.
- (9) Yna rhaid i'r swyddog canlyniadau ddanfon neu beri danfon i swyddog canlyniadau pob etholiad perthnasol—
- (a) cynwysyddion y papurau pleidleisio sy'n ymwneud â'r etholiad, ynghyd â rhestr o'r cynwysyddion a'u cynnwys,
- (b) y cyfriflenni papurau pleidleisio sy'n ymwneud â'r etholiad, ynghyd â chopi o'r datganiadau ynglŷn â chanlyniad y dilysiad, ac
- (c) y pecynnau o bapurau pleidleisio heb eu defnyddio a'r papurau pleidleisio a ddifethwyd a'r papurau pleidleisio a dendrwyd.
- (10) Yna rhaid i'r swyddog canlyniadau gymysgu'r holl bapurau pleidleisio a ddefnyddiwyd yn etholiad y brif ardal gyda'i gilydd.

Dyletswyddau rhagarweiniol a chyffredinol pan nad y swyddog canlyniadau cydlynol yw'r swyddog canlyniadau

- 64E.**—(1) Mae'r rheol hon yn gymwys pan nad y swyddog canlyniadau cydlynol yw'r swyddog canlyniadau.
- (2) Rhaid i'r swyddog canlyniadau wneud trefniadau ar gyfer cyfrif y pleidleisiau ym mhresenoldeb asiantau cyfrif y brif ardal cyn gynted ag y bo'n ymarferol ar ôl i'r papurau pleidleisio gael eu danfon gan y swyddog canlyniadau, sef y swyddog canlyniadau cydlynol.
- (3) Rhaid i'r swyddog canlyniadau roi hysbysiad i asiantau cyfrif y brif ardal yn nodi'r amser y dechreuir cyfrif pleidleisiau (a bwrw bod y papurau pleidleisio wedi eu danfon) a'r man lle bydd y cyfrif yn digwydd.
- (4) Tra bydd yn cyfrif ac yn cofnodi nifer y papurau pleidleisio ac yn cyfrif y pleidleisiau, rhaid i'r swyddog canlyniadau—
- (a) cadw'r papurau pleidleisio â'u hwynebâu i fyny, a
- (b) cymryd unrhyw ragofalon eraill sy'n briodol at ddiben atal unrhyw berson rhag gweld y rhifau neu'r marcïau adnabod unigryw eraill a argraffwyd ar gefn y papurau.

Agor cynwysyddion etc. pan nad y swyddog canlyniadau cydlynol yw'r swyddog canlyniadau

- 64F.**—(1) Mae'r rheol hon yn gymwys pan nad y swyddog canlyniadau cydlynol yw'r swyddog canlyniadau.
- (2) Ar ôl cael y cynwysyddion papurau pleidleisio oddi wrth y swyddog canlyniadau sef y swyddog canlyniadau cydlynol, ac ar ôl yr amser a bennwyd yn yr hysbysiad a roddwyd o dan reol 64E(3), rhaid i'r swyddog canlyniadau agor pob cynhwysydd ym mhresenoldeb asiantau cyfrif y brif ardal.
- (3) Pan nad yw'r trafodion ynglŷn â dyroddi a derbyn papurau pleidleisio post yn cael eu cynnal ynghyd â'r trafodion hynny mewn etholiad perthnasol o dan reoliad 65 o Reoliadau Cynrychiolaeth y Bobl (Cymru a Lloegr) 2001(7) neu o dan y rheoliad hwnnw fel y'i cymhwysir gan reoliadau o dan adran 44 o Ddeddf Llywodraeth Leol 2000(8), rhaid i'r

(7) [O.S. 2001/341](#). Diwygiwyd rheoliad 65 gan baragraff 16(4) o Atodlen 2 i Ddeddf Llywodraeth Leol ac Etholiadau (Cymru) 2021.

(8) [2000 p. 22](#). Diwygiwyd adran 44 gan baragraff 18(2) o Atodlen 21 i Ddeddf Pleidiau Gwleidyddol, Etholiadau a Refferenda 2000. I'r graddau y maent yn arferadwy o fewn cymhwysedd datganoledig, trosglwyddwyd swyddogaethau Gweinidog y Goron o dan adran 44 i Weiniogion Cymru gan erthygl 45 o Orchymyn Gweinidogion Cymru (Trosglwyddo Swyddogaethau) 2018 ([O.S. 2018/644](#)) ac Atodlen 1 iddo.

swyddog canlyniadau gyfrif y papurau pleidleisio post sydd wedi eu dychwelyd yn briodol a chofnodi'r nifer a gyfrifwyd.

(4) Yna, rhaid i'r swyddog canlyniadau gymysgu'r holl bapurau pleidleisio post a'r holl bapurau pleidleisio o'r cynwysyddion gyda'i gilydd.

Darpariaeth bellach ynghylch papurau pleidleisio post

64G.—(1) Mae'r rheol hon yn gymwys ar gyfer penderfynu a yw papur pleidleisio post i'w drin fel pe bai wedi ei ddychwelyd yn briodol fel y crybwyllir yn rheolau 64D(7)(a) a 64F(3).

(2) Mae papur pleidleisio post i'w drin fel pe bai wedi ei ddychwelyd yn briodol os yw'r papur pleidleisio a'r datganiad pleidleisio post sy'n cyd-fynd ag ef sydd wedi ei gwblhau'n briodol—

- (a) wedi eu cyflwyno mewn gorsaf bleidleisio yn yr ardal briodol cyn i'r bleidlais gau,
- (b) wedi eu rhoi â llaw i'r swyddog canlyniadau cyn i'r bleidlais gau, neu
- (c) wedi dod i law'r swyddog canlyniadau drwy'r post cyn i'r bleidlais gau.

(3) Mae datganiad pleidleisio post wedi ei gwblhau'n briodol—

- (a) os yw wedi ei lofnodi gan yr etholwr neu (yn ôl y digwydd) y dirprwy, oni bai bod y swyddog cofrestru wedi hepgor y gofyniad ynglŷn â llofnod,
- (b) os yw'n datgan dyddiad geni'r etholwr neu (yn ôl y digwydd) ddyddiad geni'r dirprwy, ac
- (c) mewn achos lle mae camau i ddilysu dyddiad geni a llofnod etholwr neu ddirprwy wedi eu rhagnodi gan reoliadau o dan Ddeddf 1983, os yw'r swyddog canlyniadau wedi cymryd y camau hynny ac wedi dilysu'r dyddiad geni ac (ac eithrio mewn achos lle mae'r gofyniad ynglŷn â llofnod wedi ei hepgor) y llofnod.

(4) Pan fo person, wrth i'r bleidlais gau, yn yr orsaf bleidleisio, neu mewn ciw y tu allan i'r orsaf bleidleisio, er mwyn cyflwyno papur pleidleisio post a datganiad pleidleisio post—

- (a) rhaid caniatáu i'r person gyflwyno'r papur pleidleisio a'r datganiad yn yr orsaf bleidleisio, a
- (b) pan fônt wedi eu cyflwyno, maent i'w trin fel pe baent wedi eu cyflwyno cyn i'r bleidlais gau at ddibenion y rheol hon.

(5) “Yr ardal briodol” y cyfeirir ati ym mharagraff (2)(a) yw'r ardal a ddynodir drwy—

- (a) canfod y pleidleisiau y rhoddwyd papur pleidleisio i'r pleidleisiwr post mewn cysylltiad â hwy,
- (b) adnabod yr etholaeth neu'r ardal arall y mae pob un o'r pleidleisiau hynny'n cael eu cynnal mewn cysylltiad â hi, ac
- (c) wedyn adnabod yr ardal sy'n gyffredin i'r holl ardaloedd hynny.

Y cyfrif: cyffredinol

64H.—(1) Mae'r rheol hon yn gymwys pan fo'r swyddog canlyniadau wedi cymysgu'r papurau pleidleisio o dan reol 64D(10) neu 64F(4).

(2) Yn ddarostyngedig i baragraff (3), rhaid i'r swyddog canlyniadau, i'r graddau y bo'n ymarferol, fwrw ymlaen yn ddi-dor â'r gwaith cyfrif pleidleisiau, gan ganiatáu amser ar gyfer lluniaeth yn unig.

(3) Caiff y swyddog canlyniadau eithrio unrhyw oriau rhwng 7 p.m. a 9 a.m. fore trannoeth.

(4) Yn ystod unrhyw amser sydd wedi ei eithrio, rhaid i'r swyddog canlyniadau—

- (a) gosod y papurau pleidleisio a'r dogfennau eraill sy'n ymwneud â'r etholiad o dan sêl y swyddog canlyniadau a seliau unrhyw asiantau cyfrif prif ardal sy'n dymuno gosod eu sêl, a
- (b) cymryd rhagofalon priodol fel arall ar gyfer diogelwch y papurau pleidleisio a'r dogfennau eraill.

Y cyfrif: papurau pleidleisio a wrthodwyd

64I.—(1) Yn ddarostyngedig i baragraff (2), mae'r papurau pleidleisio a ganlyn yn ddi-rym ac ni chaniateir eu cyfrif—

- (a) papur pleidleisio nad oes arno farc swyddogol;
 - (b) papur pleidleisio nad yw'r rhif "1" ar ei ben ei hun wedi ei nodi arno er mwyn dangos dewis cyntaf o ran ymgeisydd penodol;
 - (c) papur pleidleisio y mae'r rhif "1" ar ei ben ei hun i ddangos dewis cyntaf wedi ei nodi arno gyferbyn ag enw mwy nag un ymgeisydd;
 - (d) papur pleidleisio y mae unrhyw beth wedi ei ysgrifennu neu wedi ei farcio arno y gellir adnabod y pleidleisiwr drwyddo ac eithrio'r rhif printiedig a'r marc adnabod unigryw arall ar y cefn;
 - (e) papur pleidleisio sydd heb ei farcio neu'n ddi-rym oherwydd ansicrwydd.
- (2) Mae paragraff (3) yn gymwys i bapur pleidleisio y marciwyd pleidlais arno—
- (a) mewn man heblaw'r man priodol, neu
 - (b) heblaw drwy ddefnyddio geiriau neu unrhyw farc arall yn lle ffigur.

(3) Nid yw'r papur pleidleisio i'w drin fel pe bai'n ddi-rym, oherwydd y modd y mae'r pleidlais wedi ei marcio yn unig, os yw'n glir o'r papur pleidleisio, ym marn y swyddog canlyniadau, fod y pleidleisiwr wedi nodi'n glir ddewis neu ddewisiadau.

(4) Rhaid i'r swyddog canlyniadau arnodi'r gair "gwrthodwyd" ar unrhyw bapur pleidleisio nad yw, yn unol â'r rheol hon, i'w gyfrif.

(5) Os bydd asiant cyfrif yn gwrthwynebu penderfyniad y swyddog canlyniadau, rhaid i'r swyddog canlyniadau ychwanegu'r geiriau "gwrthwynebwyd y gwrthodiad" at yr arnodiad.

(6) Rhaid i'r swyddog canlyniadau baratoi datganiad yn dangos nifer y papurau pleidleisio a wrthodwyd.

(7) Rhaid i'r datganiad nodi'r nifer a wrthodwyd o dan bob un o is-baragraffau (a) i (e) o baragraff (1).

PENNOD 2

Canfod y Canlyniad

Cymhwyso a dehongli

64J. Yn y Bennod hon—

ystyr "cam o'r cyfrif" ("*stage of the count*") yw—

- (a) pennu'r pleidleisiau dewis cyntaf ar gyfer pob ymgeisydd;
 - (b) trosglwyddo papurau trosglwyddadwy ymgeisydd a drinnir fel pe bai wedi ei ethol ac sydd â phleidleisiau dros ben (gweler rheolau 64N a 64O);
 - (c) eithrio un ymgeisydd neu ragor ar unrhyw adeg benodol (gweler rheol 64S);
- ystyr "cwota" ("*quota*") yw'r nifer a gyfrifir yn unol â rheol 64L;

ystyr “cyfrif” (“*count*”) yw'r holl weithrediadau sy'n ymwneud â chyfrif dewisiadau cyntaf a gofnodwyd o ran ymgeiswyr, trosglwyddo papurau trosglwyddadwy oddi wrth ymgeiswyr a drinnir fel pe baent wedi eu hethol ac y mae ganddynt bleidleisiau dros ben, a throsglwyddo papurau trosglwyddadwy oddi wrth ymgeiswyr sydd wedi eu heithrio o dan reol 64S;

ystyr “dewis nesaf sydd ar gael” (“*next available preference*”) yw dewis sy'n ail ddewis neu'n ddewis pellach mewn trefn olynol o ran ymgeisydd sy'n parhau (ac felly nid yw'n cynnwys dewis o ran ymgeisydd a drinnir fel pe bai wedi ei ethol na dewis o ran ymgeisydd a eithriwyd o dan reol 64S);

ystyr “pleidleisiau dros ben” (“*surplus*”) yw nifer y pleidleisiau sydd uwchlaw'r cwota o blith cyfanswm nifer y pleidleisiau dros unrhyw ymgeisydd;

ystyr “ymgeisydd sy'n parhau” (“*continuing candidate*”) yw unrhyw ymgeisydd nad yw eisoes yn cael ei drin fel pe bai wedi ei ethol ac nad yw wedi ei eithrio o dan reol 64S.

Cyfrif pleidleisiau dewis cyntaf

64K.—(1) Rhaid i'r swyddog canlyniadau ddi-doli'r papurau pleidleisio dilys yn grwpiau yn ôl yr ymgeiswyr y rhoddwyd y pleidleisiau dewis cyntaf iddynt.

(2) Yna rhaid i'r swyddog canlyniadau—

- (a) cyfrif nifer y papurau pleidleisio ym mhob grŵp, a
- (b) cofnodi'r niferoedd hynny.

(3) Rhaid i'r swyddog canlyniadau hefyd ganfod a chofnodi cyfanswm nifer y papurau pleidleisio dilys.

Pennu'r cwota

64L. Rhaid i'r swyddog canlyniadau gymryd y camau a ganlyn i bennu nifer y pleidleisiau sy'n ddigon i sicrhau y dychwelir ymgeisydd fel cynghorydd (“y cwota”).

Cam 1

Cymryd cyfanswm nifer y papurau pleidleisio dilys a gofnodwyd ar gyfer y ward etholiadol o dan reol 64K(3).

Cam 2

Cymryd nifer y cynghorwyr sydd i'w hethol ar gyfer y ward etholiadol ac ychwanegu un.

Cam 3

Rhannu'r nifer a gymerwyd yng ngham 1 â'r nifer a gymerwyd yng ngham 2. Os yw canlyniad y rhannu yn cynnwys lleoedd degol, eu hanwybyddu.

Cam 4

Ychwanegu un at ganlyniad y rhannu yng ngham 3 (gan anwybyddu unrhyw ddegolion). Y nifer hwn yw'r cwota.

Dychwelyd cynghorwyr

64M.—(1) Pan fo nifer y pleidleisiau dros ymgeisydd, ar unrhyw gam o'r cyfrif, yn cyfateb i'r cwota neu uwchlaw'r cwota, trinnir yr ymgeisydd fel pe bai wedi ei ethol.

(2) At ddiben pennu a yw nifer y pleidleisiau dewis cyntaf dros unrhyw ymgeisydd yn cyfateb i'r cwota neu uwchlaw'r cwota, mae'r ymgeisydd i'w gredydu ag un bleidlais ar gyfer pob papur pleidleisio y rhoddwyd pleidlais dewis cyntaf i'r ymgeisydd arno.

(3) Mae rheolau 64N, 64O, 64S a 64T yn gwneud darpariaeth ynghylch nifer y pleidleisiau sydd i'w credydu i ymgeisydd pan fo papur pleidleisio y rhoddir ail ddewis neu ddewis pellach o ran yr ymgeisydd arno yn cael ei drosglwyddo i'r ymgeisydd yn unol â'r rheolau hynny.

(4) Caiff ymgeisydd a drinnir fel pe bai wedi ei ethol ei ddychwelyd fel cynghorydd pan fo'r swyddog canlyniadau'n datgan bod yr ymgeisydd wedi ei ethol yn unol â rheol 64Z1.

(5) Ar gyfer ystyr "cwota", gweler rheol 64J.

Trosglwyddiadau pan fo'r pleidleisiau dewis cyntaf uwchlaw'r cwota

64N.—(1) Mae'r rheol hon yn gymwys pan fo nifer y pleidleisiau dewis cyntaf dros ymgeisydd uwchlaw'r cwota.

(2) Rhaid i'r swyddog canlyniadau ddioli'r holl bapurau pleidleisio y rhoddir pleidleisiau dewis cyntaf i'r ymgeisydd arnynt fel eu bod wedi eu grwpio—

(a) yn ôl yr ymgeisydd sy'n parhau y rhoddir y dewis nesaf sydd ar gael o'i ran ar y papurau hynny, neu

(b) pan nad oes dewis nesaf sydd ar gael wedi ei roi, fel grŵp ar wahân.

Mae'r papurau pleidleisio yn y grwpiau a ffurfiwyd o dan baragraff (a) ("papurau trosglwyddadwy") i'w trosglwyddo yn unol â pharagraffau (4) a (5) o'r rheol hon. Nid yw'r papurau pleidleisio yn y grŵp a ffurfiwyd o dan baragraff (b) ("papurau anhrosglwyddadwy") i'w trosglwyddo.

(3) Rhaid i'r swyddog canlyniadau gyfrif nifer y papurau pleidleisio ym mhob grŵp o bapurau trosglwyddadwy ac yn y grŵp o bapurau anhrosglwyddadwy.

(4) Yna rhaid i'r swyddog canlyniadau drosglwyddo pob grŵp o bapurau trosglwyddadwy i'r ymgeisydd sy'n parhau y rhodddwyd y dewis nesaf sydd ar gael o'i ran ar y papurau hynny.

(5) Trosglwyddir y bleidlais ar bob papur trosglwyddadwy yn ôl gwerth ("y gwerth trosglwyddo") a gyfrifir drwy gymryd y camau a ganlyn.

Cam 1

Cymryd pleidleisiau dros ben yr ymgeisydd y trosglwyddir papurau pleidleisio oddi wrtho.

Cam 2

Rhannu'r pleidleisiau dros ben â chyfanswm nifer y papurau pleidleisio a drosglwyddir. Gwneud y cyfrifiad i ddau le degol ac anwybyddu'r gweddill. Dyma'r gwerth trosglwyddo.

(6) Ar gyfer ystyr "ymgeisydd sy'n parhau", "dewis nesaf sydd ar gael", "cwota" a "pleidleisiau dros ben", gweler rheol 64J.

(7) Gweler hefyd—

reol 64P (sy'n nodi'r amgylchiadau pan nad yw pleidleisiau i'w trosglwyddo o dan y rheol hon);

rheol 64Q (sy'n nodi'r drefn y mae pleidleisiau dros ben i'w trosglwyddo ynddi pan fo gan ddau ymgeisydd neu ragor bleidleisiau dros ben);

rheol 64R (sy'n gwneud darpariaeth atodol).

Trosglwyddiadau eraill pan fo'r pleidleisiau uwchlaw'r cwota

64O.—(1) Mae'r rheol hon yn gymwys pan fo nifer y pleidleisiau dros ymgeisydd uwchlaw'r cwota ar ddiwedd unrhyw gam o'r cyfrif sy'n cynnwys trosglwyddo papurau pleidleisio.

(2) Rhaid i'r swyddog canlyniadau ddiidoli'r holl bapurau pleidleisio yn y grŵp o bapurau a drosglwyddwyd a gafwyd ddiwethaf gan yr ymgeisydd hwnnw fel eu bod wedi eu grwpio—

(a) yn ôl yr ymgeisydd sy'n parhau y rhoddwyd y dewis nesaf sydd ar gael o'i ran ar y papurau hynny, neu

(b) pan nad oes dewis nesaf sydd ar gael wedi ei roi, fel grŵp ar wahân.

Mae'r papurau pleidleisio yn y grwpiau a ffurfiwyd o dan baragraff (a) ("papurau trosglwyddadwy") i'w trosglwyddo yn unol â pharagraffau (4) a (5) o'r rheol hon. Nid yw'r papurau pleidleisio yn y grŵp a ffurfiwyd o dan baragraff (b) ("papurau anhrosglwyddadwy") i'w trosglwyddo.

(3) Rhaid i'r swyddog canlyniadau gyfrif nifer y papurau pleidleisio ym mhob grŵp o bapurau trosglwyddadwy ac yn y grŵp o bapurau anhrosglwyddadwy.

(4) Yna rhaid i'r swyddog canlyniadau drosglwyddo pob grŵp o bapurau trosglwyddadwy i'r ymgeisydd sy'n parhau y rhoddwyd y dewis nesaf sydd ar gael o'i ran ar y papurau hynny.

(5) Trosglwyddir y bleidlais ar bob papur trosglwyddadwy yn ôl gwerth ("y gwerth trosglwyddo") a gyfrifir drwy gymryd y camau a ganlyn.

Cam 1

Cymryd pleidleisiau dros ben yr ymgeisydd y trosglwyddir papurau pleidleisio oddi wrtho.

Cam 2

Rhannu'r pleidleisiau dros ben â chyfanswm nifer y papurau pleidleisio a drosglwyddir. Gwneud y cyfrifiad i ddau le degol ac anwybyddu'r gweddill.

Cam 3

Cymharu'r nifer a geir ar ôl cam 2 â gwerth y bleidlais ar y papur pleidleisio pan gafwyd hi gan yr ymgeisydd y mae'r papurau pleidleisio yn awr yn cael eu trosglwyddo oddi wrtho.

Os yw'r nifer a geir ar ôl cam 2 yn llai na gwerth y bleidlais ar y papur pleidleisio pan gafwyd hi gan yr ymgeisydd hwnnw, neu'n gyfwerth â'r bleidlais honno, y nifer hwnnw yw'r gwerth trosglwyddo.

Os yw'r nifer a geir ar ôl cam 2 yn fwy na gwerth y bleidlais ar y papur pleidleisio pan gafwyd hi gan yr ymgeisydd hwnnw, gwerth y bleidlais pan gafwyd hi gan yr ymgeisydd hwnnw yw'r gwerth trosglwyddo.

(6) Ar gyfer ystyr "ymgeisydd sy'n parhau", "dewis nesaf sydd ar gael", "cwota" a "pleidleisiau dros ben", gweler rheol 64J.

(7) Gweler hefyd—

reol 64P (sy'n nodi'r amgylchiadau pan nad yw pleidleisiau i'w trosglwyddo o dan y rheol hon);

rheol 64Q (sy'n nodi'r drefn y mae pleidleisiau dros ben i'w trosglwyddo ynddi pan fo gan ddau ymgeisydd neu ragor pleidleisiau dros ben);

rheol 64R (sy'n gwneud darpariaeth atodol).

Amgylchiadau pan na throsglwyddir pleidleisiau o dan reol 64N neu 64O

64P.—(1) Yn ddarostyngedig i baragraffau (2) a (3), rhaid i'r swyddog canlyniadau barhau i wneud trosglwyddiadau o dan reolau 64N a 64O hyd nes—

(a) nad oes ymgeisydd a drinnir fel pe bai wedi ei ethol sydd â phleidleisiau dros ben, neu

(b) bod pob swydd wag wedi ei llenwi (ar ôl cymhwyso rheol 64W, pan fo hynny'n berthnasol).

(2) Nid yw papurau trosglwyddadwy i'w trosglwyddo pan fo'r pleidleisiau dros ben (neu, pan fo gan ddau ymgeisydd neu ragor bleidleisiau dros ben, gyfanswm y pleidleisiau dros ben hynny), ar unrhyw gam o'r cyfrif, yn llai na'r gwahaniaeth rhwng—

- (a) nifer y pleidleisiau sydd wedi eu credydu bryd hynny i'r ymgeisydd sy'n parhau sydd â'r nifer lleiaf o bleidleisiau, a
- (b) nifer y pleidleisiau sydd wedi eu credydu bryd hynny i'r ymgeisydd sy'n parhau sydd nesaf uwchben yr ymgeisydd hwnnw.

(3) Nid yw papurau trosglwyddadwy i'w trosglwyddo pan fo'r pleidleisiau dros ben (neu, pan fo gan ddau ymgeisydd neu ragor bleidleisiau dros ben, gyfanswm y pleidleisiau dros ben hynny), ar unrhyw gam o'r cyfrif, yn llai na'r gwahaniaeth rhwng—

- (a) cyfanswm nifer y pleidleisiau sydd wedi eu credydu bryd hynny i'r ddau ymgeisydd sy'n parhau neu ragor sydd â'r nifer lleiaf o bleidleisiau, a
- (b) nifer y pleidleisiau sydd wedi eu credydu bryd hynny i'r ymgeisydd sy'n parhau sydd nesaf uwchben yr ymgeiswyr hynny.

(4) Nid yw rheolau 64N a 64O yn gymwys i etholiad pan nad oes ond un swydd wag.

(5) Ar gyfer ystyr “ymgeisydd sy'n parhau” a “pleidleisiau dros ben”, gweler rheol 64J.

Trefn trosglwyddiadau o dan reolau 64N a 64O

64Q.—(1) Os oes gan ddau ymgeisydd neu ragor, ar unrhyw gam o'r cyfrif, bleidleisiau dros ben yr ymdrinnir â hwy o dan reol 64N neu 64O, rhaid i bapurau trosglwyddadwy'r ymgeisydd sydd â'r nifer mwyaf o bleidleisiau dros ben gael eu trosglwyddo gyntaf.

(2) Os yw'r pleidleisiau dros ben mewn cysylltiad â dau ymgeisydd neu ragor yn gyfartal, rhaid i bapurau trosglwyddadwy yr ymgeisydd a oedd â'r nifer uchaf o bleidleisiau ar y cam cynharaf o'r cyfrif pan oedd eu pleidleisiau'n anghyfartal gael eu trosglwyddo gyntaf.

(3) Os oedd y pleidleisiau a oedd wedi eu credydu i ddau ymgeisydd neu ragor yn gyfartal ar bob cam o'r cyfrif—

- (a) rhaid i'r swyddog canlyniadau benderfynu rhwng yr ymgeiswyr drwy fwrw coelbren, a
- (b) rhaid i bapurau trosglwyddadwy'r ymgeisydd y mae'r coelbren yn mynd o'i blaid gael eu trosglwyddo gyntaf.

(4) Ar gyfer ystyr “pleidleisiau dros ben”, gweler rheol 64J.

Trosglwyddiadau o dan reolau 64N a 64O: darpariaeth atodol

64R.—(1) Mae pob trosglwyddiad o dan reol 64N neu 64O o ran yr holl bapurau trosglwyddadwy oddi wrth ymgeisydd sydd â phleidleisiau dros ben yn ffurfio cam yn y cyfrif.

(2) Rhaid i'r swyddog canlyniadau, ar ôl cwblhau'r cam hwnnw—

- (a) cofnodi cyfanswm gwerth trosglwyddo'r pleidleisiau a drosglwyddwyd i bob ymgeisydd,
- (b) ychwanegu'r gwerth hwnnw at gyfanswm blaenorol y pleidleisiau a gofnodwyd ar gyfer pob ymgeisydd a chofnodi'r cyfanswm newydd,
- (c) cofnodi fel pleidleisiau anhrosglwyddadwy y gwahaniaeth rhwng y pleidleisiau dros ben a chyfanswm gwerth trosglwyddo'r pleidleisiau a drosglwyddwyd, a
- (d) ychwanegu'r gwahaniaeth hwnnw at y cyfanswm a gofnodwyd yn flaenorol o ran pleidleisiau anhrosglwyddadwy.

(3) Yna rhaid i'r swyddog canlyniadau gymharu—

- (a) cyfanswm nifer y pleidleisiau a gofnodwyd bryd hynny ar gyfer yr holl ymgeiswyr, ynghyd â chyfanswm nifer y pleidleisiau anhrosglwyddadwy, â
- (b) y cyfanswm a gofnodwyd o ran pleidleisiau dewis cyntaf dilys.

(4) Rhaid i'r holl bapurau pleidleisio a drosglwyddwyd o dan reol 64N neu 64O fod wedi eu marcio'n glir, naill ai'n unigol neu fel grŵp, er mwyn dangos y gwerth trosglwyddo y trosglwyddwyd y bleidlais ar y papur yn ei ôl neu, yn ôl y digwydd, werth trosglwyddo'r holl bleidleisiau ar y papurau yn y grŵp hwnnw.

(5) Rhaid i'r swyddog canlyniadau gynnwys papur pleidleisio yn y grŵp o bapurau anhrosglwyddadwy a ffurfiwyd o dan reol 64N(2) neu 64O(2)—

- (a) os yw'r swyddog canlyniadau o'r farn bod y papur pleidleisio'n dangos bod y dewis nesaf yn nhrefn y dewisiadau wedi ei roi o ran dau ymgeisydd neu ragor (p'un a ydynt yn ymgeiswyr olynol ai peidio),
 - (b) os yw'r swyddog canlyniadau o'r farn nad yw'r dewis nesaf ar y papur pleidleisio (p'un a yw dros ymgeisydd sy'n parhau ai peidio) yn dilyn yn olynol ar ôl y dewis sy'n dod yn union o'i flaen, neu
 - (c) os nad yw'n glir i'r swyddog canlyniadau am unrhyw reswm arall pa ymgeisydd sydd nesaf yn nhrefn y dewisiadau.
- (6) Ar gyfer ystyr "pleidleisiau dros ben", gweler rheol 64J.

Eithrio ymgeiswyr a throsglwyddo papurau pleidleisio dewis cyntaf

64S.—(1) Mae'r rheol hon yn gymwys—

- (a) pan fo'r swyddog canlyniadau wedi trosglwyddo'r holl bapurau trosglwyddadwy y mae'n ofynnol i'r swyddog canlyniadau eu trosglwyddo o dan unrhyw ddarpariaeth yn y Bennod hon, a
- (b) pan fo un swydd wag neu ragor i'w llenwi o hyd (ar ôl cymhwyso rheol 64W, pan fo hynny'n berthnasol).

(2) Yn ddarostyngedig i baragraff (3), rhaid i'r swyddog canlyniadau eithrio o'r etholiad, ar y cam hwnnw, yr ymgeisydd sydd â'r nifer lleiaf o bleidleisiau bryd hynny.

(3) Rhaid i'r swyddog canlyniadau eithrio dau ymgeisydd neu ragor sydd â'r nifer lleiaf o bleidleisiau pan fo cyfanswm nifer pleidleisiau'r ymgeiswyr hynny, ynghyd ag unrhyw bleidleisiau dros ben nad ydynt wedi eu trosglwyddo, yn llai na nifer y pleidleisiau sydd wedi eu creydu bryd hynny i'r ymgeisydd sydd nesaf uwchben yr ymgeiswyr hynny.

(4) Rhaid i'r swyddog canlyniadau ddioli'r holl bapurau pleidleisio y rhoddir arnynt bleidleisiau dewis cyntaf i'r ymgeisydd neu'r ymgeiswyr a eithriwyd fel eu bod wedi eu grwpio—

- (a) yn ôl yr ymgeisydd sy'n parhau y rhoddwyd y dewis nesaf sydd ar gael o'i ran ar y papurau hynny, neu
- (b) pan nad oes dewis nesaf sydd ar gael wedi ei roi, fel grŵp ar wahân.

Mae'r papurau pleidleisio yn y grwpiau a ffurfiwyd o dan baragraff (a) ("papurau trosglwyddadwy") i'w trosglwyddo yn unol â'r rheol hon. Nid yw'r papurau pleidleisio yn y grŵp a ffurfiwyd o dan baragraff (b) ("papurau anhrosglwyddadwy") i'w trosglwyddo.

(5) Rhaid i'r swyddog canlyniadau drosglwyddo pob grŵp o bapurau trosglwyddadwy i'r ymgeisydd sy'n parhau y rhoddwyd y dewis nesaf sydd ar gael o'i ran ar y papurau hynny.

(6) Trosglwyddir y bleidlais ar bob papur trosglwyddadwy yn ôl gwerth trosglwyddo, a'r gwerth hwnnw fydd 1.

(7) Pan fo'r swyddog canlyniadau wedi cwblhau'r trosglwyddiadau sy'n ofynnol gan baragraff (5) a bo un swydd wag neu ragor i'w llenwi o hyd (ar ôl cymhwyso rheol 64W, pan fo hynny'n berthnasol), rhaid i'r swyddog canlyniadau weithredu nesaf yn unol â rheol 64T.

(8) Mae paragraff (7) yn gymwys p'un a drinnir unrhyw ymgeisydd fel pe bai wedi ei ethol ar ôl y trosglwyddiadau ai peidio a ph'un a oes ganddo bleidleisiau dros ben ai peidio.

(9) Ar gyfer ystyr "ymgeisydd sy'n parhau", "dewis nesaf sydd ar gael" a "pleidleisiau dros ben", gweler rheol 64J.

(10) Gweler hefyd—

reol 64U (sy'n ymdrin â'r drefn eithrio pan fo gan fwy nag un ymgeisydd y nifer lleiaf o bleidleisiau);

rheol 64V (sy'n gwneud darpariaeth atodol).

Trosglwyddo papurau pleidleisio eraill ymgeiswyr a eithriwyd

64T.—(1) Mae'r rheol hon yn gymwys—

(a) pan fo'r swyddog canlyniadau wedi trosglwyddo holl bapurau trosglwyddadwy ymgeisydd neu ymgeiswyr a eithriwyd y mae'n ofynnol i'r swyddog canlyniadau eu trosglwyddo o dan reol 64S, a

(b) pan fo un swydd wag neu ragor i'w llenwi o hyd (ar ôl cymhwyso rheol 64W, pan fo hynny'n berthnasol).

(2) Rhaid i'r swyddog canlyniadau ddi-doli'n grwpiau yr holl bapurau pleidleisio, os oes rhai, a drosglwyddwyd i'r ymgeisydd a eithriwyd (neu i unrhyw un neu ragor o'r ymgeiswyr a eithriwyd) ar gam cynharach o'r cyfrif yn ôl y gwerth trosglwyddo a oedd i'r pleidleisiau pan gafodd yr ymgeisydd hwnnw hwy.

(3) Yna rhaid i'r swyddog canlyniadau ddi-doli'r papurau pleidleisio yn y grŵp o bapurau pleidleisio sydd â'r pleidleisiau â'r gwerth trosglwyddo uchaf yn grwpiau pellach fel a ganlyn—

(a) yn ôl yr ymgeisydd sy'n parhau y rhoddwyd y dewis nesaf sydd ar gael o'i ran ar y papurau hynny, neu

(b) pan nad oes dewis nesaf sydd ar gael wedi ei roi, fel grŵp ar wahân.

Mae'r papurau pleidleisio yn y grwpiau a ffurfiwyd o dan baragraff (a) ("papurau trosglwyddadwy") i'w trosglwyddo yn unol â pharagraffau (4) a (5) o'r rheol hon. Nid yw'r papurau pleidleisio yn y grŵp a ffurfiwyd o dan baragraff (b) ("papurau anhrosglwyddadwy") i'w trosglwyddo.

(4) Rhaid i'r swyddog canlyniadau drosglwyddo pob grŵp o bapurau trosglwyddadwy i'r ymgeisydd sy'n parhau y rhoddwyd y dewis nesaf sydd ar gael o'i ran ar y papurau hynny.

(5) Trosglwyddir y bleidlais ar y papur pleidleisio ar bob papur trosglwyddadwy yn ôl gwerth trosglwyddo, sef y gwerth a oedd i'r bleidlais pan gafwyd hi gan yr ymgeisydd a eithriwyd y mae'r papur yn cael ei drosglwyddo oddi wrtho.

(6) Pan fo'r swyddog canlyniadau wedi cwblhau'r trosglwyddiadau sy'n ofynnol gan baragraff (4) a bo un swydd wag neu ragor i'w llenwi o hyd (ar ôl cymhwyso rheol 60W, pan fo hynny'n berthnasol), rhaid i'r swyddog canlyniadau ailadrodd y camau ym mharagraffau (3) i (5) mewn perthynas â'r grwpiau sy'n weddill o bapurau pleidleisio a ffurfiwyd o dan baragraff (2), gan ymdrin â phob grŵp mewn trefn ddisgynnol yn ôl gwerth y pleidleisiau hyd nes—

(a) naill ai nad oes swyddi gwag ar ôl i'w llenwi (ar ôl cymhwyso rheol 64W pan fo hynny'n berthnasol), neu

(b) yr ymdriniwyd â phob grŵp.

(7) Mae paragraff (6) yn gymwys p'un a drinnir unrhyw ymgeisydd fel pe bai wedi ei ethol ai peidio a ph'un a oes ganddo bleidleisiau dros ben ai peidio ar ôl cwblhau'r camau ym mharagraffau (3) i (5) mewn perthynas â'r grŵp o bapurau pleidleisio sydd â'r pleidleisiau â'r gwerth trosglwyddo uchaf neu mewn perthynas ag unrhyw un neu ragor o'r grwpiau sy'n weddill.

(8) Mewn achos pan ymdriniwyd â phob grŵp o bapurau pleidleisio a ffurfiwyd o dan baragraff (2) ond bod un swydd wag neu ragor i'w llenwi o hyd (ar ôl cymhwyso rheol 64W, pan fo hynny'n berthnasol), rhaid i'r swyddog canlyniadau fwrw ymlaen fel a ganlyn—

(a) yn unol â rheol 64O os trinnir unrhyw ymgeisydd, ar y cam hwnnw, fel pe bai wedi ei ethol a bod ganddo bleidleisiau dros ben, a

(b) fel arall yn unol â rheol 64S.

(9) Ar gyfer ystyr “ymgeisydd sy'n parhau”, “dewis nesaf sydd ar gael” a “pleidleisiau dros ben”, gweler rheol 64J.

(10) Gweler hefyd reol 64V (sy'n gwneud darpariaeth atodol).

Y drefn eithrio

64U.—(1) Mae'r rheol hon yn gymwys—

(a) pan fo'r swyddog canlyniadau yn penderfynu pa ymgeisydd i'w eithrio o dan reol 64S(2),

(b) pan fo gan ddau ymgeisydd neu ragor yr un nifer o bleidleisiau, ac

(c) pan na fo gan yr un ymgeisydd arall lai o bleidleisiau.

(2) Rhaid i'r swyddog canlyniadau eithrio p'un bynnag o'r ymgeiswyr a oedd â'r nifer lleiaf o bleidleisiau ar y cam cynharaf o'r cyfrif pan oedd ganddynt nifer anghyfartal o bleidleisiau.

(3) Pan oedd nifer y pleidleisiau a oedd wedi eu credydu i'r ymgeiswyr yn gyfartal ar bob cam, rhaid i'r swyddog canlyniadau—

(a) penderfynu rhwng yr ymgeiswyr drwy fwrw coelbren, a

(b) eithrio'r ymgeisydd yr aeth y coelbren o'i blaid.

Eithrio ymgeiswyr: darpariaeth atodol

64V.—(1) Mae eithrio ymgeisydd, neu ddau ymgeisydd neu ragor gyda'i gilydd, o dan reol 64S yn ffurfio cam pellach o'r cyfrif.

(2) Rhaid i'r swyddog canlyniadau gymryd y camau a ganlyn ar ôl gorffen trosglwyddo papurau trosglwyddadwy o dan reol 64S(5) neu ar ôl ymdrin â grŵp o bapurau pleidleisio a ffurfiwyd o dan reol 64T(2) yn unol â rheol 64T(3) i (5)—

(a) cofnodi cyfanswm gwerth y pleidleisiau a drosglwyddwyd i bob ymgeisydd o dan reol 64S(5) neu 64T(4);

(b) ychwanegu'r cyfanswm hwnnw at gyfanswm blaenorol y pleidleisiau a gofnodwyd ar gyfer pob ymgeisydd a chofnodi'r cyfanswm newydd,

(c) cofnodi gwerth y pleidleisiau yn y grwpiau o bapurau anhrosglwyddadwy a ffurfiwyd o dan reol 64S(4) neu 64T(3), a

(d) ychwanegu'r gwerth hwnnw at y cyfanswm a gofnodwyd yn flaenorol o ran pleidleisiau anhrosglwyddadwy.

(3) Yna rhaid i'r swyddog canlyniadau gymharu—

(a) cyfanswm nifer y pleidleisiau a gofnodwyd bryd hynny ar gyfer pob ymgeisydd, ynghyd â chyfanswm nifer y pleidleisiau anhrosglwyddadwy, â

(b) y cyfanswm a gofnodwyd o ran pleidleisiau dewis cyntaf dilys.

(4) Rhaid i'r holl bapurau pleidleisio a drosglwyddwyd o dan reol 64S(5) neu 64T(4) fod wedi eu marcio'n glir, naill ai'n unigol neu fel grŵp, er mwyn dangos y gwerth y trosglwyddwyd y bleidlais ar y papur yn ei ôl neu, yn ôl y digwydd, werth trosglwyddo'r holl bleidleisiau ar y papurau yn y grŵp hwnnw.

(5) Rhaid i'r swyddog canlyniadau gynnwys papur pleidleisio yn y grŵp o bapurau anhrosglwyddadwy a ffurfiwyd o dan reol 64S(4) neu 64T(3)—

- (a) os yw'r swyddog canlyniadau o'r farn bod y papur pleidleisio'n dangos bod y dewis nesaf yn nhrefn y dewisiadau wedi ei roi o ran dau ymgeisydd neu ragor (p'un a ydynt yn ymgeiswyr olynol ai peidio),
- (b) os yw'r swyddog canlyniadau o'r farn nad yw'r dewis nesaf ar y papur pleidleisio (p'un a yw dros ymgeisydd sy'n parhau ai peidio) yn dilyn yn olynol ar ôl y dewis sy'n dod yn union o'i flaen, neu
- (c) os nad yw'n glir i'r swyddog canlyniadau am unrhyw reswm arall pa ymgeisydd sydd nesaf yn nhrefn y dewisiadau.

Llenwi swyddi gwag olaf

64W.—(1) Pan fo nifer yr ymgeiswyr sy'n parhau yn cyfateb i nifer y swyddi gwag sy'n dal heb eu llenwi, trinnir yr ymgeiswyr sy'n parhau fel pe baent wedi eu hethol.

(2) Pan nad oes ond un swydd yn dal heb ei llenwi, rhaid trin yr ymgeisydd sy'n parhau sydd wedi ei gredu bryd hynny â'r nifer uchaf o bleidleisiau fel pe bai wedi ei ethol os yw'r nifer hwnnw o bleidleisiau yn cyfateb i gyfanswm nifer y pleidleisiau sydd wedi eu credu bryd hynny i'r ymgeiswyr eraill sy'n parhau, ynghyd ag unrhyw bleidleisiau dros ben nas trosglwyddwyd, neu os yw'n fwy na hynny.

(3) Pan ellir llenwi'r swyddi olaf o dan y rheol hon, ni chaniateir trosglwyddo pleidleisiau ymhellach.

(4) Ar gyfer ystyr “ymgeisydd sy'n parhau” a “pleidleisiau dros ben”, gweler rheol 64J.

Ailgyfrif

64X.—(1) Rhaid i'r swyddog canlyniadau, ar ôl cwblhau pob cam o'r cyfrif, hysbysu'r holl ymgeiswyr a'u hasiantau etholiadol sy'n bresennol bryd hynny o'i fwriad, yn ddarostyngedig i gais am ailgyfrif, i fwrw ymlaen i'r cam nesaf.

(2) Cyn i'r swyddog canlyniadau fwrw ymlaen, caiff unrhyw ymgeisydd neu asiant etholiadol sy'n bresennol yn y cyfrif ofyn i'r cam diwethaf a gwblhawyd gael ei ailgyfrif.

(3) Rhaid i'r swyddog canlyniadau gydymffurfio â'r cais oni bai bod y swyddog canlyniadau o'r farn bod y cais yn afresymol.

(4) Os na cheir cais rhaid i'r swyddog canlyniadau fwrw ymlaen â cham nesaf y cyfrif.

(5) Pan ddeuir o hyd i gamgymeriad o ganlyniad i ailgyfrif, rhaid i'r swyddog canlyniadau, pan fo hynny'n angenrheidiol, ddiwygio unrhyw ganlyniadau sydd eisoes wedi eu cyhoeddi.

Trefn ethol yr ymgeiswyr

64Y.—(1) Y drefn y trinnir ymgeiswyr y mae eu pleidlais uwchlaw'r cwota fel pe baent wedi eu hethol ynddi yw'r drefn y trosglwyddwyd eu priod bleidleisiau dros ben ynddi neu'r drefn y byddai'r pleidleisiau dros ben hynny wedi eu trosglwyddo ynddi oni bai am reol 64P(2) neu (3).

(2) Mae ymgeisydd a greddyddwyd â nifer o bleidleisiau sy'n cyfateb i'r cwota i'w roi (yn nhrefn y rheini a drinnir fel pe baent wedi eu hethol) ar ôl unrhyw ymgeiswyr eraill a drinnir fel pe baent wedi eu hethol ar yr un pryd ac yr oedd ganddynt bleidleisiau dros ben.

(3) Ar gyfer ystyr "cwota" a "pleidleisiau dros ben", gweler rheol 64J.

Penderfyniadau ar bapurau pleidleisio

64Z. Mae penderfyniad y swyddog canlyniadau ar unrhyw gwestiwn sy'n codi mewn cysylltiad â phapur pleidleisio, trosglwyddo papurau pleidleisio neu eithrio ymgeiswyr yn derfynol, ond caniateir ei adolygu ar ddeiseb etholiad.

Datgan y canlyniad mewn etholiad lle ceir gornest

64Z1.—(1) Pan fo pob cam o'r cyfrif wedi ei gwblhau, rhaid i'r swyddog canlyniadau ddatgan bod yr ymgeiswyr sydd wedi eu trin fel pe baent wedi eu hethol o dan y Bennod hon wedi eu hethol.

(2) Rhaid i'r swyddog canlyniadau roi hysbysiad yn nodi enwau a chyfeiriadau'r ymgeiswyr a etholwyd i swyddog priodol y cyngor y cynhaliwyd yr etholiad ar ei gyfer.

(3) Rhaid i'r swyddog canlyniadau gyhoeddi hysbysiad hefyd—

- (a) o enwau'r ymgeiswyr a etholwyd;
- (b) o nifer y dewisiadau cyntaf a'r dewisiadau pellach o ran pob ymgeisydd (p'un a'i hetholwyd ai peidio);
- (c) o nifer y papurau pleidleisio a drosglwyddwyd a'u gwerth trosglwyddo ar bob cam o'r cyfrif;
- (d) o nifer y pleidleisiau a greddyddwyd i bob ymgeisydd ar bob cam o'r cyfrif;
- (e) o nifer y papurau pleidleisio anhrosglwyddadwy a nifer y pleidleisiau anhrosglwyddadwy ar bob cam o'r cyfrif;
- (f) o nifer y papurau pleidleisio a wrthodwyd o dan bob pennawd a ddangosir yn y datganiad o'r papurau pleidleisio a wrthodwyd."

Diwygio Rhan 5 o Atodlen 2 i Reolau 2021

9. Yn rheol 66 (danfon dogfennau i'r swyddog cofrestru mewn etholiadau lle ceir gornest) o Atodlen 2 i Reolau 2021—

- (a) ym mharagraff (2)(c), ar ôl "reol 60(7)" mewnosoder "neu reol 64I(6)";
- (b) ym mharagraff (2)(d), ar ôl "reol 55(6)" mewnosoder "neu reol 64D(6)".

Diwygio'r Atodiadau i Atodlen 2 i Reolau 2021

10.—(1) Mae'r Atodiadau i Atodlen 2 i Reolau 2021 wedi eu diwygio fel a ganlyn.

- (2) Ar ôl Atodiad 2 mewnosoder Atodiad 2A fel y'i nodir yn Atodlen 5.
- (3) Ar ôl Atodiad 4 mewnosoder Atodiad 4A fel y'i nodir yn Atodlen 6.
- (4) Ar ôl Atodiad 5 mewnosoder Atodiad 5A fel y'i nodir yn Atodlen 7.
- (5) Ar ôl Atodiad 6 mewnosoder Atodiad 6A fel y'i nodir yn Atodlen 8.

Diwygiadau eraill i Reolau 2021

11. Yn rheol 54(3) o Atodlen 2 i Reolau 2021, yn lle "reol 56", rhodder "reol 55".

Statws *This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.*

4 Hydref 2023

Rebecca Evans
Y Gweinidog Cyllid a Llywodraeth Leol, un o
Weinidogion Cymru

YR ATODLENNI

ATODLEN 1

Rheol 6(2)

Atodiad 2A

Rheol 22(3A)(a)

Ffurf blaen y papur pleidleisio			
Etholiad cynghorwyr i [rhowch enw'r cyngor sir neu'r cyngor bwrdeistref sirol] – [rhowch enw'r ward]			
<p>Gallwch ddewis cynifer neu gyn lleied ag y dymunwch.</p> <p>Rhowch y rhif 1 yn y blwch pleidleisio gyferbyn â'ch dewis cyntaf.</p> <p>Rhowch y rhif 2 yn y blwch pleidleisio gyferbyn â'ch ail ddewis.</p> <p>Rhowch y rhif 3 yn y blwch pleidleisio gyferbyn â'ch trydydd dewis. Ac yn y blaen.</p>			
<p>JAMES, Lisa 6, Y Stryd, Y Dre CY36 4EZ Plaid Hybu Moeseg mewn Llywodraeth Leol</p>	<table border="1"> <tr> <td style="text-align: center;">Arwyddlun</td> <td></td> </tr> </table>	Arwyddlun	
Arwyddlun			
<p>KAY, Michael 12, Y Stryd Fawr, CP1 5LL Plaid Gwella'r Gyfraith Etholiadol</p>	<table border="1"> <tr> <td style="text-align: center;">Arwyddlun</td> <td></td> </tr> </table>	Arwyddlun	
Arwyddlun			
<p>THOMAS, Gareth Gwlad yr Iâ Plaid Gwella'r Gyfraith Etholiadol</p>	<table border="1"> <tr> <td style="text-align: center;">Arwyddlun</td> <td></td> </tr> </table>	Arwyddlun	
Arwyddlun			
<p>THOMAS RICHARDS, Angharad Sir Hafod Plaid Cyfraith Dda</p>	<table border="1"> <tr> <td style="text-align: center;">Arwyddlun</td> <td></td> </tr> </table>	Arwyddlun	
Arwyddlun			
<p>WILLIAMS, Sian 92, Yr Avenue, CP12 3LO Annibynnol</p>	<table border="1"> <tr> <td></td> <td></td> </tr> </table>		
<p>WYATT, Cath Sir Gernyw Plaid Effeithlonrwydd</p>	<table border="1"> <tr> <td style="text-align: center;">Arwyddlun</td> <td></td> </tr> </table>	Arwyddlun	
Arwyddlun			
<p>XERRI, Mathew 24 Pen-y-Lan, CP2 6NQ Plaid Cyfraith Dda</p>	<table border="1"> <tr> <td style="text-align: center;">Arwyddlun</td> <td></td> </tr> </table>	Arwyddlun	
Arwyddlun			

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Ffurf cefn y papur pleidleisio

Rhif:

Marc adnabod unigryw arall:

Etholiad ar gyfer ward etholiadol [rhowch yr enw] yn [rhowch enw'r sir neu'r fwrdeistref sirol] ar [rhowch ddyddiad y bleidlais]

Ffurf Cyfarwyddydau ynghylch Argraffu'r Papur Pleidleisio

1. Ni chaniateir argraffu dim ar y papur pleidleisio ac eithrio yn unol â'r cyfarwyddydau hyn.
2. I'r graddau y bo'n ymarferol, rhaid dilyn y cyfarwyddydau a nodir ym mharagraffau 3 i 13 wrth argraffu'r papur pleidleisio.
3. Ni chaniateir argraffu gair ar flaen y papur pleidleisio ac eithrio:
 - (a) y pennawd "Etholiad cynghorwyr i [rhowch enw'r cyngor sir neu'r cyngor bwrdeistref sirol] – [rhowch enw'r ward]";
 - (b) y cyfarwyddyd "Gallwch ddewis cynifer neu gyn lleied ag y dymunwch. Rhowch y rhif **1** yn y blwch pleidleisio gyferbyn â'ch dewis cyntaf. Rhowch y rhif **2** yn y blwch pleidleisio gyferbyn â'ch ail ddewis. Rhowch y rhif **3** yn y blwch pleidleisio gyferbyn â'ch trydydd dewis. **Ac yn y blaen.**";
 - (c) enwau a disgrifiadau (os oes rhai) yr ymgeiswyr a'r wybodaeth am eu cyfeiriad cartref, fel y'u dangosir yn y datganiad o'r personau a enwebwyd;
 - (d) geiriau sy'n ffurfio rhan o unrhyw arwyddlun i'w gynnwys yn erbyn manylion yr ymgeisydd.
4. Rhaid argraffu blwch o amgylch y pennawd y cyfeirir ato ym mharagraff 3(a) a'r cyfarwyddyd y cyfeirir ato ym mharagraff 3(b), a rhaid gwahanu'r pennawd a'r cyfarwyddyd o fewn y blwch â llinell lorweddol sy'n ymestyn ar ei draws.
5. Ni chaniateir argraffu llinell ar flaen y papur pleidleisio ac eithrio:
 - (a) fel rhan o'r blwch y cyfeirir ato ym mharagraff 4;
 - (b) y llinell lorweddol y cyfeirir ati yn y paragraff hwnnw;
 - (c) llinell lorweddol uwchben manylion yr ymgeisydd cyntaf;
 - (d) llinellau llorweddol yn gwahanu manylion pob ymgeisydd o fanylion yr ymgeiswyr eraill;
 - (e) llinell lorweddol islaw manylion yr ymgeisydd olaf; ac
 - (f) fel rhan o'r blychau ar ochr dde'r papur pleidleisio lle mae'r bleidlais i'w marcio.
6. Rhaid i'r llinellau llorweddol y cyfeirir atynt ym mharagraff 5(c), (d) ac (e) fod â bylchau cyfartal rhyngddynt a rhaid i'r bwlch rhwng pob un ohonynt fod yn 2.5 centimetr o leiaf.
7. Rhaid i'r blychau y cyfeirir atynt ym mharagraff 5(f) beidio â chyffwrdd ag unrhyw linell lorweddol a rhaid i bob un fod yr un mor bell oddi wrth y llinell lorweddol uwchben a'r llinell lorweddol islaw.
8. Rhaid i bob un o'r llinellau llorweddol y cyfeirir atynt ym mharagraff 5(c) a (d) ymestyn o bwynt sy'n lefel â'r testun ar ochr chwith y dudalen hyd at bwynt sy'n uniongyrchol uwchben canol y blwch islaw'r llinell honno.
9. Rhaid i'r llinell lorweddol y cyfeirir ati ym mharagraff 5(e):
 - (a) ymestyn o bwynt sy'n lefel â'r testun ar ochr chwith y dudalen hyd at bwynt sy'n uniongyrchol islaw ymyl dde'r blwch uwchben y llinell honno; a
 - (b) bod yn fwy trwchus na'r llinellau llorweddol eraill.

10. Pan fo arwyddlun cofrestredig i'w argraffu yn erbyn manylion ymgeisydd:
- (a) rhaid ei argraffu yn gyfagos i fanylion yr ymgeisydd ac i'r dde ohonynt; a
 - (b) ni chaniateir i'w faint fel y'i hargreffir fod yn fwy na 2 gentimetr sgwâr.
11. Rhaid i'r holl eiriau ar flaen y papur pleidleisio ymddangos yn yr un print mawr ac eithrio:
- (a) rhaid i'r pennawd y cyfeirir ato ym mharagraff 3(a) ymddangos mewn print mawr iawn a thrwm;
 - (b) yn y cyfarwyddyd y cyfeirir ato ym mharagraff 3(b), rhaid i'r rhifau "1", "2" a "3" a'r geiriau "Ac yn y blaen" ymddangos mewn print mawr iawn a thrwm;
 - (c) rhaid i weddill y cyfarwyddyd hwnnw ymddangos mewn print mawr iawn; a
 - (d) rhaid i enwau'r ymgeiswyr a'r disgrifiadau (os oes rhai) ymddangos mewn print trwm.
12. Rhaid i gyfenwau pob ymgeisydd ymddangos mewn priflythrennau a rhaid i enwau eraill yr ymgeisydd ac unrhyw ddisgrifiad fod mewn llythrennau bach gyda phriflythrennau cychwynnol.
13. Rhaid i'r rhif a'r marc adnabod unigryw arall gael eu hargraffu'n agos at ei gilydd ar gefn y papur pleidleisio.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

ATODLEN 2

Rheol 6(3)

Atodiad 4A Rheol 28(1A)(b)

Ffurf Datganiad Pleidleisio Post

Enw'r etholwr*:

*Rhaid i'r swyddog canlyniadau hepgor yr enw pan fo'r papur pleidleisio yn cael ei anfon neu ei ddanfôn at etholwr sydd â chofnod dienw yn y gofrestr neu at ddirprwy etholwr sydd â chofnod dienw yn y gofrestr.

[Enw'r pleidleisiwr (pan fo'n wahanol i enw'r etholwr am fod yr etholwr yn pleidleisio drwy ddirprwy)*:]

*Gall y llinell sy'n ymwneud ag enw'r etholwr gael ei hepgor pan nad yw'r etholwr yn pleidleisio drwy ddirprwy.

Rhif y papur pleidleisio:

Darllenwch y cyfarwyddiadau ar y diwedd cyn llenwi'r ffurflen hon a'r papur pleidleisio.

FI YW'R PERSON Y CAFODD Y PAPUR PLEIDLEISIO Â'R RHIF UCHOD EI ANFON NEU EI DDANFON ATO.

Fy nyddiad geni (yn y fformat dd/mm/yyyy):

*Fy llofnod:

(Cadwch eich llofnod o fewn y terfyn)

*Rhaid i'r swyddog canlyniadau hepgor y gofyniad ynglŷn â llofnod pan fo'r person wedi cael hepgoriad.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Rhybudd: Mae twyll etholiadol yn drosedd. Rhaid ichi beidio â phleidleisio drwy ddefnyddio papur pleidleisio nad yw wedi ei gyfeirio atoch chi nac ymyrryd â phapur pleidleisio pleidleisiwr arall. Mae'n anghyfreithlon pleidleisio fwy nag unwaith (oni bai eich bod wedi'ch penodi'n ddirprwy ar ran etholwr arall) yn yr un etholiad.

Cyfarwyddiadau ar farcio'r papur pleidleisio a llenwi'r datganiad pleidleisio post

Rhifwch yr ymgeiswyr yn nhrefn eich dewis yn y blychau pleidleisio gyferbyn â'r ymgeiswyr. Gallwch ddewis cynifer neu gyn lleied ag y dymunwch.
Rhowch y rhif 1 yn y blwch pleidleisio gyferbyn â'ch dewis cyntaf.
Rhowch y rhif 2 yn y blwch pleidleisio gyferbyn â'ch ail ddewis.
Rhowch y rhif 3 yn y blwch pleidleisio gyferbyn â'ch trydydd dewis. Ac yn y blaen.

Peidiwch â marcio'r papur pleidleisio mewn unrhyw ffordd arall. Os gwnewch hynny, mae'n bosibl y bydd eich pleidlais yn annilys.*

*Pan fo'r papur pleidleisio wedi ei anfon at berson sy'n pleidleisio fel dirprwy, dylid diwygio'r paragraff hwn fel ei fod yn darllen:

1. Rhifwch yr ymgeiswyr yn nhrefn dewis yr etholwr yn y blychau pleidleisio gyferbyn â'r ymgeiswyr.
Gall yr etholwr ddewis cynifer neu gyn lleied ag y dymuna.
Rhowch y rhif 1 yn y blwch pleidleisio gyferbyn â dewis cyntaf yr etholwr.
Rhowch y rhif 2 yn y blwch pleidleisio gyferbyn ag ail ddewis yr etholwr.
Rhowch y rhif 3 yn y blwch pleidleisio gyferbyn â thrydydd dewis yr etholwr. Ac yn y blaen.

Peidiwch â marcio'r papur pleidleisio mewn unrhyw ffordd arall. Os gwnewch hynny, mae'n bosibl y bydd eich pleidlais yn annilys.

2. Os oes amoch angen help i bleidleisio, rhaid i'r person sy'n eich helpu beidio â dweud wrth neb i bwy y rhoddyd y bleidlais.

3. Rhowch y papur pleidleisio yn yr amlen fach sydd wedi ei marcio **A** a'i selio.

4. Cwblhewch y datganiad pleidleisio post drwy ei lofnodi a darparu'ch dyddiad geni. Os na wnewch chi, bydd y datganiad pleidleisio post yn annilys ac ni chyfrifir y bleidlais/pleidleisiau. Sylwch mai eich **dyddiad geni** sy'n ofynnol, nid y dyddiad rydych chi'n llofnodi'r datganiad.*

*Pan fo'r gofyniad ynglŷn â llofnod wedi ei hepgor, rhaid i'r swyddog canlyniadau newid y cyfarwyddyd hwn fel ei fod yn darllen:

4. Cwblhewch y datganiad pleidleisio post drwy ddarparu'ch dyddiad geni. Os na wnewch chi, bydd y datganiad pleidleisio post yn annilys ac ni chyfrifir y bleidlais/pleidleisiau. Sylwch mai eich **dyddiad geni** sy'n ofynnol, nid y dyddiad rydych chi'n cwblhau'r datganiad pleidleisio post.

5. Yna rhowch yr amlen sydd wedi ei marcio **A** ynghyd â'r datganiad pleidleisio post yn yr amlen fwy sydd wedi ei marcio **B**. Dychwelwch hi cyn gynted â phosibl.

6. Ar ôl cael y bleidlais bost, ni chewch bleidleisio'n bersonol mewn gorsaf bleidleisio yn yr etholiad hwn*.

*Pan fo'r papur pleidleisio wedi ei anfon at berson sy'n pleidleisio fel dirprwy, dylid diwygio'r paragraff hwn fel ei fod yn darllen:

6. Ar ôl cael y bleidlais bost, ni chewch bleidleisio fel dirprwy dros yr etholwr yn bersonol mewn gorsaf bleidleisio yn yr etholiad hwn.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

7. Os byddwch yn difetha'r papur pleidleisio yn ddamweiniol, cewch wneud cais i'r swyddog canlyniadau am un newydd cyn 5 pm ar [rhowch ddyddiad y bleidlais]. Rhaid ichi ddychwelyd y papur pleidleisio a ddifethwyd, y datganiad pleidleisio post a'r amlenni sydd wedi eu marcio A a B. Gwnewch yn siŵr eich bod yn cysylltu â'r swyddog canlyniadau cyn gynted â phosibl. [Y swyddog canlyniadau i ddarparu manylion cysylltu i gael cymorth]

8. Rhaid i'r papur pleidleisio a'r datganiad pleidleisio post—

- (a) cael eu hanfon drwy'r post at y swyddog canlyniadau mewn da bryd i ddod i law'r swyddog canlyniadau cyn 10 pm ar [rhowch ddyddiad y bleidlais];
- (b) cael eu rhoi â llaw i'r swyddog canlyniadau cyn 10 pm ar [rhowch ddyddiad y bleidlais]; neu
- (c) cael eu cyflwyno ar [rhowch ddyddiad y bleidlais] mewn unrhyw orsaf bleidleisio yn y ward etholiadol cyn 10 pm.

ATODLEN 3

Rheol 6(4)

Atodiad 5A Rheol 31(7)(aa)(ii)

Cardiau Pleidleisio

Cerdyn Pleidleisio Swyddogol (i'w anfon neu i'w ddanfon at etholwr sy'n pleidleisio'n bersonol)

Blaen y cerdyn

Cerdyn Pleidleisio Swyddogol

Cyngor:
Ward etholiadol:
Nifer y cynghorwyr sydd i'w hethol dros y ward etholiadol:
Diwrnod Pleidleisio:
Oriau Pleidleisio: 7 am i 10 pm
Eich gorsaf bleidleisio chi fydd:

Rhif ar y gofrestr:
*Enw:
*Cyfeiriad:
*Sylwch: Rhaid hepgor yr enw a'r cyfeiriad pan fo'r cerdyn pleidleisio'n cael ei anfon neu ei ddanfon at etholwr sydd â chofnod dienw. Rhaid anfon neu ddanfon cerdyn pleidleisio a anfonir neu a ddanfonir at etholwr sydd â chofnod dienw mewn amlen wedi ei selio.

***Cerdyn er gwybodaeth yn unig yw hwn. Cewch bleidleisio hebdo ond bydd yn arbed amser ichi os ewch ag ef i'r orsaf bleidleisio a'i ddangos i'r clerc yno.**

Gweler rhagor o wybodaeth ar gefn y cerdyn hwn.

Cefn y cerdyn

Etholiad Llywodraeth Leol

*Pan ewch chi i'r orsaf bleidleisio, dywedwch eich enw a'ch cyfeiriad, fel y'u dangosir ar flaen y cerdyn hwn, wrth y clerc.

*Bydd y clerc yn cadarnhau'ch manylion ar y gofrestr.

Pan roddir eich papur pleidleisio i chi, ewch i un o'r bythau pleidleisio.

Rhifwch yr ymgeiswyr yn nhrefn eich dewis yn y blychau pleidleisio gyferbyn â'r ymgeiswyr.

Gallwch ddewis cynifer neu gyn lleied ag y dymunwch.

Rhowch y rhif 1 yn y blwch pleidleisio gyferbyn â'ch dewis cyntaf.

Rhowch y rhif 2 yn y blwch pleidleisio gyferbyn â'ch ail ddewis.

Rhowch y rhif 3 yn y blwch pleidleisio gyferbyn â'ch trydydd dewis. Ac yn y blaen.

Peidiwch â marcio'r papur pleidleisio mewn unrhyw ffordd arall. Os gwnewch hynny, mae'n bosibl y bydd eich pleidlais yn annilys.

Os byddwch yn difetha'r papur pleidleisio drwy gamgymeriad, dangoswch ef i'r swyddog llywyddu a gofynnwch am un newydd.

Pan fyddwch wedi marcio'r papur pleidleisio, plygwch ef yn ddau. Dangoswch y rhif a'r marc adnabod unigryw arall ar gefn y papur pleidleisio i'r swyddog llywyddu ond peidiwch â gadael i neb weld eich pleidlais. Rhowch y papur pleidleisio yn y bocs pleidleisio a gadewch yr orsaf bleidleisio.

Os byddwch i ffwrdd ar ddyddiad y bleidlais, mae ffyrdd eraill o bleidleisio.

(1) Cewch wneud cais am bleidlais bost. Rhaid i'ch cais ddod i law'r swyddog canlyniadau cyn 5 pm ar [rhowch y dyddiad cau]. Os cewch chi bleidlais bost, ni fydd gennych yr hawl i bleidleisio'n bersonol yn yr etholiad hwn.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

(2) Cewch wneud cais am bleidleisio drwy ddirprwy (mae hyn yn golygu y caiff rhywun bleidleisio ar eich rhan). Fel arfer, rhaid i'ch cais ddod i law cyn 5pm ar [rhowch y dyddiad cau]. Os byddwch yn penodi dirprwy, rydych yn dal yn cael pleidleisio yn yr etholiad hwn eich hun os gwnewch chi hynny cyn i'ch dirprwy bleidleisio ar eich rhan.

O dan rai amgylchiadau, efallai y bydd yn bosibl gwneud cais am bleidleisio drwy ddirprwy ar ôl [rhowch y dyddiad cau].

Os hoffech chi bleidleisio drwy'r post neu drwy ddirprwy, cysylltwch â [rhowch rif y llinell gymorth] cyn gynted â phosibl.

Dyroddwyd gan y swyddog canlyniadau

Testun amgen pan fo gan yr etholwr gofnod dienw

*Pan fo'r cerdyn pleidleisio yn cael ei anfon neu ei ddanfon at etholwr sydd â chofnod dienw, yn lle'r paragraffau ar flaen a chefn y cerdyn hwn sydd wedi eu marcio â seren, rhowch y paragraffau a ganlyn:

Rhaid ichi gael y cerdyn hwn gyda chi pan fyddwch yn pleidleisio. Ni chewch bleidleisio hebdo.

Pan ewch chi i'r orsaf bleidleisio, gofynnwch am gael siarad â'r swyddog llywyddu a dangoswch y cerdyn hwn iddo.

Bydd y swyddog llywyddu'n cadarnhau'ch cofnod ar y gofrestr.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Cerdyn Swyddogol Pleidleisio drwy'r Post (i'w anfon neu i'w ddanfon at etholwr sy'n pleidleisio drwy'r post)

Blaen y cerdyn

Cerdyn Swyddogol Pleidleisio drwy'r Post

Cyngor:

Ward etholiadol:

Nifer y cynghorwyr sydd i'w hethol dros y ward etholiadol:

Ar gyfer yr etholiad ar: [rhowch ddyddiad y bleidlais]

Rhif ar y gofrestr:

*Enw a chyfeiriad:

*Sylwch: Rhaid hepgor yr enw a'r cyfeiriad pan fo'r cerdyn pleidleisio'n cael ei anfon neu ei ddanfon at etholwr sydd â chofnod dienw.

Rhaid anfon neu ddanfon cerdyn pleidleisio a anfonir neu a ddanfonir at etholwr sydd â chofnod dienw mewn amlen wedi ei selio.

Cerdyn yw hwn i ddweud wrthoch eich bod wedi gofyn am bleidleisio drwy'r post ar gyfer yr etholiad hwn, ac na fyddwch yn cael pleidleisio'n bersonol mewn gorsaf bleidleisio. Os hoffech chi ganslo'ch pleidlais bost, ffoniwch rif y llinell gymorth [rhowch rif y llinell gymorth] cyn 5 pm ar [rhowch y dyddiad cau].

Byddwn yn anfon neu'n danfon eich papurau pleidleisio post o gwmpas [rhowch y dyddiad], wedi eu cyfeirio at [rhowch yr enw a'r cyfeiriad].

Os na fydd eich papurau pleidleisio post wedi cyrraedd erbyn [rhowch y dyddiad], ffoniwch [rhowch rif y llinell gymorth] a gofynnwch am help.

Os byddwch yn colli neu'n difetha'ch papur pleidleisio post yn ddamweiniol, ffoniwch rif y llinell gymorth a ddangosir uchod cyn gynted â phosibl. Dim ond cyn 5 pm ar [rhowch ddyddiad y bleidlais] y gellir dyroddi papurau pleidleisio newydd.

Cerdyn i roi wybodaeth ichi am bleidleisio drwy'r post yw hwn.

Gweler rhagor o wybodaeth ar gefn y cerdyn hwn.

Cefn y cerdyn

Etholiad Llywodraeth Leol

Pan gewch chi eich pecyn pleidleisio post, darllenwch y cyfarwyddiadau gydag ef yn ofalus wrth ichi lenwi'ch papur pleidleisio post.

Peidiwch â gadael i neb weld eich pleidlais. Os oes arnoch angen help i bleidleisio, rhaid i'r person sy'n eich helpu beidio â dweud wrth neb sut rydych chi wedi pleidleisio. Gallwch gael help annibynnol gan y swyddog canlyniadau drwy ffonio'r llinell gymorth ar [rhowch rif y llinell gymorth].

Rhaid ichi **lofnodi'r** datganiad pleidleisio post a **darparu'ch dyddiad geni**. Mesur diogelwch yw hwn. Ni fydd yn effeithio ar eich pleidlais nac yn golygu bod y ffordd y rhoesoch eich pleidlais yn hysbys. Heb eich llofnod a'ch dyddiad geni, ni fydd y datganiad yn ddilys ac ni fydd eich pleidlais yn cael ei chyfrif. Gall y swyddog canlyniadau groeswiro'ch llofnod a'ch dyddiad geni yn erbyn cofnodion eraill sydd ganddo.*

*Pan fo'r gofyniad ynglŷn â llofnod wedi ei hepgor, rhaid i'r swyddog canlyniadau gynnwys yn hytrach y paragraff a ganlyn.

Rhaid ichi **ddarparu'ch dyddiad geni**. Mesur diogelwch yw hwn. Ni fydd yn effeithio ar eich pleidlais nac yn golygu bod y ffordd y rhoesoch eich pleidlais yn hysbys. Heb eich dyddiad geni, ni fydd y datganiad yn ddilys ac ni fydd eich pleidlais yn cael ei chyfrif. Gall y swyddog canlyniadau groeswiro'ch dyddiad geni yn erbyn cofnodion eraill sydd ganddo.

Os byddwch yn colli neu'n difetha'ch papur pleidleisio'n ddamweiniol, ffoniwch rif y llinell gymorth a ddangosir isod cyn gynted â phosibl. Dim ond cyn 5 pm ar [rhowch ddyddiad y bleidlais] y gallwn ddyroddi papurau pleidleisio post newydd.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Llenwch a dychwelwch eich pleidlais bost cyn gynted â phosibl. Rhaid i'r swyddog canlyniadau gael eich pleidlais bost cyn 10 pm ar [rhowch ddyddiad y bleidlais]. Ar ôl eu llenwi, cewch ddanfôn eich datganiad pleidleisio post a'ch papur pleidleisio mewn un o dair ffordd. Cewch eu hanfôn drwy'r post at y swyddog canlyniadau fel eu bod yn dod i law cyn 10 pm ar [rhowch ddyddiad y bleidlais]. Cewch eu cyflwyno i'r swyddog canlyniadau cyn 10 pm ar [rhowch ddyddiad y bleidlais]. Ar ddiwrnod y bleidlais, gallwch eu danfôn i unrhyw orsaf bleidleisio yn y ward etholiadol cyn 10 pm.

Os hoffech chi bleidleisio'n bersonol yn yr etholiadau, rhaid ichi ganslo'ch pleidlais bost cyn 5 pm ar [rhowch y dyddiad cau].

Os oes arnoch angen unrhyw gymorth, ffoniwch y llinell gymorth ar [rhowch rif y llinell gymorth].

Mae'n drosedd pleidleisio drwy ddefnyddio papur pleidleisio na chafodd ei gyfeirio atoch chi.

Dyrodwyd gan y swyddog canlyniadau

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Cerdyn Pleidleisio Swyddogol Dirprwy (i'w anfon neu i'w ddanfon at ddirprwy sy'n pleidleisio'n bersonol)

Blaen y cerdyn

Cerdyn Pleidleisio Swyddogol Dirprwy

Cyngor:
Ward etholiadol:
Nifer y cynghorwyr sydd i'w hethol dros y ward etholiadol:
Diwrnod Pleidleisio:
Oriau Pleidleisio: 7 am i 10 pm
Eich gorsaf bleidleisio chi fydd:

*Cerdyn pleidleisio yw hwn i ddweud wrthoch fod yr etholwr a enwir ar gefn y cerdyn hwn wedi'ch penodi'n ddirprwy ar gyfer yr etholiad hwn.
*Enw'r dirprwy:
*Cyfeiriad y dirprwy:
*Sylwch: Mae'r adran hon i'w hepgor pan fo'r cerdyn pleidleisio yn cael ei anfon neu ei ddanfon at ddirprwy etholwr sydd â chofnod dienw. Rhaid anfon neu ddanfon cerdyn pleidleisio a anfonir neu a ddanfonir at ddirprwy etholwr sydd â chofnod dienw mewn amlen wedi ei selio.

***Cerdyn er gwybodaeth yn unig yw hwn. Cewch bleidleisio hebdo ond bydd yn arbed amser ichi os ewch ag ef i'r orsaf bleidleisio a'i ddangos i'r clerc yno.**

Gweler rhagor o wybodaeth ar gefn y cerdyn hwn.

Cefn y cerdyn

Etholiad Llywodraeth Leol

*Cerdyn pleidleisio yw hwn i ddweud wrthoch eich bod wedi'ch penodi, ar gyfer yr etholiad hwn, yn ddirprwy ar ran:

*[Rhowch enw'r etholwr]

*[Rhowch gyfeiriad yr etholwr]

*[Rhowch rif yr etholwr ar y gofrestr]

*Pan ewch chi i'r orsaf bleidleisio, dywedwch wrth y clerc yr hoffech chi bleidleisio fel dirprwy ar ran yr etholwr a ddangosir uchod.

*Bydd y clerc yn cadarnhau'r manylion ar y gofrestr.

Pan roddir y papur pleidleisio i chi, ewch i un o'r bythau pleidleisio.

Rhifwch yr ymgeiswyr yn nhrefn dewis yr etholwr yn y blychau pleidleisio gyferbyn â'r ymgeiswyr.

Gall yr etholwr ddewis cynifer neu gyn lleied ag y dymuna.

Rhowch y rhif 1 yn y blwch pleidleisio gyferbyn â dewis cyntaf yr etholwr.

Rhowch y rhif 2 yn y blwch pleidleisio gyferbyn ag ail ddewis yr etholwr.

Rhowch y rhif 3 yn y blwch pleidleisio gyferbyn â thrydydd dewis yr etholwr. Ac yn y blaen.

Peidiwch â marcio'r papur pleidleisio mewn unrhyw ffordd arall. Os gwnewch hynny, mae'n bosibl y bydd eich pleidlais yn annilys.

Os byddwch yn difetha'r papur pleidleisio drwy gamgymeriad, dangoswch ef i'r swyddog llywyddu a gofynnwch am un newydd.

Pan fyddwch wedi marcio'r papur pleidleisio, plygwch ef yn ddau. Dangoswch y rhif a'r marc adnabod unigryw arall ar gefn y papur pleidleisio i'r swyddog llywyddu ond peidiwch â gadael i neb weld y pleidlais. Rhowch y papur pleidleisio yn y bocs pleidleisio a gadewch yr orsaf bleidleisio.

Caiff y person a'ch penododd yn ddirprwy bleidleisio yn yr etholiad hwn. Os hoffai wneud hynny, rhaid iddo bleidleisio'n bersonol cyn i chithau bleidleisio ar ei ran.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Os byddwch i ffwrdd ar ddyddiad y bleidlais, cewch wneud cais am bleidleisio drwy'r post fel dirprwy. Rhaid i'ch cais ddod i law'r swyddog canlyniadau cyn 5 pm ar [rhowch y dyddiad cau]. Os rhoddir pleidlais bost drwy ddirprwy i chi, ni fydd gennych chi (ar ran yr etholwr) na'r etholwr yr hawl i bleidleisio'n bersonol yn yr etholiad hwn.

Mae'n anghyfreithlon gwneud unrhyw un neu ragor o'r canlynol—

Pleidleisio fwy nag unwaith (oni bai eich bod wedi'ch penodi'n ddirprwy ar ran etholwr arall) yn yr un etholiad.

Pleidleisio fel dirprwy yn yr un etholiad ar ran dau berson neu ragor oni bai eich bod yn briod, partner sifil, rhiant, taid neu nain, brawd, chwaer, plentyn, ŵyr neu wyres iddynt.

Pleidleisio fel dirprwy dros berson os ydych yn gwybod bod y person o dan anghymhwyster cyfreithiol i bleidleisio.

Os oes arnoch angen unrhyw gymorth, ffoniwch ein llinell gymorth ar [rhowch rif y llinell gymorth].

Dyroddwyd gan y swyddog canlyniadau

Testun amgen pan fo gan yr etholwr gofnod dienw

*Pan fo'r cerdyn pleidleisio yn cael ei anfon neu ei ddanfon at ddirprwy etholwr sydd â chofnod dienw, yn lle'r paragraffau ar flaen a chefn y cerdyn hwn sydd wedi eu marcio â seren, rhowch y paragraffau a ganlyn:

Rhaid ichi gael y cerdyn hwn gyda chi pan fyddwch yn pleidleisio. Ni chewch bleidleisio fel dirprwy hebdo.

Mae gennych yr hawl i bleidleisio fel dirprwy ar ran yr etholwr y dangosir ei rif etholiadol isod.

[Rhowch rif yr etholwr ar y gofrestr]

Er mwyn pleidleisio fel dirprwy, rhaid ichi fynd i'r orsaf bleidleisio a ddangosir ar flaen y cerdyn hwn. Gofynnwch am gael siarad â'r swyddog llywyddu a dangoswch y cerdyn hwn i'r swyddog llywyddu. Bydd y clerch yn cadarnhau'r manylion ar y gofrestr.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Cerdyn Pleidleisio Swyddogol Dirprwy drwy'r Post (i'w anfon neu i'w ddanfon at ddirprwy sy'n pleidleisio drwy'r post)

Blaen y cerdyn

Cerdyn Pleidleisio Swyddogol Dirprwy drwy'r Post

Cyngor:

Ward etholiadol:

Nifer y cynghorwyr sydd i'w hethol dros y ward etholiadol:

Ar gyfer yr etholiad ar: [rhowch ddyddiad y bleidlais]:

Enw a chyfeiriad y dirprwy:

*Cerdyn pleidleisio yw hwn i ddweud wrthoch fod yr etholwr a enwir ar gefn y cerdyn hwn wedi'ch penodi'n ddirprwy iddo ar gyfer yr etholiad hwn a'ch bod chithau wedi penderfynu pleidleisio drwy'r post. **Ni chewch bleidleisio ar ran yr etholwr mewn gorsaf bleidleisio.** Os hoffech chi ganslo'r bleidlais bost hon a phleidleisio'n bersonol ar ddiwrnod y bleidlais, ffoiniwch y llinell gymorth isod cyn 5pm ar [rhowch y dyddiad cau].

Byddwn yn anfon neu'n danfon y papurau pleidleisio post drwy ddirprwy o gwmpas [rhowch y dyddiad].

Os na fydd y papurau pleidleisio post drwy ddirprwy wedi cyrraedd erbyn [rhowch y dyddiad], ffoiniwch [rhowch rif y llinell gymorth] a gofynnwch am help.

Os byddwch yn colli neu'n difetha papur pleidleisio post yr etholwr yn ddamweiniol, ffoiniwch rif y llinell gymorth a ddangosir uchod cyn gynted â phosibl. Dim ond cyn 5 pm ar [rhowch ddyddiad y bleidlais] y gellir dyroddi papurau pleidleisio newydd.

Cerdyn yw hwn i roi gwybodaeth ichi am bleidleisio drwy'r post fel dirprwy.

Gweler rhagor o wybodaeth ar gefn y cerdyn hwn.

Cefn y cerdyn

Etholiad Llywodraeth Leol

***Cerdyn pleidleisio yw hwn i ddweud wrthoch eich bod wedi'ch penodi, ar gyfer yr etholiad hwn, yn ddirprwy ar ran yr etholwr a enwir isod a'ch bod chithau wedi penderfynu pleidleisio drwy'r post:**

*[Rhowch enw'r etholwr]

*[Rhowch gyfeiriad yr etholwr]

Pan gewch chi'r pecyn pleidleisio post, darllenwch y cyfarwyddiadau gydag ef yn ofalus wrth ichi lenwi'ch papur pleidleisio post.

Peidiwch â gadael i neb weld y bleidlais. Os oes arnoch angen help i bleidleisio fel dirprwy, rhaid i'r person sy'n eich helpu beidio â dweud wrth neb sut rydych chi wedi pleidleisio fel dirprwy.

Gallwch gael help annibynnol gan y swyddog canlyniadau drwy ffonio'r llinell gymorth ar [rhowch rif y llinell gymorth].

Rhaid ichi **lofnodi'r** datganiad pleidleisio post a **darparu'ch dyddiad geni**. Mesur diogelwch yw hwn. Ni fydd yn effeithio ar y bleidlais nac yn golygu bod y ffordd y rhoesoch y bleidlais fel dirprwy yn hysbys. Heb eich llofnod a'ch dyddiad geni, ni fydd y datganiad yn ddilys ac ni fydd y bleidlais yn cael ei chyfrif. Gall y swyddog canlyniadau groeswiro'ch llofnod a'ch dyddiad geni yn erbyn cofnodion eraill sydd ganddo.**

**Pan fo'r gofyniad ynglŷn â llofnod wedi ei hepgor, rhaid i'r swyddog canlyniadau gynnwys yn hytrach y paragraff a ganlyn.

Rhaid ichi **ddarparu'ch dyddiad geni**. Mesur diogelwch yw hwn. Ni fydd yn effeithio ar y bleidlais nac yn golygu bod y ffordd y rhoesoch y bleidlais fel dirprwy yn hysbys. Heb eich

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

dyddiad geni, ni fydd y datganiad yn ddilys ac ni fydd y bleidlais yn cael ei chyfrif. Gall y swyddog canlyniadau groeswrio'ch dyddiad geni yn erbyn cofnodion eraill sydd ganddo.

Os byddwch yn colli neu'n difetha'r papur pleidleisio'n ddamweiniol, ffoniwch rif y llinell gymorth cyn gynted â phosibl. Dim ond cyn 5 pm ar [rhowch ddyddiad y bleidlais] y gallwn ddyroddi papurau pleidleisio post newydd.

Llenwch a dychwelwch y bleidlais bost cyn gynted â phosibl. Rhaid i'r swyddog canlyniadau gael eich pleidlais bost cyn 10 pm ar [rhowch ddyddiad y bleidlais]. Ar ôl eu llenwi, cewch ddanfôn eich datganiad pleidleisio post a'r papur pleidleisio mewn un o dair ffordd.

Cewch eu hanfôn drwy'r post at y swyddog canlyniadau fel eu bod yn dod i law cyn 10 pm ar [rhowch ddyddiad y bleidlais].

Cewch eu cyflwyno i'r swyddog canlyniadau cyn 10 pm ar [rhowch ddyddiad y bleidlais].

Ar ddiwrnod y bleidlais, gallwch eu danfôn i unrhyw orsaf bleidleisio yn y ward etholiadol cyn 10 pm.

Os hoffech chi bleidleisio'n bersonol fel dirprwy yn yr etholiad, rhaid ichi ganslo'ch pleidlais bost cyn 5 pm ar [rhowch y dyddiad cau].

Mae'n anghyfreithlon gwneud unrhyw un neu ragor o'r canlynol—

Pleidleisio fwy nag unwaith (oni bai eich bod wedi'ch penodi'n ddirprwy ar ran etholwr arall) yn yr un etholiad.

Pleidleisio fel dirprwy yn yr un etholiad ar ran dau berson neu ragor oni bai eich bod yn briod, partner sifil, rhiant, taid neu nain, brawd, chwaer, plentyn, wŷr neu wyres iddynt.

Pleidleisio fel dirprwy dros berson os ydych yn gwybod bod y person o dan anghymhwyster cyfreithiol i bleidleisio.

Os oes arnoch angen unrhyw gymorth, ffoniwch ein llinell gymorth ar [rhowch rif y llinell gymorth].

Dyroddwyd gan y swyddog canlyniadau

Testun amgen pan fo gan yr etholwr gofnod dienw

*Pan fo'r cerdyn pleidleisio yn cael ei anfon neu ei ddanfôn at ddirprwy etholwr sydd â chofnod dienw, yn lle'r paragraffau ar flaen a chefn y cerdyn hwn sydd wedi eu marcio â seren, rhowch y paragraffau a ganlyn:

Cerdyn pleidleisio yw hwn i ddweud wrthoch eich bod wedi'ch penodi, ar gyfer yr etholiad hwn, yn ddirprwy ar ran yr etholwr y dangosir ei rif etholiadol isod a'ch bod chithau wedi penderfynu pleidleisio drwy'r post.

Mae gennych yr hawl i bleidleisio fel dirprwy ar ran yr etholwr y dangosir ei rif etholiadol isod: (Rhowch rif yr etholwr ar y gofrestr)

ATODLEN 4

Rheol 6(5)

Atodiad 6A Rheol 32(9A)(b)

Canllawiau i Bleidleiswyr

1. Pan roddir eich papur pleidleisio i chi, ewch i un o'r bythau pleidleisio.
 2. Rhifwch yr ymgeiswyr yn nhrefn eich dewis yn y blychau pleidleisio gyferbyn â'r ymgeiswyr. Gallwch ddewis cynifer neu gyn lleied ag y dymunwch.
Rhowch y rhif 1 yn y blwch pleidleisio gyferbyn â'ch dewis cyntaf.
Rhowch y rhif 2 yn y blwch pleidleisio gyferbyn â'ch ail ddewis.
Rhowch y rhif 3 yn y blwch pleidleisio gyferbyn â'ch trydydd dewis. Ac yn y blaen.
 3. Peidiwch â rhoi unrhyw farc arall ar y papur pleidleisio neu mae'n bosibl na chyfrifir eich pleidlais/pleidleisiau.
 4. Plygwch y papur pleidleisio yn ddau.
 5. Dangoswch y rhif a'r marc adnabod unigryw arall ar gefn y papur pleidleisio i'r swyddog llywyddu ond peidiwch â gadael i neb weld eich pleidlais.
 6. Rhowch y papur pleidleisio yn y bocs pleidleisio a gadewch yr orsaf bleidleisio.
 7. Os byddwch yn difetha'ch papur pleidleisio drwy gamgymeriad, dangoswch ef i'r swyddog llywyddu a gofynnwch am un newydd.
- *Rhaid i'r swyddog canlyniadau ddewis pa gyfarwyddyd bynnag sy'n briodol ar gyfer yr etholiad.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

ATODLEN 5

Rheol 10(2)

Atodiad 2A

Rheol 22(3A)(a)

Ffurf blaen y papur pleidleisio		
Etholiad cynghorwyr i [rhowch enw'r cyngor sir neu'r cyngor bwrdeistref sirol] – [rhowch enw'r ward]		
<p>Gallwch ddewis cynifer neu gyn lleied ag y dymunwch. Rhowch y rhif 1 yn y blwch pleidleisio gyferbyn â'ch dewis cyntaf. Rhowch y rhif 2 yn y blwch pleidleisio gyferbyn â'ch ail ddewis. Rhowch y rhif 3 yn y blwch pleidleisio gyferbyn â'ch trydydd dewis. Ac yn y blaen.</p>		
<p>JAMES, Lisa 6, Y Stryd, Y Dre CY36 4EZ Plaid Hybu Moeseg mewn</p>	<p>Arwyddlun</p> <input type="checkbox"/>	<input type="checkbox"/> <p>Llywodraeth Leol</p>
<p>KAY, Michael 12, Y Stryd Fawr, CP1 5LL Plaid Gwella'r Gyfraith</p>	<p>Arwyddlun</p> <input type="checkbox"/>	<input type="checkbox"/> <p>Etholiadol</p>
<p>THOMAS, Gareth Gwlad yr Iâ Plaid Gwella'r Gyfraith</p>	<p>Arwyddlun</p> <input type="checkbox"/>	<input type="checkbox"/> <p>Etholiadol</p>
<p>THOMAS RICHARDS, Sir Hafod Plaid Cyfraith Dda</p>	<p>Arwyddlun</p> <input type="checkbox"/>	<input type="checkbox"/> <p>Angharad</p>
<p>WILLIAMS, Sian 92, Yr Avenue, CP12 3LO Annibynnol</p>		<input type="checkbox"/>
<p>WYATT, Cath Sir Gernyw Plaid Effeithlonrwydd</p>	<p>Arwyddlun</p> <input type="checkbox"/>	<input type="checkbox"/>
<p>XERRI, Matthew 24 Pen-y-Lan, CP2 6NQ Plaid Cyfraith Dda</p>	<p>Arwyddlun</p> <input type="checkbox"/>	<input type="checkbox"/>

Ffurf cefn y papur pleidleisio

Rhif:

Marc adnabod unigryw arall:

Etholiad ar gyfer ward etholiadol [rhowch yr enw] yn [rhowch enw'r sir neu'r fwrdeistref sirol] ar [rhowch ddyddiad y bleidlais].

Ffurf Cyfarwyddydau ynghylch Argraffu'r Papur Pleidleisio

1. Ni chaniateir argraffu dim ar y papur pleidleisio ac eithrio yn unol â'r cyfarwyddydau hyn.
2. I'r graddau y bo'n ymarferol, rhaid dilyn y cyfarwyddydau a nodir ym mharagraffau 3 i 13 wrth argraffu'r papur pleidleisio.
3. Ni chaniateir argraffu gair ar flaen y papur pleidleisio ac eithrio:
 - (a) y pennawd "Etholiad cynghorwyr i [rhowch enw'r cyngor sir neu'r cyngor bwrdeistref sirol] – [rhowch enw'r ward]";
 - (b) y cyfarwyddyd "Gallwch ddewis cynifer neu gyn lleied ag y dymunwch. Rhowch y rhif 1 yn y blwch pleidleisio gyferbyn â'ch dewis cyntaf. Rhowch y rhif 2 yn y blwch pleidleisio gyferbyn â'ch ail ddewis. Rhowch y rhif 3 yn y blwch pleidleisio gyferbyn â'ch trydydd dewis. **Ac yn y blaen.**";
 - (c) enwau a disgrifiadau (os oes rhai) yr ymgeiswyr a'r wybodaeth am eu cyfeiriad cartref, fel y'u dangosir yn y datganiad o'r personau a enwebwyd;
 - (d) geiriau sy'n ffurfio rhan o unrhyw arwyddlun i'w gynnwys yn erbyn manylion yr ymgeisydd.
4. Rhaid argraffu blwch o amgylch y pennawd y cyfeirir ato ym mharagraff 3(a) a'r cyfarwyddyd y cyfeirir ato ym mharagraff 3(b), a rhaid gwahanu'r pennawd a'r cyfarwyddyd o fewn y blwch â llinell lorweddol sy'n ymestyn ar ei draws.
5. Ni chaniateir argraffu llinell ar flaen y papur pleidleisio ac eithrio:
 - (a) fel rhan o'r blwch y cyfeirir ato ym mharagraff 4;
 - (b) y llinell lorweddol y cyfeirir ati yn y paragraff hwnnw;
 - (c) llinell lorweddol uwchben manylion yr ymgeisydd cyntaf;
 - (d) llinellau llorweddol yn gwahanu manylion pob ymgeisydd o fanylion yr ymgeiswyr eraill;
 - (e) llinell lorweddol islaw manylion yr ymgeisydd olaf; ac
 - (f) fel rhan o'r blychau ar ochr dde'r papur pleidleisio lle mae'r bleidlais i'w marcio.
6. Rhaid i'r llinellau llorweddol y cyfeirir atynt ym mharagraff 5(c), (d) ac (e) fod â bylchau cyfartal rhyngddynt a rhaid i'r blwch rhwng pob un ohonynt fod yn 2.5 centimetr o leiaf.
7. Rhaid i'r blychau y cyfeirir atynt ym mharagraff 5(f) beidio â chyffwrdd ag unrhyw linell lorweddol a rhaid i bob un fod yr un mor bell oddi wrth y llinell lorweddol uwchben a'r llinell lorweddol islaw.
8. Rhaid i bob un o'r llinellau llorweddol y cyfeirir atynt ym mharagraff 5(c) a (d) ymestyn o bwynt sy'n lefel â'r testun ar ochr chwith y dudalen hyd at bwynt sy'n uniongyrchol uwchben canol y blwch islaw'r llinell honno.
9. Rhaid i'r llinell lorweddol y cyfeirir ati ym mharagraff 5(e):
 - (a) ymestyn o bwynt sy'n lefel â'r testun ar ochr chwith y dudalen hyd at bwynt sy'n uniongyrchol islaw ymyl dde'r blwch uwchben y llinell honno; a
 - (b) bod yn fwy trwchus na'r llinellau llorweddol eraill.
10. Pan fo arwyddlun cofrestredig i'w argraffu yn erbyn manylion ymgeisydd:
 - (a) rhaid ei argraffu yn gyfagos i fanylion yr ymgeisydd ac i'r dde ohonynt; a

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

(b) ni chaniateir i'w faint fel y'i hargreffir fod yn fwy na 2 gentimetr sgwâr.

11. Rhaid i'r holl eiriau ar flaen y papur pleidleisio ymddangos yn yr un print mawr ac eithrio:

- (a) rhaid i'r pennawd y cyfeirir ato ym mharagraff 3(a) ymddangos mewn print mawr iawn a thrwm;
- (b) yn y cyfarwyddyd y cyfeirir ato ym mharagraff 3(b), rhaid i'r rhifau "1", "2" a "3" a'r geiriau "ac yn y blaen" ymddangos mewn print mawr iawn a thrwm;
- (c) rhaid i weddill y cyfarwyddyd hwnnw ymddangos mewn print mawr iawn; a
- (d) rhaid i enwau'r ymgeiswyr a'r disgrifiadau (os oes rhai) ymddangos mewn print trwm.

12. Rhaid i gyfenwau pob ymgeisydd ymddangos mewn priflythrennau a rhaid i enwau eraill yr ymgeisydd ac unrhyw ddisgrifiad fod mewn llythrennau bach gyda phriflythrennau cychwynnol.

13. Rhaid i'r rhif a'r marc adnabod unigryw arall gael eu hargraffu'n agos at ei gilydd ar gefn y papur pleidleisio.

Atodiad 4A Rheol 28(1A)(b)

<p style="text-align: center;">Ffurf Datganiad Pleidleisio Post (i'w defnyddio pan gaiff papurau pleidleisiau post eu dyroddi a'u derbyn ar y cyd)</p> <p>Enw'r etholwr*:</p> <p>*Rhaid i'r swyddog canlyniadau heggor enw'r etholwr pan fo'r papurau pleidleisio yn cael eu hanfon neu eu danfon at etholwr sydd â chofnod dienw yn y gofrestr neu at ddirprwy etholwr sydd â chofnod dienw yn y gofrestr.</p> <p>[Enw'r pleidleisiwr (pan fo'n wahanol i enw'r etholwr am fod yr etholwr yn pleidleisio drwy ddirprwy)*:]</p> <p>*Gall y llinell sy'n ymwneud ag enw'r etholwr gael ei heggor pan nad yw'r etholwr yn pleidleisio drwy ddirprwy.</p> <p>Rhifau'r papurau pleidleisio:</p> <p>Darllenwch y cyfarwyddiadau ar y diwedd cyn llenwi'r ffurflen hon a'r papurau pleidleisio.</p> <p>FI YW'R PERSON Y CAFODD Y PAPURAU PLEIDLEISIO Â'R RHIFAU UCHOD EU HANFON NEU EU DANFON ATO.</p> <p>Fy nyddiad geni (yn y fformat dd/mm/yyyy):</p> <p>*Fy llofnod: <input type="text"/></p> <p>(Cadwch eich llofnod o fewn y terfyn)</p> <p>*Rhaid i'r swyddog canlyniadau heggor y gofyniad ynglŷn â llofnod pan fo'r person wedi cael heggoriad.</p> <p>Rhybudd: Mae twyll etholiadol yn drosedd. Rhaid ichi beidio â phleidleisio drwy ddefnyddio papur pleidleisio nad yw wedi ei gyfeirio atoch chi nac ymyrryd â phapur pleidleisio pleidleisiwr arall. Mae'n anghyfreithlon pleidleisio fwy nag unwaith (oni bai eich bod wedi'ch penodi'n ddirprwy ar ran etholwr arall) yn yr un etholiad.</p> <p>Cyfarwyddiadau ar farcio'r papurau pleidleisio a llenwi'r datganiad pleidleisio post</p> <p>1. Rydych chi wedi cael [y swyddog canlyniadau i roi'r nifer] o bapurau pleidleisio. [Yna rhaid i'r swyddog canlyniadau nodi pa liw o bapur pleidleisio sy'n cael ei ddefnyddio wrth ethol cynghorwyr i gyngor sir neu gyngor bwrdeistref sirol a pha liw o bapur pleidleisio sy'n cael ei ddefnyddio ym mhob etholiad perthnasol.]</p> <p>2. [Yna, rhaid i'r swyddog canlyniadau nodi'r cyfarwyddiadau ar gyfer marcio'r papur pleidleisio a ddefnyddir wrth ethol cynghorwyr i gyngor sir neu gyngor bwrdeistref sirol a'r cyfarwyddiadau ar gyfer marcio'r papur pleidleisio a ddefnyddir ym mhob etholiad perthnasol. Oni bai bod y papurau pleidleisio wedi eu hanfon at berson sy'n pleidleisio fel dirprwy, un ffurf addas ar eiriau ar gyfer y cyfarwyddiadau ynglŷn â marcio'r papur pleidleisio a ddefnyddir wrth ethol cynghorwyr i gyngor sir neu gyngor bwrdeistref sirol fyddai'r canlynol:</p>
--

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

“Rhifwch yr ymgeiswyr yn nhrefn eich dewis yn y blychau pleidleisio gyferbyn â'r ymgeiswyr. Gallwch ddewis cynifer neu gyn lleied ag y dymunwch.
Rhowch y rhif 1 yn y blwch pleidleisio gyferbyn â'ch dewis cyntaf.
Rhowch y rhif 2 yn y blwch pleidleisio gyferbyn â'ch ail ddewis.
Rhowch y rhif 3 yn y blwch pleidleisio gyferbyn â'ch trydydd dewis. Ac yn y blaen.

Peidiwch â marcio'r papur pleidleisio mewn unrhyw ffordd arall. Os gwnewch hynny, mae'n bosibl y bydd eich pleidlais yn annilys.”*

*Pan fo'r papurau pleidleisio wedi eu hanfon at berson sy'n pleidleisio fel dirprwy, un ffurf addas ar eiriau ar gyfer y cyfarwyddiadau ynglŷn â marcio'r papur pleidleisio a ddefnyddir wrth ethol cynghorwyr i gyngor sir neu gyngor bwrdeistref sirol fyddai'r canlynol:

“Rhifwch yr ymgeiswyr yn nhrefn dewis yr etholwr yn y blychau pleidleisio gyferbyn â'r ymgeiswyr.
Gall yr etholwr ddewis cynifer neu gyn lleied ag y dymuna.
Rhowch y rhif 1 yn y blwch pleidleisio gyferbyn â dewis cyntaf yr etholwr.
Rhowch y rhif 2 yn y blwch pleidleisio gyferbyn ag ail ddewis yr etholwr.
Rhowch y rhif 3 yn y blwch pleidleisio gyferbyn â thrydydd dewis yr etholwr. Ac yn y blaen.

Peidiwch â marcio'r papur pleidleisio mewn unrhyw ffordd arall. Os gwnewch hynny, mae'n bosibl y bydd eich pleidlais yn annilys.”

3. Os oes arnoch angen help i bleidleisio, rhaid i'r person sy'n eich helpu beidio â dweud wrth neb i bwy y rhoddwyd y bleidlais.

4. Rhowch y papurau pleidleisio yn yr amlen fach sydd wedi ei marcio **A** a'i selio.

5. Llenwch y datganiad pleidleisio post drwy ei lofnodi a darparu'ch dyddiad geni. Os na wnewch chi, bydd y datganiad pleidleisio post yn annilys ac ni chyfrifir eich pleidleisiau. Sylwch mai eich **dyddiad geni** sy'n ofynnol, nid y dyddiad rydych chi'n llofnodi'r datganiad.*

*Pan fo'r gofyniad ynglŷn â llofnod wedi ei hepgor, rhaid i'r swyddog canlyniadau newid y cyfarwyddyd hwn fel ei fod yn darllen:

5. Llenwch y datganiad pleidleisio post drwy ddarparu'ch dyddiad geni. Os na wnewch chi, bydd y datganiad pleidleisio post yn annilys ac ni chyfrifir eich pleidlais/pleidleisiau. Sylwch mai eich **dyddiad geni** sy'n ofynnol, nid y dyddiad rydych chi'n llenwi'r datganiad pleidleisio post.

6. Yna rhowch yr amlen sydd wedi ei marcio **A** ynghyd â'r datganiad pleidleisio post yn yr amlen fwy sydd wedi ei marcio **B**. Dychwelwch hi cyn gynted â phosibl.

7. Ar ôl cael y bleidlais bost, ni chewch bleidleisio'n bersonol mewn gorsaf bleidleisio yn yr etholiadau*.

*Pan fo'r papurau pleidleisio wedi eu hanfon at berson sy'n pleidleisio fel dirprwy, dylid diwygio'r paragraff hwn fel ei fod yn darllen:

7. Ar ôl cael y bleidlais bost, ni chewch bleidleisio fel dirprwy ar ran yr etholwr yn bersonol mewn gorsaf bleidleisio yn yr etholiadau.

8. Os byddwch yn difetha unrhyw un neu ragor o'r papurau pleidleisio yn ddamweiniol, ceuwch wneud cais i'r swyddog canlyniadau am un newydd cyn 5 pm ar [rhowch ddyddiad y bleidlais]. Rhaid ichi ddychwelyd yr holl papurau pleidleisio, y datganiad pleidleisio post a'r amlenni sydd wedi eu marcio A a B. Gwnewch yn siŵr eich bod yn cysylltu â'r swyddog canlyniadau cyn gynted â phosibl. [Y swyddog canlyniadau i ddarparu manylion cysylltu i gael cymorth.]

9. Rhaid i'r papurau pleidleisio a'r datganiad pleidleisio post—

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

- (a) cael eu hanfon drwy'r post at y swyddog canlyniadau mewn da bryd i ddod i law'r swyddog canlyniadau cyn 10 pm ar [rhowch ddyddiad y bleidlais];
- (b) cael eu rhoi â llaw i'r swyddog canlyniadau cyn 10 pm ar [rhowch ddyddiad y bleidlais]; neu
- (c) cael eu cyflwyno ar [rhowch ddyddiad y bleidlais] mewn unrhyw orsaf bleidleisio yn yr ardal briodol cyn 10 pm.

Yr ardal briodol y cyfeirir ati ym mharagraff (c) yw [y swyddog canlyniadau i fewnosod disgrifiad o'r ardal briodol].

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Ffurff Datganiad Pleidleisio Post (i'w defnyddio pan gyfunir pleidleisiau ond na chyfunir y broses o ddyroddi a derbyn papurau pleidleisio post)

Enw'r etholwr*:

*Rhaid i'r swyddog canlyniadau hepgor enw'r etholwr pan fo'r papurau pleidleisio yn cael eu hanfon neu eu danfon at etholwr sydd â chofnod dienw yn y gofrestr neu at ddirprwy etholwr sydd â chofnod dienw yn y gofrestr.

[Enw'r pleidleisiwr (pan fo'n wahanol i enw'r etholwr am fod yr etholwr yn pleidleisio drwy ddirprwy)*:]

*Gall y llinell sy'n ymwneud ag enw'r etholwr gael ei hepgor pan nad yw'r etholwr yn pleidleisio drwy ddirprwy.

Rhif y papur pleidleisio:

Lliw:

Darllenwch y cyfarwyddiadau ar y diwedd cyn llenwi'r ffurflen hon a'r papur pleidleisio.

FI YW'R PERSON Y CAFODD Y PAPUR PLEIDLEISIO Â'R RHIF UCHOD EI ANFON NEU EI DDANFON ATO.

Fy nyddiad geni (yn y fformat dd/mm/yyyy):

Fy llofnod*:

(Cadwch eich llofnod o fewn y terfyn)

*Rhaid i'r swyddog canlyniadau hepgor y gofyniad ynglŷn â llofnod pan fo'r person wedi cael hepgoriad.

Rhybudd: Mae twyll etholiadol yn drosedd. Rhaid ichi beidio â phleidleisio drwy ddefnyddio papur pleidleisio nad yw wedi ei gyfeirio atoch chi nac ymyrryd â phapur pleidleisio pleidleisiwr arall. Mae'n anghyfreithlon pleidleisio fwy nag unwaith (oni bai eich bod wedi'ch penodi'n ddirprwy ar ran etholwr arall) yn yr un etholiad.

Cyfarwyddiadau ar farcio'r papur pleidleisio a llenwi'r datganiad pleidleisio post

1. Mae'r bleidlais yn yr etholiad cynghorwyr i [rhowch enw'r cyngor sir neu'r cyngor bwrdeistref sirol] wedi ei chyfuno â'r bleidlais yn [y swyddog canlyniadau i roi manylion priodol am bob etholiad perthnasol]. Rydych chi wedi dewis pleidleisio drwy'r post. Mae [y swyddog canlyniadau i roi'r nifer] o bapurau pleidleisio wedi eu dyroddi i chi. [Yna rhaid i'r swyddog canlyniadau nodi pa liw o bapur pleidleisio sy'n cael ei ddefnyddio wrth ethol cynghorwyr i gyngor sir neu gyngor bwrdeistref sirol a pha liw o bapur pleidleisio sy'n cael ei ddefnyddio ym mhob etholiad perthnasol.]

Mae gan bob papur pleidleisio ei amlen papur pleidleisio (wedi ei marcio **A**), ei ddatganiad pleidleisio post a'i amlen ddychwelyd (wedi ei marcio **B**) ei hun. Mae'r datganiad pleidleisio post a'r amlen ddychwelyd i'w defnyddio gyda phapur pleidleisio penodol yr un lliw â'r papur pleidleisio. Efallai y byddai'n ddefnyddiol ichi drefnu'r dogfennau mewn setiau ar wahân.

Mae'r cyfarwyddiadau hyn yn ymwneud â'r papur pleidleisio lliw [rhowch y lliw] sydd i'w ddefnyddio wrth ethol cynghorwyr i [rhowch enw'r cyngor sir neu'r cyngor bwrdeistref sirol] a'r datganiad pleidleisio post o'r un lliw sy'n ymwneud â'r papur pleidleisio hwnnw.

2. Rhifwch yr ymgeiswyr yn nhrefn eich dewis yn y blychau pleidleisio gyferbyn â'r ymgeiswyr. Gallwch ddewis cynifer neu gyn lleied ag y dymunwch.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Rhowch y rhif 1 yn y blwch pleidleisio gyferbyn â'ch dewis cyntaf.
Rhowch y rhif 2 yn y blwch pleidleisio gyferbyn â'ch ail ddewis.
Rhowch y rhif 3 yn y blwch pleidleisio gyferbyn â'ch trydydd dewis. Ac yn y blaen.

Peidiwch â marcio'r papur pleidleisio mewn unrhyw ffordd arall. Os gwnewch hynny, mae'n bosibl y bydd eich pleidlais yn annilys.

*Pan fo'r papur pleidleisio wedi ei anfon at berson sy'n pleidleisio fel dirprwy, dylid diwygio paragraff 2 fel ei fod yn darllen:

2. Rhifwch yr ymgeiswyr yn nhrefn dewis yr etholwr yn y blychau pleidleisio gyferbyn â'r ymgeiswyr.

Gall yr etholwr ddewis cynifer neu gyn lleied ag y dymuna.

Rhowch y rhif 1 yn y blwch pleidleisio gyferbyn â dewis cyntaf yr etholwr.

Rhowch y rhif 2 yn y blwch pleidleisio gyferbyn ag ail ddewis yr etholwr.

Rhowch y rhif 3 yn y blwch pleidleisio gyferbyn â thrydydd dewis yr etholwr. Ac yn y blaen.

Peidiwch â marcio'r papur pleidleisio mewn unrhyw ffordd arall. Os gwnewch hynny, mae'n bosibl y bydd eich pleidlais yn annilys.

3. Os oes arnoch angen help i bleidleisio, rhaid i'r person sy'n eich helpu beidio â dweud wrth neb i bwy y rhoddwyd y bleidlais.

4. Rhowch y papur pleidleisio yn yr amlen fach sydd wedi ei marcio **A** a'i selio.

5. Llenwch y datganiad pleidleisio post drwy ei lofnodi a darparu'ch dyddiad geni. Os na wnewch chi, bydd y datganiad pleidleisio post yn annilys ac ni chyfrifir eich pleidlais/pleidleisiau. Sylwch mai eich **dyddiad geni** sy'n ofynnol, nid y dyddiad rydych chi'n llofnodi'r datganiad.*

*Pan fo'r gofyniad ynglŷn â llofnod wedi ei hepgor, rhaid i'r swyddog canlyniadau newid y cyfarwyddyd hwn fel ei fod yn darllen:

5. Llenwch y datganiad pleidleisio post drwy ddarparu'ch dyddiad geni. Os na wnewch chi, bydd y datganiad pleidleisio post yn annilys ac ni chyfrifir eich pleidlais/pleidleisiau. Sylwch mai eich **dyddiad geni** sy'n ofynnol, nid y dyddiad rydych chi'n llofnodi'r datganiad pleidleisio post.

6. Yna rhowch yr amlen sydd wedi ei marcio **A** ynghyd â'r datganiad pleidleisio post yn yr amlen fwy sydd wedi ei marcio **B**. Dychwelwch hi cyn gynted â phosibl.

7. Ar ôl cael y bleidlais bost, ni chewch bleidleisio'n bersonol mewn gorsaf bleidleisio yn yr etholiadau.*

*Pan fo'r papur pleidleisio wedi ei anfon at berson sy'n pleidleisio fel dirprwy, dylid diwygio'r paragraff hwn fel ei fod yn darllen:

7. Ar ôl cael y bleidlais bost, ni chewch bleidleisio fel dirprwy ar ran yr etholwr yn bersonol mewn gorsaf bleidleisio yn yr etholiadau.

8. Os byddwch yn difetha'r papur pleidleisio yn ddamweiniol, ceuwch wneud cais i'r swyddog canlyniadau am un newydd cyn 5 pm ar [rhowch ddyddiad y bleidlais]. Rhaid ichi ddychwelyd y papur pleidleisio a ddifethwyd, y datganiad pleidleisio post a'r amlenni sydd wedi eu marcio A a B. Gwnewch yn siŵr eich bod yn cysylltu â'r swyddog canlyniadau cyn gynted â phosibl. [Y swyddog canlyniadau i ddarparu manylion cysylltu i gael cymorth.]

9. Rhaid i'r papur pleidleisio a'r datganiad pleidleisio post—

(a) cael eu hanfon drwy'r post at y swyddog canlyniadau mewn da bryd i ddod i law'r swyddog canlyniadau cyn 10 pm ar [rhowch ddyddiad y bleidlais];

(b) cael eu rhoi â llaw i'r swyddog canlyniadau cyn 10 pm ar [rhowch ddyddiad y bleidlais]; neu

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

(c) cael eu cyflwyno ar [rhowch ddyddiad y bleidlais] mewn unrhyw orsaf bleidleisio yn yr ardal briodol cyn 10 pm.

Yr ardal briodol y cyfeirir ati ym mharagraff (c) yw [y swyddog canlyniadau i fewnosod disgrifiad o'r ardal briodol.]

ATODLEN 7

Rheol 10(4)

Atodiad 5A Rheol 31(8)(aa)(ii)

Cardiau Pleidleisio

Cerdyn Pleidleisio Swyddogol (i'w anfon neu i'w ddanfon at etholwr sy'n pleidleisio'n bersonol)

Blaen y cerdyn

Cerdyn Pleidleisio Swyddogol

Cyngor: Ward etholiadol: Nifer y cynghorwyr sydd i'w hethol dros y ward etholiadol: Diwrnod Pleidleisio: Oriau Pleidleisio: 7 am i 10 pm Eich gorsaf bleidleisio chi fydd:	Rhif ar y gofrestr: *Enw: *Cyfeiriad: *Sylwch: Rhaid hepgor yr enw a'r cyfeiriad pan fo'r cerdyn pleidleisio'n cael ei anfon neu ei ddanfon at etholwr sydd â chofnod dienw. Rhaid anfon neu ddanfon cerdyn pleidleisio a anfonir neu a ddanfonir at etholwr sydd â chofnod dienw mewn amlen wedi ei selio.
---	--

***Cerdyn er gwybodaeth yn unig yw hwn. Cewch bleidleisio hebdo ond bydd yn arbed amser ichi os ewch ag ef i'r orsaf bleidleisio a'i ddangos i'r clerc yno.**

Gweler rhagor o wybodaeth ar gefn y cerdyn hwn.

Cefn y cerdyn

Etholiad Llywodraeth Leol

*Pan ewch chi i'r orsaf bleidleisio, dywedwch eich enw a'ch cyfeiriad, fel y'u dangosir ar flaen y cerdyn hwn, wrth y clerc.

*Bydd y clerc yn cadarnhau'ch manylion ar y gofrestr.

Pan roddir eich papur pleidleisio i chi, ewch i un o'r bythau pleidleisio.

Rhifwch yr ymgeiswyr yn nhrefn eich dewis yn y blychau pleidleisio gyferbyn â'r ymgeiswyr.

Gallwch ddewis cynifer neu gyn lleied ag y dymunwch.

Rhowch y rhif 1 yn y blwch pleidleisio gyferbyn â'ch dewis cyntaf.

Rhowch y rhif 2 yn y blwch pleidleisio gyferbyn â'ch ail ddewis.

Rhowch y rhif 3 yn y blwch pleidleisio gyferbyn â'ch trydydd dewis. Ac yn y blaen.

Peidiwch â marcio'r papur pleidleisio mewn unrhyw ffordd arall. Os gwnewch hynny, mae'n bosibl y bydd eich pleidlais yn annilys.

Os byddwch yn difetha'r papur pleidleisio drwy gamgymeriad, dangoswch ef i'r swyddog llywyddu a gofynnwch am un newydd.

Pan fyddwch wedi marcio'r papur pleidleisio, plygwch ef yn ddau. Dangoswch y rhif a'r marc adnabod unigryw arall ar gefn y papur pleidleisio i'r swyddog llywyddu ond peidiwch â gadael i neb weld eich pleidlais. Rhowch y papur pleidleisio yn y bocs pleidleisio a gadewch yr orsaf bleidleisio.

Os byddwch i ffwrdd ar ddyddiad y bleidlais, mae yna ffyrdd eraill o bleidleisio.

(1) Cewch wneud cais am bleidlais bost. Rhaid i'ch cais ddod i law'r swyddog canlyniadau cyn 5 pm ar [rhowch y dyddiad cau]. Os cewch chi bleidlais bost, ni fydd gennych yr hawl i bleidleisio'n bersonol yn yr etholiad hwn.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

(2) Cewch wneud cais am bleidleisio drwy ddirprwy (mae hyn yn golygu y caiff rhywun bleidleisio ar eich rhan). Fel arfer, rhaid i'ch cais ddod i law cyn 5pm ar [rhowch y dyddiad cau]. Os byddwch yn penodi dirprwy, rydych yn dal yn cael pleidleisio yn yr etholiad hwn eich hun os gwnewch chi hynny cyn i'ch dirprwy bleidleisio ar eich rhan.

O dan rai amgylchiadau, efallai y bydd yn bosibl gwneud cais am bleidleisio drwy ddirprwy ar ôl [rhowch y dyddiad cau].

Os hoffech chi bleidleisio drwy'r post neu drwy ddirprwy, cysylltwch â [rhowch rif y llinell gymorth] cyn gynted â phosibl.

Dyroddwyd gan y swyddog canlyniadau

Testun amgen pan fo gan yr etholwr gofnod dienw

*Pan fo'r cerdyn pleidleisio yn cael ei anfon neu ei ddanfôn at etholwr sydd â chofnod dienw, yn lle'r paragraffau ar flaen a chefn y cerdyn hwn sydd wedi eu marcio â seren, rhowch y paragraffau a ganlyn:

Rhaid ichi gael y cerdyn hwn gyda chi pan fyddwch yn pleidleisio. Ni chewch bleidleisio hebdo.

Pan ewch chi i'r orsaf bleidleisio, gofynnwch am gael siarad â'r swyddog llywyddu a dangoswch y cerdyn hwn iddo.

Bydd y swyddog llywyddu'n cadarnhau'ch cofnod ar y gofrestr.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Cerdyn Swyddogol Pleidleisio drwy'r Post (i'w anfon neu i'w ddanfon at etholwr sy'n pleidleisio drwy'r post)

Blaen y cerdyn

Cerdyn Swyddogol Pleidleisio drwy'r Post

Cyngor:

Ward etholiadol:

Nifer y cyngorwyr sydd i'w hethol dros y ward etholiadol:

Ar gyfer yr etholiad ar: [rhowch ddyddiad y bleidlais]

Rhif ar y gofrestr:

*Enw a chyfeiriad:

*Sylwch: Rhaid hepgor yr enw a'r cyfeiriad pan fo'r cerdyn pleidleisio'n cael ei anfon neu ei ddanfon at etholwr sydd â chofnod dienw. Rhaid anfon neu ddanfon cerdyn pleidleisio a anfonir neu a ddanfonir at etholwr sydd â chofnod dienw mewn amlen wedi ei selio.

Cerdyn yw hwn i ddweud wrthoch eich bod wedi gofyn am bleidleisio drwy'r post ar gyfer yr etholiad hwn, ac na fyddwch yn cael pleidleisio'n bersonol mewn gorsaf bleidleisio. Os hoffech chi ganslo'ch pleidlais bost, ffoniwch rif y llinell gymorth [rhowch rif y llinell gymorth] cyn 5 pm ar [rhowch y dyddiad cau].

Byddwn yn anfon neu'n danfon eich papurau pleidleisio post o gwmpas [rhowch y dyddiad], wedi eu cyfeirio at [rhowch yr enw a'r cyfeiriad].

Os na fydd eich papurau pleidleisio post wedi cyrraedd erbyn [rhowch y dyddiad], ffoniwch [rhowch rif y llinell gymorth] a gofynnwch am help.

Os byddwch yn colli neu'n difetha'ch papur pleidleisio post yn ddamweiniol, ffoniwch rif y llinell gymorth a ddangosir uchod cyn gynted â phosibl. Dim ond cyn 5 pm ar [rhowch ddyddiad y bleidlais] y gellir dyroddi papurau pleidleisio newydd.

Cerdyn i roi gwybodaeth ichi am bleidleisio drwy'r post yw hwn.

Gweler rhagor o wybodaeth ar gefn y cerdyn hwn.

Cefn y cerdyn

Etholiad Llywodraeth Leol

Pan gewch chi eich pecyn pleidleisio post, darllenwch y cyfarwyddiadau gydag ef yn ofalus wrth ichi lenwi'ch papur pleidleisio post.

Peidiwch â gadael i neb weld eich pleidlais. Os oes arnoch angen help i bleidleisio, rhaid i'r person sy'n eich helpu beidio â dweud wrth neb sut rydych chi wedi pleidleisio. Gallwch gael help annibynnol gan y swyddog canlyniadau drwy ffonio'r llinell gymorth ar [rhowch rif y llinell gymorth].

Rhaid ichi **lofnodi'r** datganiad pleidleisio post a **darparu'ch dyddiad geni**. Mesur diogelwch yw hwn. Ni fydd yn effeithio ar eich pleidlais nac yn golygu bod y ffordd y rhesoch eich pleidlais yn hysbys. Heb eich llofnod a'ch dyddiad geni, ni fydd y datganiad yn ddilys ac ni fydd eich pleidlais yn cael ei chyfrif. Gall y swyddog canlyniadau groeswiro'ch llofnod a'ch dyddiad geni yn erbyn cofnodion eraill sydd ganddo.*

*Pan fo'r gofyniad ynglŷn â llofnod wedi ei hepgor, rhaid i'r swyddog canlyniadau gynnwys yn hytrach y paragraff a ganlyn.

Rhaid ichi **ddarparu'ch dyddiad geni**. Mesur diogelwch yw hwn. Ni fydd yn effeithio ar eich pleidlais nac yn golygu bod y ffordd y rhesoch eich pleidlais yn hysbys. Heb eich dyddiad geni, ni fydd y datganiad yn ddilys ac ni fydd eich pleidlais yn cael ei chyfrif. Gall y swyddog canlyniadau groeswiro'ch dyddiad geni yn erbyn cofnodion eraill sydd ganddo.

Os byddwch yn colli neu'n difetha'ch papur pleidleisio'n ddamweiniol, ffoniwch rif y llinell gymorth a ddangosir isod cyn gynted â phosibl. Dim ond cyn 5 pm ar [rhowch ddyddiad y bleidlais] y gallwn ddyroddi papurau pleidleisio post newydd.

Llenwch a dychwelwch eich pleidlais bost cyn gynted â phosibl. Rhaid i'r swyddog canlyniadau gael eich pleidlais bost cyn 10 pm ar [rhowch ddyddiad y bleidlais]. Ar ôl eu llenwi, cewch

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

ddanfôn eich datganiad pleidleisio post a'ch papur pleidleisio mewn un o dair ffordd.
Cewch eu hanfôn drwy'r post at y swyddog canlyniadau fel eu bod yn dod i law cyn 10 pm ar [rhowch ddyddiad y bleidlais].
Cewch eu cyflwyno i'r swyddog canlyniadau cyn 10 pm ar [rhowch ddyddiad y bleidlais].
Ar ddiwrnod y bleidlais, gallwch eu danfôn i unrhyw orsaf bleidleisio yn y ward etholiadol cyn 10 pm.

Os hoffech chi bleidleisio'n bersonol yn yr etholiadau, rhaid ichi ganslo'ch pleidlais bost cyn 5 pm ar [rhowch y dyddiad cau].

Os oes arnoch angen unrhyw gymorth, ffoniwch y llinell gymorth ar [rhowch rif y llinell gymorth].

Mae'n drosedd pleidleisio drwy ddefnyddio papur pleidleisio na chafodd ei gyfeirio atoch chi.

Dyrodwyd gan y swyddog canlyniadau

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Cerdyn Pleidleisio Swyddogol Dirprwy (i'w anfon neu i'w ddanfon at ddirprwy sy'n pleidleisio'n bersonol)

Blaen y cerdyn

Cerdyn Pleidleisio Swyddogol Dirprwy

Cyngor:

Ward etholiadol:

Nifer y cyngorwyr sydd i'w hethol dros y ward etholiadol:

Diwrnod Pleidleisio:

Oriau Pleidleisio: 7 am i 10 pm

Eich gorsaf bleidleisio chi fydd:

*Cerdyn pleidleisio yw hwn i ddweud wrthoch fod yr etholwr a enwir ar gefn y cerdyn hwn wedi'ch penodi'n ddirprwy ar gyfer yr etholiad hwn.

*Enw'r dirprwy:

*Cyfeiriad y dirprwy:

*Sylwch: Mae'r adran hon i'w hepgor pan fo'r cerdyn pleidleisio yn cael ei anfon neu ei ddanfon at ddirprwy etholwr sydd â chofnod dienw. Rhaid anfon neu ddanfon cerdyn pleidleisio a anfonir neu a ddanfonir at ddirprwy etholwr sydd â chofnod dienw mewn amlen wedi ei selio.

***Cerdyn er gwybodaeth yn unig yw hwn. Cewch bleidleisio hebdo ond bydd yn arbed amser ichi os ewch ag ef i'r orsaf bleidleisio a'i ddangos i'r clerc yno.**

Gweler rhagor o wybodaeth ar gefn y cerdyn hwn.

Cefn y cerdyn

Etholiad Llywodraeth Leol

*Cerdyn pleidleisio yw hwn i ddweud wrthoch eich bod wedi'ch penodi, ar gyfer yr etholiad hwn, yn ddirprwy ar ran:

*[Rhowch enw'r etholwr]

*[Rhowch gyfeiriad yr etholwr]

*[Rhowch rif yr etholwr ar y gofrestr]

*Pan ewch chi i'r orsaf bleidleisio, dywedwch wrth y clerc yr hoffech chi bleidleisio fel dirprwy ar ran yr etholwr a ddangosir uchod.

*Bydd y clerc yn cadarnhau'r manylion ar y gofrestr.

Pan roddir y papur pleidleisio i chi, ewch i un o'r bythau pleidleisio.

Rhifwch yr ymgeiswyr yn nhrefn dewis yr etholwr yn y blychau pleidleisio gyferbyn â'r ymgeiswyr.

Gall yr etholwr ddewis cynifer neu gyn lleied ag y dymuna.

Rhowch y rhif 1 yn y blwch pleidleisio gyferbyn â dewis cyntaf yr etholwr.

Rhowch y rhif 2 yn y blwch pleidleisio gyferbyn ag ail ddewis yr etholwr.

Rhowch y rhif 3 yn y blwch pleidleisio gyferbyn â thrydydd dewis yr etholwr. Ac yn y blaen.

Peidiwch â marcio'r papur pleidleisio mewn unrhyw ffordd arall. Os gwnewch hynny, mae'n bosibl y bydd eich pleidlais yn annilys.

Os byddwch yn difetha'r papur pleidleisio drwy gamgymeriad, dangoswch ef i'r swyddog llywyddu a gofynnwch am un newydd.

Pan fyddwch wedi marcio'r papur pleidleisio, plygwch ef yn ddau. Dangoswch y rhif a'r marc adnabod unigryw arall ar gefn y papur pleidleisio i'r swyddog llywyddu ond peidiwch â gadael i neb weld y bleidlais. Rhowch y papur pleidleisio yn y bocs pleidleisio a gadewch yr orsaf bleidleisio.

Caiff y person a'ch penododd yn ddirprwy bleidleisio yn yr etholiad hwn. Os hoffai wneud hynny, rhaid iddo bleidleisio'n bersonol cyn i chithau bleidleisio ar ei ran.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Os byddwch i ffwrdd ar ddyddiad y bleidlais, cewch wneud cais am bleidleisio drwy'r post fel dirprwy. Rhaid i'ch cais ddod i law'r swyddog canlyniadau cyn 5 pm ar [rhowch y dyddiad cau]. Os rhoddir pleidlais bost drwy ddirprwy i chi, ni fydd gennych chi (ar ran yr etholwr) na'r etholwr yr hawl i bleidleisio'n bersonol yn yr etholiad hwn.

Mae'n anghyfreithlon gwneud unrhyw un neu ragor o'r canlynol—

Pleidleisio fwy nag unwaith (oni bai eich bod wedi'ch penodi'n ddirprwy ar ran etholwr arall) yn yr un etholiad.

Pleidleisio fel dirprwy yn yr un etholiad ar ran dau berson neu ragor oni bai eich bod yn briod, partner sifil, rhiant, taid neu nain, brawd, chwaer, plentyn, ŵyr neu wyres iddynt.

Pleidleisio fel dirprwy dros berson os ydych yn gwybod bod y person o dan anghymhwyster cyfreithiol i bleidleisio.

Os oes arnoch angen unrhyw gymorth, ffoniwch ein llinell gymorth ar [rhowch rif y llinell gymorth].

Dyrodwyd gan y swyddog canlyniadau

Testun amgen pan fo gan yr etholwr gofnod dienw

*Pan fo'r cerdyn pleidleisio yn cael ei anfon neu ei ddanfôn at ddirprwy etholwr sydd â chofnod dienw, yn lle'r paragraffau ar flaen a chefn y cerdyn hwn sydd wedi eu marcio â seren, rhowch y paragraffau a ganlyn:

Rhaid ichi gael y cerdyn hwn gyda chi pan fyddwch yn pleidleisio. Ni chewch bleidleisio fel dirprwy hebdo.

Mae gennych yr hawl i bleidleisio fel dirprwy ar ran yr etholwr y dangosir ei rif etholiadol isod.

[Rhowch rif yr etholwr ar y gofrestr]

Er mwyn pleidleisio fel dirprwy, rhaid ichi fynd i'r orsaf bleidleisio a ddangosir ar flaen y cerdyn hwn. Gofynnwch am gael siarad â'r swyddog llywyddu a dangoswch y cerdyn hwn iddo. Bydd y clerc yn cadarnhau'r manylion ar y gofrestr.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Cerdyn Pleidleisio Swyddogol Dirprwy drwy'r Post (i'w anfon neu i'w ddanfon at ddirprwy sy'n pleidleisio drwy'r post)

Blaen y cerdyn

Cerdyn Pleidleisio Swyddogol Dirprwy drwy'r Post	
Cyngor: Ward etholiadol: Nifer y cynghorwyr sydd i'w hethol dros y ward etholiadol: Ar gyfer yr etholiad ar: [rhowch ddyddiad y bleidlais]: Enw a chyfeiriad y dirprwy:	*Cerdyn pleidleisio yw hwn i ddweud wrthoch fod yr etholwr a enwir ar gefn y cerdyn hwn wedi'ch penodi'n ddirprwy iddo ar gyfer yr etholiad hwn a'ch bod chithau wedi penderfynu pleidleisio drwy'r post. Ni chewch bleidleisio ar ran yr etholwr mewn gorsaf bleidleisio. Os hoffech chi ganslo'r bleidlais bost hon a phleidleisio'n bersonol ar ddiwrnod y bleidlais, ffoniwch y llinell gymorth isod cyn 5 pm ar [rhowch y dyddiad cau]. Byddwn yn anfon neu'n danfon y papurau pleidleisio post drwy ddirprwy o gwmpas [rhowch y dyddiad]. Os na fydd y papurau pleidleisio post drwy ddirprwy wedi cyrraedd erbyn [rhowch y dyddiad], ffoniwch [rhowch rif y llinell gymorth] a gofynnwch am help.

Os byddwch yn colli neu'n difetha papur pleidleisio post yr etholwr yn ddamweiniol, ffoniwch rif y llinell gymorth a dangosir uchod cyn gynted â phosibl. Dim ond cyn 5 pm ar [rhowch ddyddiad y bleidlais] y gellir dyroddi papurau pleidleisio newydd.

Cerdyn yw hwn i roi gwybodaeth ichi am bleidleisio drwy'r post fel dirprwy.

Gweler rhagor o wybodaeth ar gefn y cerdyn hwn.

Cefn y cerdyn

Etholiad Llywodraeth Leol *Cerdyn pleidleisio yw hwn i ddweud wrthoch eich bod wedi'ch penodi, ar gyfer yr etholiad hwn, yn ddirprwy ar ran yr etholwr a enwir isod a'ch bod chithau wedi penderfynu pleidleisio drwy'r post: *[Rhowch enw'r etholwr] *[Rhowch gyfeiriad yr etholwr] Pan gewch chi'r pecyn pleidleisio post, darllenwch y cyfarwyddiadau gydag ef yn ofalus wrth ichi lenwi'ch papur pleidleisio post. Peidiwch â gadael i neb weld y bleidlais. Os oes arnoch angen help i bleidleisio fel dirprwy, rhaid i'r person sy'n eich helpu beidio â dweud wrth neb sut rydych chi wedi pleidleisio fel dirprwy. Gallwch gael help annibynnol gan y swyddog canlyniadau drwy ffonio'r llinell gymorth ar [rhowch rif y llinell gymorth]. Rhaid ichi lofnodi'r datganiad pleidleisio post a darparu'ch dyddiad geni . Mesur diogelwch yw hwn. Ni fydd yn effeithio ar y bleidlais nac yn golygu bod y ffordd y rhoesoch y bleidlais fel dirprwy yn hysbys. Heb eich llofnod a'ch dyddiad geni, ni fydd y datganiad yn ddilys ac ni fydd y bleidlais yn cael ei chyfrif. Gall y swyddog canlyniadau groeswiro'ch llofnod a'ch dyddiad geni yn erbyn cofnodion eraill sydd ganddo.** **Pan fo'r gofyniad ynglŷn â llofnod wedi ei hepgor, rhaid i'r swyddog canlyniadau gynnwys yn hytrach y paragraff a ganlyn. Rhaid ichi ddarparu'ch dyddiad geni . Mesur diogelwch yw hwn. Ni fydd yn effeithio ar y bleidlais nac yn golygu bod y ffordd y rhoesoch y bleidlais fel dirprwy yn hysbys. Heb eich dyddiad geni, ni fydd y datganiad yn ddilys ac ni fydd y bleidlais yn cael ei chyfrif. Gall y swyddog canlyniadau groeswiro'ch dyddiad geni yn erbyn cofnodion eraill sydd ganddo.
--

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Os byddwch yn colli neu'n difetha'r papur pleidleisio'n ddamweiniol, ffoniwch rif y llinell gymorth cyn gynted â phosibl. Dim ond cyn 5 pm ar [rhowch ddyddiad y bleidlais] y gallwn ddyroddi papurau pleidleisio post newydd.

Llenwch a dychwelwch y bleidlais bost cyn gynted â phosibl. Rhaid i'r swyddog canlyniadau gael eich pleidlais bost cyn 10 pm ar [rhowch ddyddiad y bleidlais]. Ar ôl eu llenwi, cewch danfon eich datganiad pleidleisio post a'r papur pleidleisio mewn un o dair ffordd.

Cewch eu hanfon drwy'r post at y swyddog canlyniadau fel eu bod yn dod i law cyn 10 pm ar [rhowch ddyddiad y bleidlais].

Cewch eu cyflwyno i'r swyddog canlyniadau cyn 10 pm ar [rhowch ddyddiad y bleidlais].

Ar ddiwrnod y bleidlais, gallwch eu danfon i unrhyw orsaf bleidleisio yn y ward etholiadol cyn 10 pm.

Os hoffech chi bleidleisio'n bersonol fel dirprwy yn yr etholiad, rhaid ichi ganslo'ch pleidlais bost cyn 5 pm ar [rhowch y dyddiad cau].

Mae'n anghyfreithlon gwneud unrhyw un neu ragor o'r canlynol—

Pleidleisio fwy nag unwaith (oni bai eich bod wedi'ch penodi'n ddirprwy ar ran etholwr arall) yn yr un etholiad.

Pleidleisio fel dirprwy yn yr un etholiad ar ran dau berson neu ragor oni bai eich bod yn briod, partner sifil, rhiant, taid neu nain, brawd, chwaer, plentyn, ŵyr neu wyres iddynt.

Pleidleisio fel dirprwy dros berson os ydych yn gwybod bod y person o dan anghymhwyster cyfreithiol i bleidleisio.

Os oes arnoch angen unrhyw gymorth, ffoniwch ein llinell gymorth ar [rhowch rif y llinell gymorth].

Dyroddwyd gan y swyddog canlyniadau

Testun amgen pan fo gan yr etholwr gofnod dienw

*Pan fo'r cerdyn pleidleisio yn cael ei anfon neu ei ddanfon at ddirprwy etholwr sydd â chofnod dienw, yn lle'r paragraffau ar flaen a chefn y cerdyn hwn sydd wedi eu marcio â seren, rhowch y paragraffau a ganlyn:

Cerdyn pleidleisio yw hwn i ddweud wrthoch eich bod wedi'ch penodi, ar gyfer yr etholiad hwn, yn ddirprwy ar ran yr etholwr y dangosir ei rif etholiadol isod a'ch bod chithau wedi penderfynu pleidleisio drwy'r post.

Mae gennych yr hawl i bleidleisio fel dirprwy ar ran yr etholwr y dangosir ei rif etholiadol isod: [Rhowch rif yr etholwr ar y gofrestr]

Atodiad 6A Rheol 32(11A)(b)

Canllawiau i Bleidleiswyr mewn Pleidleisiau Cyfun

1. Pan roddir eich papurau pleidleisio i chi, ewch i un o'r bythau pleidleisio.
 2. Rydych chi wedi cael [y swyddog canlyniadau i roi'r nifer] o bapurau pleidleisio. [Yna rhaid i'r swyddog canlyniadau nodi pa liw o bapur pleidleisio sy'n cael ei ddefnyddio wrth ethol cynghorwyr i gyngor sir neu gyngor bwrdeistref sirol a pha liw o bapur pleidleisio sy'n cael ei ddefnyddio ym mhob etholiad perthnasol.]
 3. [Yna, rhaid i'r swyddog canlyniadau nodi'r cyfarwyddiadau ar gyfer marcio'r papur pleidleisio a ddefnyddir wrth ethol cynghorwyr i gyngor sir neu gyngor bwrdeistref sirol a'r cyfarwyddiadau ar gyfer marcio'r papur pleidleisio a ddefnyddir ym mhob etholiad perthnasol. Un ffurf addas ar eiriau ar gyfer y cyfarwyddiadau ynglŷn â marcio'r papur pleidleisio a ddefnyddir wrth ethol cynghorwyr i gyngor sir neu gyngor bwrdeistref sirol fyddai'r canlynol:
“Rhifwch yr ymgeiswyr yn nhrefn eich dewis yn y blychau pleidleisio gyferbyn â'r ymgeiswyr. Gallwch ddewis cynifer neu gyn lleied ag y dymunwch.
Rhowch y rhif 1 yn y blwch pleidleisio gyferbyn â'ch dewis cyntaf.
Rhowch y rhif 2 yn y blwch pleidleisio gyferbyn â'ch ail ddewis.
Rhowch y rhif 3 yn y blwch pleidleisio gyferbyn â'ch trydydd dewis. Ac yn y blaen.

Peidiwch â rhoi unrhyw farc arall ar y papur pleidleisio neu mae'n bosibl na chyfrifir eich pleidlais/pleidleisiau.”
 4. Plygwch bob un o'r papurau pleidleisio yn ddau.
 5. Dangoswch y rhif a'r marc adnabod unigryw arall ar gefn y papurau pleidleisio i'r swyddog llywyddu ond peidiwch â gadael i neb weld eich pleidleisiau.
 6. Rhowch bob papur pleidleisio yn y bocs pleidleisio priodol NEU Rhowch y papurau pleidleisio yn y bocs pleidleisio.* Yna gadewch yr orsaf pleidleisio.
 7. Os byddwch yn difetha unrhyw un neu ragor o'ch papurau pleidleisio drwy gamgymeriad, dangoswch ef i'r swyddog llywyddu a gofynnwch am un newydd.
- *Rhaid i'r swyddog canlyniadau ddewis pa gyfarwyddyd bynnag sy'n briodol ar gyfer yr etholiad. O ran pwynt 6, mae'r dewis cyntaf yn briodol pan ddefnyddir bocsys pleidleisio ar wahân ar gyfer pob etholiad. Mae'r ail ddewis yn briodol pan ddefnyddir yr un bocs pleidleisio ar gyfer pob un.

NODYN ESBONIADOL

(Nid yw'r nodyn hwn yn rhan o'r Rheolau)

Ar 6 Mai 2022, daeth darpariaethau Deddf Llywodraeth Leol ac Etholiadau (Cymru) 2021 (“Deddf 2021”) sy'n ymwneud â'r system pleidlais sengl drosglwyddadwy ar gyfer ethol cynghorwyr i brif gyngor yng Nghymru i rym. Mae'r darpariaethau hyn yn caniatáu i brif gynghorau benderfynu cynnal etholiadau gan ddefnyddio'r system pleidlais sengl drosglwyddadwy yn hytrach na'r system mwyafrif syml (gweler, yn benodol, adrannau 7 i 9 o'r Ddeddf honno).

Mewnosodwyd adran 36A o Ddeddf Cynrychiolaeth y Bobl 1983, sy'n galluogi Gweinidogion Cymru i wneud rheolau ar gyfer cynnal etholiadau llywodraeth leol yng Nghymru, gan adran 13 o Ddeddf 2021. Arferwyd y pŵer hwnnw i wneud Rheolau Etholiadau Lleol (Prif Ardaloedd) (Cymru) 2021 (O.S. 2021/1459 (Cy. 374)) (“Rheolau 2021”). Mae'r Rheolau hynny'n nodi sut y mae rhaid cynnal etholiadau i brif gynghorau pan ddefnyddir y system mwyafrif syml. Nid ydynt yn gwneud darpariaeth ar gyfer cynnal etholiadau pan ddefnyddir y system pleidlais sengl drosglwyddadwy.

Mae'r Rheolau hyn (Rheolau Etholiadau Lleol (Prif Ardaloedd) (Pleidlais Sengl Drosglwyddadwy) (Cymru) 2023) felly yn diwygio Rheolau 2021 er mwyn iddynt ddarparu ar gyfer cynnal etholiadau pan ddefnyddir y system pleidlais sengl drosglwyddadwy. Bydd Rheolau 2021 yn parhau i wneud darpariaeth ynghylch y system mwyafrif syml ar gyfer cynnal etholiadau mewn prif ardaloedd nad ydynt wedi penderfynu defnyddio'r system pleidlais sengl drosglwyddadwy.

Mae rheol 2 yn diwygio rheol 3 o Reolau 2021 er mwyn ychwanegu'r termau “system mwyafrif syml” a “system pleidlais sengl drosglwyddadwy” at y rhestr ym mharagraff (3) o'r rheol honno. Effaith y diwygiad yw fod i'r termau hynny yr ystyr a nodir yn adran 6 o Ddeddf 2021.

Mae rheol 3 yn diwygio Rhan 3 o Atodlen 1 i Reolau 2021, sy'n ymdrin â chynnal y bleidlais, er mwyn cynnwys darpariaeth ar gyfer y system pleidlais sengl drosglwyddadwy. Ar hyn o bryd, mae Rhan 3 yn cyfeirio at nifer o ffurfiau rhagnodedig, gan gynnwys ffurf y papur pleidleisio, nad ydynt yn addas ar gyfer etholiadau sy'n defnyddio'r system pleidlais sengl drosglwyddadwy oherwydd eu bod yn cynnwys cyfarwyddiadau i bleidleiswyr i roi croes [X] yn erbyn enw'r ymgeisydd y maent yn pleidleisio drosto. Mae'r diwygiadau'n darparu ar gyfer defnyddio ffurfiau gwahanol mewn etholiadau sy'n defnyddio'r system pleidlais sengl drosglwyddadwy. Maent hefyd yn gwneud darpariaeth wahanol ar gyfer cynnwys hysbysiaidau y tu mewn i bob bwth pleidleisio (fel bod pleidleiswyr, yn hytrach na chael eu cyfarwyddo i roi croes, yn cael gwybodaeth ynghylch sut i farcio eu dewis cyntaf, eu hail ddewis a'u trydydd dewis etc.).

Mae rheol 4 yn mewnosod Rhan newydd 4A yn Rheolau 2021, sy'n ymdrin â chyfrif pleidleisiau mewn etholiadau sy'n defnyddio'r system pleidlais sengl drosglwyddadwy. Bydd y Rhan 4 bresennol yn parhau i fod yn gymwys mewn etholiadau sy'n defnyddio'r system mwyafrif syml ac mae wedi ei haileni i adlewyrchu ei chwmpas.

Mae Pennod 1 o'r Rhan newydd 4A yn cynnwys darpariaethau rhagarweiniol. Mae'r ddarpariaeth a wneir ar gyfer presenoldeb wrth i'r pleidleisiau gael eu cyfrif (rheol 60B), ar gyfer cyfrif y papurau pleidleisio yn y lle cyntaf a'u dilysu etc. (rheol 60C) ac ar gyfer dyletswyddau cyffredinol y swyddog canlyniadau wrth gyfrif y pleidleisiau (rheol 60D) yn debyg i'r ddarpariaeth a wneir gan y Rhan 4 bresennol ar gyfer etholiadau sy'n defnyddio'r system mwyafrif syml. Mae'r ddarpariaeth a wneir ar gyfer gwrthod papurau pleidleisio yn sylweddol wahanol (rheol 60E). Yn benodol, mae'r seiliau ar gyfer eu gwrthod yn wahanol mewn ffyrdd penodol er mwyn ystyried y sefyllfa mewn etholiadau sy'n defnyddio'r system pleidlais sengl drosglwyddadwy pan fo rhaid i bleidleiswyr nodi dewis cyntaf a phan gânt nodi ail ddewis a dewisiadau pellach.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Mae Pennod 2 o'r Rhan newydd 4A yn nodi'r rheolau a ddefnyddir i bennu'r canlyniad mewn etholiadau sy'n defnyddio'r system pleidlais sengl drosglwyddadwy. Mae'r rheolau hyn yn seiliedig ar system a ddisgrifir weithiau mewn llenyddiaeth ynghylch systemau etholiadol fel "y dull Gregory clasurol" neu "y dull Gregory syml". Mae prif agweddau'r rheolau fel a ganlyn.

- Cyfrifir y pleidleisiau dewis cyntaf ar bapurau pleidleisio dilys (rheol 60G).
- Cyfrifir y "cwota". Dyma nifer y pleidleisiau y mae eu hangen i sicrhau y dychwelir ymgeisydd fel cynghorydd. Mae rheol 60H yn nodi sut y cyfrifir y cwota ac fe'i dangosir gan ddefnyddio'r fformiwla ganlynol:

$$\left(\frac{\text{cyfanswm y pleidleisiau dilys}}{\text{nifer y seddi sydd i'w llenwi yn yr etholiad} + 1} \right) + 1$$

- Mae rheol 60I yn nodi bod ymgeisydd i'w drin fel pe bai wedi ei ethol os yw nifer y pleidleisiau dros yr ymgeisydd, ar unrhyw gam o'r cyfrif, yn cyfateb i'r cwota neu uwchlaw'r cwota.
- Mae darpariaeth i bleidleisiau gael eu trosglwyddo pan fo nifer y pleidleisiau dros ymgeisydd uwchlaw'r cwota (hynny yw, pan drinnir yr ymgeisydd felly fel pe bai wedi ei ethol a bod ganddo bleidleisiau dros ben).
 - Pan fo'r pleidleisiau dewis cyntaf dros ymgeisydd uwchlaw'r cwota, mae rheol 60J yn nodi'r hyn sy'n digwydd. Yn y bôn, edrychir ar bapurau pleidleisio'r ymgeisydd llwyddiannus i weld a yw'r pleidleisiwr wedi mynegi "dewis nesaf sydd ar gael". Diffinnir hyn yn rheol 60F, ac yn fras mae'n golygu dewis nesaf (mewn trefn olynol) o ran ymgeisydd sy'n dal yn y ras (hynny yw, nad yw wedi ei drin fel pe bai wedi ei ethol nac wedi ei eithrio). Cyfeirir at bapurau pleidleisio sy'n mynegi dewis nesaf sydd ar gael yn y rheolau fel "papurau trosglwyddadwy" a throsglwyddir pob un i'r ymgeisydd y rhoddwyd y dewis o'i ran. Mae i'r bleidlais ar bob papur pleidleisio a drosglwyddir werth a gyfrifir yn unol â rheol 60J(5) (drwy gymryd pleidleisiau dros ben yr ymgeisydd a'u rhannu â chyfanswm nifer y papurau pleidleisio a drosglwyddir).
 - Mewn achosion eraill pan fo gan ymgeisydd bleidleisiau dros ben (er enghraifft, pan fo gan ymgeisydd bleidleisiau dros ben ar ôl trosglwyddo'r pleidleisiau dewis cyntaf o dan reol 60J), mae rheol 60K yn nodi'r hyn sy'n digwydd. Os digwydd hyn, nid yw'r swyddog canlyniadau ond yn edrych ar y papurau pleidleisio a drosglwyddwyd ddiwethaf i'r ymgeisydd llwyddiannus (yn yr enghraifft, y rheini a drosglwyddwyd o dan reol 60J). Edrychir ar y papurau pleidleisio hyn i weld a yw'r pleidleisiwr wedi mynegi dewis nesaf sydd ar gael. Trosglwyddir pob papur pleidleisio sy'n mynegi dewis nesaf sydd ar gael i'r ymgeisydd y rhoddwyd y dewis o'i ran. Mae i'r bleidlais ar bob papur pleidleisio a drosglwyddir werth a gyfrifir yn unol â rheol 60K(5). Mae hyn eto yn golygu rhannu pleidleisiau dros ben yr ymgeisydd â chyfanswm nifer y papurau pleidleisio a drosglwyddir ond mae cam ychwanegol y bwriedir iddo sicrhau nad yw'r gwerth yn fwy na gwerth y bleidlais ar y papur pleidleisio pan gafwyd hi gan yr ymgeisydd y mae'r bleidlais yn awr yn cael ei throsglwyddo oddi wrtho (gweler cam 3 yn rheol 60K(5)).
 - Mae rheolau 60L, 60M a 60N yn ymdrin â materion ategol yn ymwneud â throsglwyddiadau. Yn benodol, mae rheol 60L yn ymdrin ag achosion pan na fo angen trosglwyddo, rheol 60M yn ymdrin â threfn trosglwyddiadau pan fo gan ddau ymgeisydd neu ragor yr un nifer o bleidleisiau dros ben a rheol 60N yn ymdrin â'r cofnodion y mae'n ofynnol i'r swyddog canlyniadau eu gwneud.
- Os oes swyddi gwag i'w llenwi o hyd ar ôl trosglwyddo'r holl bleidleisiau dros ben, mae'r rheolau'n darparu ar gyfer eithrio'r ymgeisydd sydd â'r nifer lleiaf o bleidleisiau (rheol 60O). Yna caiff pleidleisiau'r ymgeisydd a eithriwyd eu hailddosbarthu. Mae hyn yn digwydd fesul cam.
 - Y cam cyntaf yw trosglwyddo pleidleisiau dewis cyntaf yr ymgeisydd a eithriwyd o dan reol 60O. Mae'r swyddog canlyniadau'n edrych ar y papurau pleidleisio y rhoddwyd

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

y pleidleisiau hynny arnynt i weld a yw'r pleidleisiwr wedi mynegi dewis nesaf sydd ar gael. Trosglwyddir pob papur pleidleisio sy'n mynegi dewis nesaf sydd ar gael i'r ymgeisydd y rhoddwyd y dewis o'i ran, a'r gwerth trosglwyddo fydd 1.

- Os oes swyddi gwag o hyd ar ôl gwneud hyn, mae'r swyddog canlyniadau'n didoli papurau pleidleisio eraill yr ymgeisydd a eithriwyd yn grwpiau yn unol â gwerth trosglwyddo'r pleidleisiau hynny pan gafodd yr ymgeisydd a eithriwyd hwy (rheol 60P). Gan ddechrau â'r grŵp uchaf ei werth, mae'r swyddog canlyniadau'n edrych ar y papurau pleidleisio i weld a yw'r pleidleisiwr wedi mynegi dewis nesaf sydd ar gael. Trosglwyddir pob papur pleidleisio sy'n mynegi dewis nesaf sydd ar gael i'r ymgeisydd y rhoddwyd y dewis o'i ran, yn unol â gwerth y bleidlais ar y papur pan gafwyd hi gan yr ymgeisydd a eithriwyd.
- Mae rheol 60R yn ymdrin â materion ategol sy'n ymwneud ag eithrio, megis y cofnodion y mae'n ofynnol i'r swyddog canlyniadau eu gwneud.
- Mae rheol 60S yn nodi rheolau arbennig sy'n gymwys i lenwi swyddi gwag olaf. Bwriedir i'r rheolau hyn sicrhau nad yw'n ofynnol i'r swyddog canlyniadau barhau i gyfrif pan na fyddai diben gwneud hynny. Er enghraifft, mae'r rheol yn darparu, pan fo nifer yr ymgeiswyr sy'n dal yn y ras yn cyfateb i nifer y swyddi gwag sy'n dal heb eu llenwi, y trinnir yr ymgeiswyr hynny fel pe baent wedi eu hethol.
- Mae rheolau 60T i 60W yn ymdrin â materion atodol. Mae rheol 60T yn galluogi ymgeisydd neu asiant etholiadol i ofyn, ar ddiwedd pob cam o'r cyfrif, i'r cam hwnnw gael ei ailgyfrif. Rhaid i'r swyddog canlyniadau gydymffurfio â'r cais oni bai ei fod yn afresymol. Mae rheol 60U yn nodi rheolau ynghylch y drefn y trinnir ymgeiswyr fel pe baent wedi eu hethol ynddi (a'r rheol gyffredinol yw mai dyma'r drefn y trosglwyddwyd eu priod pleidleisiau dros ben ynddi). Mae rheol 60V yn darparu y bydd penderfyniadau'r swyddog canlyniadau yn derfynol (yn ddarostyngedig i'w hadolygu ar ddeiseb etholiad). Mae rheol 60W yn ymdrin â datgan y canlyniad a materion cysylltiedig.

Mae rheol 6 yn mewnosod Atodlenni 1 i 4 sy'n mewnosod Atodiadau newydd 2A, 4A, 5A a 6A yn yr Atodiadau i Atodlen 1 i Reolau 2021. Mewnosodir ffurfiau newydd o ran papurau pleidleisio, datganiadau pleidleisio post, cardiau pleidleisio a chanllawiau i bleidleiswyr. Mae'r rhain yn cynnwys cyfarwyddiadau priodol ar gyfer etholiadau sy'n defnyddio'r system pleidlais sengl drosglwyddadwy.

Mae rheolau 7 i 10 yn gwneud diwygiadau i Atodlen 2 i Reolau 2021 (sy'n ymdrin â'r sefyllfa pan gyfunir y bleidlais mewn etholiad i brif gyngor â'r bleidlais mewn etholiad perthnasol). Gan fod y ddarpariaeth a wneir gan y Rheolau hyn yn debyg i'r ddarpariaeth a wneir gan reolau 3 i 6 mewn cysylltiad ag Atodlen 1, ni roddir rhagor o eglurhad.

Mae rheol 11 yn gwneud diwygiad technegol i reol 54(3) o Reolau 2021.

Asesiad Effaith Rheoleiddiol

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheolau hyn. O ganlyniad, lluniwyd asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheolau hyn. Gellir cael copi oddi wrth: Yr Is-adran Etholiadau, Llywodraeth Cymru, Parc Cathays, Caerdydd, CF10 3NQ ac ar wefan Llywodraeth Cymru ar www.llyw.cymru.